

(1)

1

Euang Aman tidne daku
Kuddub suyum tunglen Aman
Uggarlenji ria Jisu
Arjod mangbalen dakuna, Amen.

2

Sintam Jisu Aman sintam
Boi boi lengemdam birna-Nam
Badrijilalen janggarda-Nam
Tordong do'ng-Nam a gankiltam, Amen.

3

Ordaran a kuddub mandran
Ruang leng pisirdia kanuduai
Aliluya, aliluya
U'an a On Jangarda a do'ng
Sinetiji dile tordong
Aliluya, aliluya,
Aliluya, aliluya, aliluya.

4

1. Monna-Nam do monnahen mailin Jisu
Ji'-Nam do ji'hen mailin Jisu
Ablugodling amganbin asan la
Mandrengodling abhanabin asan la.
2. Itsum-lam la itsum-lam Jisu Aman
Segurlih la segurlih Jisu Aman
Urungtih la urungtih Jisu Aman
Ir-pintu la rajaman tiybin asan.

1. Ta'ri Jisun a birna
Pisar-ri Jisun a birna
Ab-timyidamnetin Jisun
Ab-ganyimdamnetin Jisun buhangji.
2. Ranabrab Jisun buhanglen
Sanaisai Jisun buhanglen
Manadam Jisun a birnan
Ragaldam Jisun a birnan buhangji.
3. Amdangba Jisun abirnan
Manniba Jinun abirnan
Kunina dinna saring la
Tanakud sikkoi janang la buhangji.
4. Kanalkal delanglinanden
Banantong delanglinanden
Jisun umeng a gudingba
Jisun umeng a saidingba buhangji.
5. Tanimyim Jisu buhanglen
Banabyi Jisu buhanglen
Rua'ng rajamban urunglangtin
Matsi rajamban urunglantint buhangji.

1. Osana de'ti Daudon a on Jisun a do'ng
Ruang rajam saring yir-rai kan purti dissaban
2. Gijba pangdamnaitin tanabmad ranabtin
Pintu tanabmad suyiman do sanabyun taniyan.
3. Passij dangarda talaibanji rukkuwan rukkulin
Ajingban dakkuba daina panangtiyan pangle.

4. Kuddub saring lananka Gamangan de'ti dainan
Anin ahim lingan ablu pintu tanabmadan.
5. Ordar dissan, barun, alon, ganing, riang, ruang
Abhar-retin rubmangdaman Anin atanimyiman.
6. Anin abablingan ruba ranubab ganugun
Bangsa gamba kuddubaibin gamba ditad bangsa.

7

Jabala irdikalin Gamangan a sninkin ling
Itin asan gamlenden a suyiman tardali. (Abyar)

1. Anin abmang palidan barijdam purti lingan
2. Kuddublen gupalangtin abme'ngle dile dinan
3. Jakub birindan a do'ng araiyetin ditordong
4. Kanalkalan gijetin a On-daman tiyaiten.
5. Kun asan saninkinan a kinba dile dinan.

8

1. Jisun Jisun amang panang purardan
Jisun Jisun amang panang jangardan
Gijlai gijlai ablutungan Jisu-hen
Madlai madlai amengtungan Jisu-hen buhang.
2. Banaggi-godling Jisun panang dardilih
Kalkal-godling Anin panang sayamlih
Rabanglai rabanglai danardimar Jisu-hen
Imlai imlai sanayam mar Jisu-hen buhang.
3. Pintun saring, hen ablubin kahidli
Ir-sin saring hen abdibin yarmengli
Iyung iyung Anin a do'ng sebatai
Sinle sinle Anin amang dirtinai heni.

4. Moihda moihda detila buhang ji'hen
Pisar pisar detila tonan mukkahen
Hanglai hanglai blutungan Jisu hen
Delai delai ametungan Jisuhen buhang.

9

Daina Mesia daraina
Saninsin kanindran Jisun na darainan (Abyar)

1. Banangsan banangsan Jisun na banangsan.
2. Mardir-ran mardir-ran Jisun na mardiran.
3. Purardan purardan Jisun na purardan.
4. Ranaptin ranaptin Jisun na ranaptin.
5. Ganugun ganugun Jisun na ganugun.

10

1. Jabungdaman Jisun ahim kinaiba kinaiba
Moihle matsile, moihle irdikale
Kinaiba kinaiba kinaiba.
2. Kal-kal adnang bangsan adnang
antin a Jabung-him
Si'ngan saroban bara ling hana ling
Kinaiba kinaiba kinaiba.
3. Rungan do panurti ling Anin na surda him
Antin a surda him antin asurda him
Kinaiba kinaiba kinaiba.
4. Anin na tanimyimar Anin na Ablumar
Antin ablu ahim antin ablu ahim
Kinaiba kinaiba kinaiba.

11

1. Rubmangdam rubmangdam Jisu hen asan la
Ordar-ran yaryar-ran Anin na Rajan
Pintu garoi saring do'nghen dandrablih
Anablu tang-gamnam batti hen dardi-ih.
2. Uyung-gi Gabdiltung ranabtidaman ayaman
Ir-rahid mandrengnan purardan
Sanabyu tardadam anablugod ringan
Kanudi alo-hen sidte sangaidam.
3. Anablu pintumar banangsadaman
Ranoitad uyung-gi daina Messia
Turmadna mar asan anablu si'ngan
Barij gaigi langadam Jisun na dainan.
4. Dirnamar a tangam anablu ta'ran
Pintu a numdrengnan yan a langadam
Panurtin purardan ir-tarda-daman
Ganugu saruman daina Kitungan.

12

1. Tanimyim marlen a tanimyiman
Appimingaiba uggarbalen
A kinba a ganugudaman buhang.
2. Arayim dainakab tiridle
Kindra janul taran pangan pangle
A sinsinnaiba moihlogi buhang.
3. Pintumar ablu Gamang ahim ling
Endungle gorjang garda ling
Ringelogi kinba dainakin buhang.

4. Moih logi tarjubsilin
Jaba daraina pedan pedle
A sinpurnaiba adam jingban buhang.
5. A sinba arjod Anin a do'ng
Panurti, ganing Ablumaran
Lagad kulaman a tangaman batti.

13

1. Jisun na mandrengna bitti hen
Purtin a panalid anogandin
Sintam sintam Jisu ordaran a palid-Mar.
2. Abaurte la mandrengna hen
Jardi mandreng Gamangtung Anin
Sintam sintam Jisu sida kanudi hen.
3. Mandrengna hen a rabrabmaran
Tangor janardin a tur-turmar
Sintam sintam Jisu kal-kalhen absidmar
4. Do'nghen banangsan abmelih
Ganugudam anablumar Aman
Sintam sintam Jisu pintu hen abarrih.
5. Bo'b ling hen a ranub-bo'ban
Kilaij a ranubab a redna
Sintam sintam Jisu mandreng mattahen.

14

Aliluyan, Aliluya Aliluya gamba la
Pintudam hen asan Anin tiyle a purarda la (Abyar)

1. Ruang bittin umdrengle yiraitin kan purtiban
Ir-ahid mandrengna tiyle kumab-maran asan la.

2. Ir-sannil-hen Anin a do'ng Anin maih sannil-lih la
Anin dajing sailih janang okkij sangai yirre la.
3. Mandreng na tagaldan adnang Anin na gudinglih la
Ordaran andina solan tabrui dingle do'ng-hen la.
4. Danangarda godan adnang yiraitin kan sarrangan la
Ordar-ran a sani'd ji'dan abmagadlih do'ng-hen la.
5. Lingkii ongkij ir-delabi umenglogi dandanglih
Pansardi-hen gijan gijle Anin addayar-nad la.
6. Lungudagi mandrengnahan tungtung parjed lungudgi
Pangaitin la sanabyubir ganur dagi la'lih la
7. Rabanglihen a dinna ling hen Anin rabang lai la
Galulih-hen a jingban la jorod-maddahen batti.

15

Him-him langadam him Jisu, Jisu, Jisu
Him-him Gugudam-him matsidam Jisu him

16

1. Ijja ijja ijja mojjaja agassa
Ijja ijja ijja butidja agassa
Jisun panang pintun saring ablu-maran
Jisun panang pintun saring rabrab-maran
2. Ijja ijja ijja mojjaja agassa
Ijja ijja ijja butidja a agassa
Jisu Gabdiltungan ranuang a godan
Jisu Gabdiltungan anablu a godan
3. Ijja ijja ijja mojjaja agassa
Ijja ijja ijja butidja agassa
Jisun panang ruang panurtin a kordan
Jisun sadle okkij arika biggarda.

4. Jaba jaba jaba ordar dissan a mandra
Jaba jaba jaba yaryar dissan a mandra
Jisun ajingban la turdumle alimba
Jisun ajingban la turdumle a sinba.

17

1. Arakaddang ringan Jisu-hen kahidli
Heni apsele na heni apsele na
Anindam a mihaman hen asan laetin
Absi'bin pintuhen absi'dbin pintuhen.
2. Arakaddang ringan Jisu-hen kahidle
Heni apsele na heni apsele na
Anin-dam a mihaman hen asan laetin
Atabmadbin pintuhen atabmadbin pintuhen.
3. Arakaddang ringan Jisu-hen kahidli
Heni apsele na heni apsele na
Anin-dam a mihaman hen asan laetin
Absidben pintuhen ablubin purardahen.
4. Arakaddang ringan Jisu-hen kahidle
Heni apsele na heni apsele na
Anin-dam a mihaman hen asan laetin
Arabdubin mandrengna hen arabdubin
mandrengna-hen.

18

1. U u rapti rapti ranaptin daku Jisun amiham ling
U u rapti rapti ranaptin daku Jisun abangsa miham ling
2. U u rapti rapti ranaptin daku Jisun a him ling
U u rapti rapti ranaptin daku Jisun abangsa ahim ling.

3. U u rapti rapti ranaptin daku Jisun abirna ling
U u rapti rapti ranaptin daku Jisun a bangsa a
birna ling.

19

1. Jisun a birna manile
Jisun a birna ordile
Heni dakutinai kan purtin
A tam birnan diran dirrin.
2. Pintu birdar hen abdile
Irsi birdarhen tambedle
Jisu hen Jisu hen jardi
Rajahen rajahen jardi.
3. Jisu Kitungan na jardi
Raja Kitungan na jardi
Ruang Kitungan najardi
Ablu Kitungan na jardi.

20

1. Kudlojan Kitungan Ua len a daku
Seloijan Kitungan Ua len a daku
Anin parang yar yar ling Gamangan daku
Anin pangng ordar ling Gamangan daku
2. Butinti kanalkal hangtabi buhangnji
Butinti ganegen hangtabi tonanji
Anin tanimyim Jisun buhanglen daku
Anin banabyi Jisu buhanglen daku
3. Kanudi godan la omdale yiraiba
Oneda godan la umdrengle yiraiba
Artimyim damlin la yiraiba buhangji
Arganyim damlin la yiraiba tonanji.

4. Asanggim godan la omdale yiraiba
Anarder godan la kangdule yiraiba
Ranuang rajamban a yerbin asan la
Manatsi rajamban a ganbin asan la.
5. Anin arakaddang lingan mihaman tiyle
Anin panang apurardadaman tiyle
Uan bih galamai kan a dissa lingan
Itin bih galamai kan a ordar lingan.

21

1. Sunna kabgi na Anin na i Jisun
Rana kabgi na Anin na i Jisun
2. Kun sindrin i batti ruangan yertabi
Kun dirnakab battin ruangan gantabi
3. Angaja adsi'de kun dirna buhangji
Angaja adri'de kun sindrin tonanji
4. Jisun na tangoran jardin na tangoran
Jisun na mandrengnan jardi na mandrengnan
5. Jisun na janumjum jardi na janumjum
Jisun na ganagan jardi na ganagan
6. Jisun suyiman jardi na suyiman
Jisun na Gupamar jardi na Gupamar
7. Jisun na tonoltol jardi na tonoltol
Jisun na lanang-gan jardi na lanang-gan
8. Jisun na buhanghen jardi na buhanghen
Jisun na gardihen jardi na gardihen.

22

1. Aleluya, aleluya
Gamangan a Gamang Jisun
Sintai sintai Jisun ahim
2. Gabdiltungan a him ringan
Butin yirtai sintai sintai
Ruang rajam Kitungan Anin
3. Ruang rajam saring yirtai
Ruangan urunglangtin
Tarub sagarda ringan na
4. Itinte a bara lumlabi la
Anta badi iytai tiyai
Dargam badi jatabi la.

23

Ablu-langtin Jisu him
Sinala buhang kun a him
Jisu him gai Jisu him (Abyar)

1. Sayudam tardahim
Jisu him gai Jisu him
2. Marid him Jisu him
Jisu him gai Jisu him
3. Gugu him Jisu him
Jisu him gai Jisu him
4. Murda him Jisu him
Jisu him ling anablun.

1. Tiylalen tiylalen Gamangtung la
Kudduban tiylalen anlen abmele
Amandam abmele attalad la
Ajitid janang addakuad la
2. Ednegoi timyim mar agijlai la
Dajing saiilai janang ir-rabang la
Yagi dissa lingan agasa la
Kuddub saring Aman murdadam la
3. Lanajing ling hen dakulih la
Timyiman timyimle abdilih la
Do'ng hen abarre lakkudlih la
Ansaring aihjam hen irdika linai.
4. Hen ir-samtungdalih adhang la
Ayimle suyimlih Tardatung la
Aman asuyim aggarda la
Abjirdin anti asan kintai la.

1. Dinaba la lungud saring
Sa'rri la ordar dissan
Gamangtungan abta'rle la buhangji
2. Daudon a garda lingan
Betaliang gorjang lingan
Jisu Kristu puttili la buhangji.
3. Urpingdaman gungugusing ling
Tariyda la bungsa lingan
Ressa Jisun tabmuleji buhangji.

4. Papam lungud sabngaijbin la
Mandranji la ablubin asan
Yiraitin la Jisu Kitungan buhangji.
5. Ruang sanangan rietin
Dirnamarji ganbin asan
Dakidle la amdangaiba buhangji
6. Bangsa birnan amdangaiba
Jardi birnan ogandiba
Jisun amang dirnaba la buhangji.
7. Jaba ordar dissa mandran
Surda sanna kuddubai-len
Jisun a do'ng limsinba la buhangji. .

26

1. Purban a dinna ringan la
Gabdiltungan ogal-le la
A On-daman appaaitin
Amangban la a dirnaba la.
2. Daudon a garda ringan la
Ablumarlen dunglinai la
Anin Kristu Gamangtung la
Gungu gusing ling igijba la.
3. Dinaba la sa'rgodban
Moihdagi deaiti la
Si'dli la lungud godan
Dayargudlin agijdong la.
4. Karahid godban saring jaba
Mandrengnaban jaba la
Pimingli la ta'rgodan
Betiliam gorjang ringan.

5. Gupamed maranji amang
Ruang pisirdian gametin
Barantong-gi dedongbin la
Bangsa oblingbiran panglai.
6. Absuij god sungkran dungnaitin
Sandungleji karardanji
Uanti iyle tanange la
Kottin iyle ganeji la.
7. Meri yangan a ranardong ling
Jisun a do'ng gijleji la
Boi boi mo'ihdaleji la
Turdumjingle limleji la
8. ApilANJI rileji la
Rana, dasardan, sarumen la
Ganijtiyan tiyleji la
Irdakalogi yarrenji la.

27

1. Tangliyan a bungsang ling ressasijan dakuli
Anin ahiman Jisu, Gabdiltungan a on
Riang ringan a sunkra a lanangkan tanangle
Ressasijan Jisun bungsang ringan dimadlin.
2. Tangliyan ambe gule ressa Jisun adling
Yangan bulu ringan kerker logi tongle
Ressa Jisu, hen timyimtam mangbanam hen hangih
Pintu ringan saring Jisu nami abluh.
3. Kristmas dinna ressa Jisun purti dissan yerrai
Kuddub mandranji a pintu Anin sangai sidte
Hen Jisu amang dir-rinaiyenden Anin
Ruang a passij ambrij tordong heni admadtih.

1. Druyung dissan a panditanji
Tabme sungkaran sandungleji
Betaliyam gorjang arduleji
Gijleji ressa Jisun a do'ng buhang.
2. Puttili kuni ablu ta'ran
Puangli kuni jardi ta'ran
Ardodlin ati sannilben la
Yiraitin Anin arab-rabin asan.
3. Ranan dasardan sarumenji
Tiyen tiyle la limsinleji
Ettile jaba kuddublen la
Atiyba kuddub ji'damlan buhang.
4. Pintu lungud a purti ling
Irsi kandring a disa lingan
Jisun na jardi rabrab maran
Jisun na sakkaij ablu maran.
5. A do'ngan limsinle kindraba
Appimingle irdikanaba
Ordar dissan asanabjanji
Dirnetiji amangbantum la nami.

1. Bantongdan la dedongbin la gunlanji
Rubmangdan la dedongbin la
Gunlanji la gunlanji
2. Bangsa birna appaiyaitin Kitungan kan
Ablu-biran appaiyaitin Kitungan kan
Gunlanji la gunlanji.

3. Puttili la puttili la a on Kitung
Pungili la pungili la a on Kitung
Gunlanji la gunlanji...
4. A timyimbini a suyimbini asan yirrai
Ablubin la abmengbin la asan yirai
Gunlanji la gunlanji.
5. Iganba la ignba la gunggu sing ling
Igijba la igijba la ronta sing ling
Gunlanji la gunlanji.
6. Galdatid la galnagi la ardulaiji
Paruan la galnagi la ardulaiji
Ruang kanuduaiji.
7. Irdika logi moih logi Kitungan ahim
Sarda logi moih logi Kitungan ahim
Kinteji la kinteji.

30

1. Jisun karudkuddan adamlin adnang la
Josep do Merin Betaliam yir-reji
2. Merin anasudan bayadam bayalin
Gung-gu sing lingan Jisun na kudleji.
3. Tangliy bungsang lingan Jisun a do'ngan
Ablud ludleji la garusaikab lingan.
4. Ruang pisirdianji moihleji
Jisun a do'ng sinle kindraleji.
5. Kuddub saring langka Gabdiltung a do'ngan
Gugu panimingan ordar dissa lingan.
6. Sanabyun de'ti yaryar disa lingan
Banangsan de'ti yaryar diasas lingan.

7. Didargam aroppungle gupamed maranji
Murkundardan omdale Betaliarn ban iyleji.
8. Gunggu sing ganleji gupamed maranji
Tangliy bungsang ling Jisun na gijleji.
9. Nami ayam ringan anlen buhangji
Uggar-bungasang ringan a jaba tonanji.
10. Nami janang anlen jaba a gangkilba
Nami janang anlen jaba alimsinba.

31

1. Daudon a garda ling Jiudan a punja ling
Putili Jisun na.
2. Ladkudle kuneten abadle kuneten
Meri yang sil lang-gin.
3. Guarda sing ringan tariyda bungasang ringan
Tabmule kunetin.
4. Tuituijan likaleji rungkuiyan gijleji
Murtam maranji la.
5. Daruyung saring barubuyung sikoija
Saigodle yirreji.
6. Aiyle rabangenji alungsing ganleji
Jisun na gijleji.
7. Dasardan, sarumen, ranan omangleji
Turdumle limleji.
8. Yaba la buhangji yaba la tonanji
Anlen jakkih aiyba Jisun a limnai ba.

Raja hen raja hen Jisun la
 Gamang hen Gamang hen Jisun la
 Raja hen raja hen Jisun la (Abyar)

1. Jisu Gamang banangsan tuble
 Rubmangdagi baran absuijle
 Lablabmar a do'ng absamangle
 Kardumar a do'ng appidmadle
2. Karahid mar a do'ng abyarmengle
 Gardemar a jing ab-bangole
 Madunji a do'ng ab-mardi-rre
 Hamkulmaranji a kulman sabngaijle.
3. Ettigoi yaryaran endungle
 Kuddub ling banangsan abharre
 Roitad hanangan kuddub tiyle
 Anablu tangoran absuijle
4. Jisun amang kuddubin jaba
 Kanudibin kuddub oppungba
 Kalkal gegebin anin tabte
 Ruang rajamban urunglangtin

1. Idal Juda maranji asangin hamleji
 Yaryar rubmu birre abgegela ji la
2. Arakaddang atambedle Gamang Jisulen la
 Kaloborin a baru urungle pangleji.
3. Rebmadan rebmadle boi boi gabroileji
 Sanatoijludan batti rajo logi tidleji.

4. Dusilang daruganji tanadlud ling tadleji.
Amukka lingan la bijol-tamleji la.
5. Mandrengtung Jisu len Timyimtung Jisu len
Ibba ranuboban abrubobleji la
6. Arakaddang lingan abludludleji la
Asi-ajing lingan ibbalang tangleji la
7. Ansaring tabnangleji doilin la dakulin
Judanji la raja limtam gai gamleji
8. Ir-suyim abmeleji pintu margi tubeji
Pintulen asan la kanalkal hangetin.
9. Anin sayu purardan amangban dirrinbinden
Buti deli janang anablu hangtabi la.

34

1. Yagi dissa Gamang ordaran a panalid
Pintumarji amang hangle kan kalkallan
2. Ibba ranubab ling mihaman jorodli
Langadam a to'ling asangdan bedbedle
3. A ondroi jang lingan turkan pole silan
Da'n do mihaman dungnaitin antabdong
4. Matsitung Jisu len ablutung Jisu len
Jumbur marji battin anobjongan deli.
5. Hanagod maranji gabroile ma'ngleji
Bo jumbur mar janang gabroiile biretin.
6. Tingbabyungan saring sadlummyung sikkoiija
Uyungan lungudli ordaran ongol-li
7. Ednele Gamanglen purardan omdale
Gabdiltung asi ling kudduban surpidle.

8. Jirusalem si'ngan saninpur danangkab
Pateli anta adnang langkan saring jaitan
9. Yur yurlon deaili barunji rasardili
Tarilti pardarri Jisu len asan la
10. Badloyim maranji yarmengle dilinji
Gorjang gardan yirre ababsuijdamlinji
11. Pintulen tum asan hangle kan kalkalan
E Ualen a limtam tanimyim him lingnam.
12. Suyimdale gijlen pintulen madridlen
Ruangban urunglen mangbanam dakkulen.

35

1. A tanimyiman asan dirna maran
Arjod ayaman dakutin la dirna lingnan
2. Tanimyiman asan ranubob-idan
Sanatoidangan la batti hangle panaran
3. Pilat umdrengba gametin janangden
Assadam assaliji la mandranji
4. A dainan paniming harailen asan
Aninji a do'ng gabroile yiretin buhang.
5. Jaba turdumar abo dirna ji'lingan
A silingan tiynetis dirna purardalen
6. Pintu saring arabrabin asan la
Pintu birdaren tambedle sidle sangaidam.
7. A ur-dam pintumar madrite Jisun
Ruang lingnan a mano'ih tiylangtin Jisun.

36

1. Jisuhén timyímlíh abmangan timyímlíh
Antín asan timyímtai hén abmangan timyímlíh
2. Timyímle kahídlé hén asan kahídli
Antín asan timyímtai hén, hén asan kahídlé
3. Arakadang batti pintu hén pangetín
Antín asan timyímtai hén pintuhén pangetín.

37

1. Getsmeni duddíban tanapon battín tirangle
Jisun na sailejí Jisun na hamlejí
2. Raja-sing panglejí iyle oppungejí
Tabnangle jilejí Jisulén buhangjí
3. Pintu lén asan la dussalén asan la
Jisun na hamlejí Jisun tidlejí
4. Arakaddang língan Jisun tanglejí
Jisun na polejí ayimba buhangjí
5. Labonja yulin la uyungan ongol-li
Ordaran lungudli galamba buhangjí
6. Areng pila língan Jisun abludludlejí
Jisun na tillejí alung areng língan.
7. Moriyóm do Merín Solomín ampra
Sarummen panglejí a jodbin iylejí
8. Jisun aggíjadjí pisírdian rabanglejí
Rubmangdam delíjí kun ayam buhangjí.

38

1. Jisun Jisun Jisulen dineten
Kristu Kristu Kristulen yarmengli
Irdika naba a dirna maranji
Matsi deba la ruang rajambaiji
2. Layumna dinna dungroilin yanganji
Jisun a tarilti lu'ngban yirreji
Merin dunggule gijetin a lungban
Jisun arikka rubmangdaman a birnan
3. Ruang pisirdian oppungetinji
Andreng dinetin a edadong la amben
Galili dissan yiretin ababmang
Yirenden gijte yarmeng Jisun a do'ng
4. Duaihsun a do'ng Jisun na raptile
Karahid a do'ng Anin abladnale
Hanangna mar ling ababsuidamnetin
Purti dissa ling arayim gadilli.

39

1. Jisu Gamanglen dinetin
Kuddub ganugun hangetin
Limba limba yarmeng Jisun a do'ngan
2. Antin adnang yurloli la
Tariltillan pardarli la
Ruang pisirdian ranub areng adamban la
3. Turtur marji pisirdian gijleji la
Rubmangdale bantogleji
Antin adnang a dinetin gijleji la.

4. Karahid a do'ng absi'dle la
Ablu tangoran sabjale
Anablun hangba amangban la diran dirrin.

40

Yarmengtih yarmengtih yarmengtih
Jisun amang dirrinai asan yarmengtih
Jisun yarmenglin asan heni ja yarmengtih
Dalgadtid dalgadtid dalgadtid
A jaddinna dirrinna henden yarmengtih.

41

1. A edong aedong tonanji ambin
A gudong agudong ayingji ambin
Tungerder ji'n la adedong ambin
Maleda ji'n la adedong ambin
2. Amardun lu'ng lingan agassa la
Yarmengle Anin na dinetin la
Atabdong umengle yarmengtin
Hanangna maranji i oppungbaji
3. Galili disaban yiretiji la
Galili disaban rabangteji la
Titinna yirrenden ayte gije la
Gamle ruang pisrdian bernetin la
4. Tanurtur kutamar tunetin Merin
Ranuda kutamar ogalle Merin
A tiki ababmadamnetin Jisun
Anta adnang ababsuijdamlin Jisun

42

Ir-dirnagi hen adeih kahidlihja bantongtid
Bo dinna Jisun a ranaptin battin hen yarmengtih (Abyar)

1. Abyarmengten a do'ng a objongbin adraptiai
Kuddub kanalkalan saring manoi'han batti dakutinai.
2. Ruang rajam hen gijtai Gamangtung hen rabangtai
Ruang pisirdianji ampra tardale dakutinai.
3. Kuddub buhang amdangba la Jisun amang dirnaiba
Pintu baran omdaba mandrenggod ling hanaba la.

43

1. Jardi buhangji Jisun i yirtai
Tarub rataman battin yirtai
Ruang rajam la pissiardianji
Pedteji la surakompedan
Deti ranasum tanakud dinnan.
2. Karahid badloyim mar didamtinji
Ir-dirna maranji ja ditinji
Rukkutinji Jisun amangban la
Anta a dinna ir-dirna maranji
To'gi singban ganle edatinji.
3. Roitadan lumlenji a mandranji
Jisun amang dirtin a mandranji
Mo'ihle kinteji anta a dinna
Ablu tungan Jisun amang saring
Hangteji la mandrengna ranubob.

44

1. Bo dinna i heni yirre la isidte
Bo dinna i heni hale la ardute
Ayambordiringan a gardi buhangji
Guyurdi ringi la a gardi tonanji.

2. Attar bayagi la iyirte buhangji
Attar did-didgi la i yirte tonanji
Pangle la tanakud dinna hen
Tingle la ranasum dinna hen.
3. Iyirte absri bo dinna buhangji
Iyirte bo dinna a bubmung tonanji
Karahid dinna hen arduitai buhangji
Kanandum dinna hen tuyale tonanji.
4. Tarilti ilungban arduitai buhangji
Tarabmu i lungban i yirte tonanji
Sardid-dum adhangai tarabmu i lungban
Aridnan janang la adhangai tonanji.
5. Jisun dayartinai a dinna buhangji
Tampid-damlin yirte anta ayam tonanji
Kandardin kapa hen andreng la i delih
Kandardi reneng hen andreng la i delih.

45

1. Jisun rajatin ordar dissa ling
Adirnamar dakutinji Jisun amang ling.
2. Duaih sonuman a parjanji la
Edale gudale yirteji to'gi singban.
3. Bandraban koran kinsan si'dti
Pintu idal danuai ja kuddub si'ti.
4. Dile ayaman rnatsi kinkinan
Irdikale kinteji kuddub a dirna maranji.
5. Passijan batti j'ad andidtin
Surdakidan tangliyan ambrij agaban jumte.

6. Samda kului-kid jel jel jontunji
Salluan a do'ng sanna-sijan iyte ar-ronge.
7. Ir-amdang maran kardunji janang
Amdangteji gijgijitnji anta dinna.
8. Dulai argalan asu bimbiman
Agassa itidja rugam kanudin.

46

1. Itin a lanum i lumle
Tanakud dinnan abmele
Gabdiltungan amangban la
Itin abyarbirte la buhang.
2. Jisun anta a dinna lingan
Gobte raja garobgoban
Takarti la pintu maran
Mukkan attiride langkan jardi.
3. Jandrum si dirna maranji
Kandrab-bardi ir-dirna maranji
Bagu maneng tanangtaji
Ordar dissa kuddub-baiji buhang.
4. Dirna maranji a do'ngan
Opungte Jisu Kitungan
Matsidaman ruang rajam
Dakunaba dile dinna titti.
5. Ir-dirna maranji a do'ng
Barabdati anta a dinna
Yirba yirba togi singban
Agijai mukkabin janang gamte.

6. Antin a kinorai dissan
Sayutid la anga janang
Janggardan jumtudi tordong
Sanna po kun hamangtudan buhang.
7. Matsidam ruang rajam gai
Itin battin objongai
Jisun a dirna maran ma'ih
Dakutin dile tordong gai buhang.
8. Jaba ordar dissan mandran
Ablutungan Jisun amangban
Tanakud a dinna lingan
Urunglangtin ruang rajamban la.

47

1. Ruang surakom saddali
Ruang ganudingan saddali
Deli po Jisu langkan
Tuble po la Jisu langkan
Pallangkin daranilen la
Lanangkan a kkul singlen la.
2. A kan a dissa lingan la
A kan a ordar lingan la
Ganimte-dum a gordi la
Bittunagod a gordi la
Doyal sing god iylaibi la
Tarana sing gobtabi la.
3. Bo binna rajam ling anlen
Bo ansa darakuna ling
Tarda iyte dakunabi

Irdar-iyte dakunabi
Saihtagod maih iylaibi la
Irdar a dakkunabi la.

4. Anansamar yirtai Anin
Anurungmar yirtai Anin
Ganudingmar yirtai Anin
Umeng ansalangtin Anin
Sanegurmar yirtai Anin
Angodihmar yirtai Anin.

5. A punlan jandruman la
A puttun jandruman la
To'gin battin soile sidte
Hamangtud-ling pidle sidte
Antin po la saiibi anlen
Kani po la debi anlen.

6. Jisun atam birna lingan
Jisun a banaihbir-lingan
Ranab rabgod daku buhang
Mandreng-nagod daku tonan
Maba abattur-naiba la
Ajingban a sinnaiba la.

7. Larki larki yiraiba la
Abyar ji'lin dirnaba la
Ruang ta'rgodban jaba la
A suyimgod ling hanaba
Mo'ihdagi debinti la
Matsidagi debinti la.

1. Rajanji a rajan yirtai
Gamangan a Gamang yirtai
Banaggin a Gamangan yirtai
Tarub-ratam lingan yirtai
Kanuduai battin Jisun.
2. Ruang Gabdiltungan batti
Dardumtirgi la i yirtai
Rubmangdagi la i yirtai
Jandrumksi murkundardinji
Kandrabardi kimmedanji.
3. A bo gordu-mar i deti
A bo gupmar i deti
A bo rajaman i deti
Abmang abmanglin yirtabi
Anlen iy tela danenabi.
4. Ring ringlogi la amdangba
Parda logi la amdangba
Angtir-rin dakunaba la
Oskaidamlin dakunaba
Uggar banuddi lingbin.
5. Tangliyan do kinan maitin
Ardangan do kansim maitin
Ja'dan do mandran maitin
A bo monnan la i deti
A bo ji'n la i deti.
6. Barij monna ling moihtangtin
Barij ji'lin kintabi
Barij purada ling ma'ngtabi
Jisunlen gijle tongtabi
Limsinle la olangtabi.

49

1. Umeng i yirtai baya ardutai Jisun
I rajan Jisun i Gamang umeng i yirtai
2. Tibtibdamlin po ? oskaidamlin po ?
Alung purardan alung janggarda lingnam i buhang.
3. Engan junanam? engan angnanam ? engan sadnanam ?
Malmaldamtin po aman i buhang ?
4. Butin dainagod anin daineti, butin junagod anin juneti?
Hangte i buhang.
5. Tamlanumdaman a badi jo'n mandrengna bitti
Damgi daneti anin i buhang.

50

1. Jisun a hanangna maranji, yirba la hanagbirban
Hanghangan hanghangle la, ateng ateng labamba
Ranukku ling tartumba ranukku ling tartumba.
2. Itin asan gamlenden, adayarnan tuyali
Antin asan mandranji urungaiba hanghangle
Jisun amarandaban Jisun aranukkuban.

51

Yirtai na yirtai na Jisun umeng yirtai na
Yirtai na i buhang (Abyar).

1. Jagarta kunaiba jogile kunaiba
Jisun umeng yirtai na.
2. Tarubdalín yirtai pui dada ling yirtai
Jisun umeng yirtai na.
3. Anlen a do'ng urungbin anlen a do'ng sanlabin
Jisun umeng yirtai na.

4. Jisun a do'ng sandungbin Jisun a do'ng rabangbin
Tamyurjingnai buhang.
5. Irsi dissan ambirre langga dissan danelin
a dakunaiba buhang.

52

Boi boi irdika boi boi matsidam
Sangai sidte kuddub pintulen
Ruang ta'rgodan apsuilangtin maba Jisun amang
(Abyar)

1. Jisun amangban a ayirba la
Karida-dongben a birnan la
Hanghang mar Anin tuyadam la
Gudingte jaba la.
2. Jisun amang ling dirnaba la
Anin a kandung sandungba la
Kodi kota agijdong ambin la
Gudingte jaba la.
3. Kungdaijan kuddub soile sidba
Jisun amang tabdong dirnaba
Anin na jardi rablangtin la
Gudingte jaba la.

53

- Kun jabung mihaman mariddam abmete
Ijja la itidja Jisun panang a mihaman
1. Itin pintuhen abarte ?
Jisun panang a mihaman
Itin absukalangtin Jisun panang a mihaman.
 2. Itin pintuhen tabte Jisun panang a mihaman
Itin abmenglangtin la Jisun panang a mihaman

3. Manaridhen abmele Jisun panang a mihaman
Itin pintuhen absi'te Jisun panang a mihaman.
4. Sanabyu do anumenghen Jisun panang a mihaman
Jisun tum manaridhen Jisun panang a mihaman.
5. Pintuhen a kanuban Jisun panang a mihaman
Roitad lanumhentid la Jisun panang amihaman.

54

1. Jisun amang dirrinbinden
Irdika matsi hangtabi buhang tonan.
2. Biggarda maran ijja
Kuddub saring Jisun murda buhang tonan.
3. Jisun gamte amdangba
Jisun gamte sandungihba buhang tonan.
4. Papam lungud sabngaijte
Ta'rgodan absuite buhang tonan.
5. Jisun amangban yiraiba
Jisun amang ling dirnaba buhang tonan.

55

Jisun a birna bangsan a birna
Jisun a birnan amdangba
Jisun a birnan jardi birnan
Jisun a birna dirnaba. (Abyar)

1. Hen tangoran Hen janardin
Hen mandrengnan gametin.
2. Hen sanangan butin gante
Mo'ih logi dakutin.

3. Hen Gupamar butin santih
A meng-gabban urungte.

56

I yung irdikalogi tarda dakutinji
Bodloyimarji ruang ling. (Abyar)

1. Papam lungud bondi ligan dakulih abmang
Kuddub saring anablun hanglai nami.
2. Timdalogi amad saring okkij addungne
Padrad kudi tunjing bar aninji adhange.
3. Tabbublinji Jisun a tanimyim ganing ling
Moihlogi kinteji la Anin a him ling.
4. Bar okkij abmaine dukkan a sukka lingan
Tordong ayam dakutinji sanabyu lingan.
5. Gametin kumabmar a ji'lingan
Jisu Gamang mayodongih ruang rajam ling.

57

1. Jisu Kristun a him ling dirnaba
Ildagi sonuman omdale sidba omdale sidba
Banukkai sonuman umdrengle sidba umdrengle sidba.
2. Butinti Jisun abanaih abmaneji aninji ganteji
To'gising lingan to'gising lingan
Jarditin ganteji engda sing lingan engda sing lingan.
3. Purti disan a jandrum agandra janang
Ganumten ambrij panang la buhang panang la buhang
Aneng tidan ambrij panang la buhang panang la tonan.

4. Butija purti lingan adnirdarreji
Ardual yirtaiyen adnang kahidteji rasumteji la
Bopinsa da'nja rapti aggaeji rapti aggaeji.

58

Sonumpuran pir-rinbinden buhang
Sonum buddin dedelangtin buhang
Sonum ji'n dedelangtin tonan. (Abyar)

1. Kambun piran pir-rinbinden buhang
2. Kansim piran pir-rinbinden tonan
3. Kimed piran pir-rinbinden buhang
4. Bongtel piran pir-rinbinden tonan
5. Ilda piran pir-rinbinden buhang
6. Tonaij piran pir-rinbinden tonan
7. Singkungda piran pir-rinbinden buhang
8. Guar piran pir-rinbinden tonan
9. Karjapiran piran pir-rinbinden buhang
10. Jomma piran pir-rinbinden tonan
11. Labo piran pir-rinbinden buhang
12. Idai piran pir-rinbinden tonan
13. Tangor piran pir-rinbinden buhang
14. Jisun mai'h amang dir-rinbinden
Sayu purardan hangtabi buhang
Tarda mandrengnan hangtabi tonan.

59

1. Jaba pasijji la jaba gamtabin
Arturdule aiyba Jisun amangba.

2. Jisun Anindaman hang hang langtin la
Anindam kun baran apsuij langtin la.
3. Pasijjanji a do'ng Jisun timyimle
Lakudan lakudle Anin absittale.
4. Karudkudan saring karahid sikkoija
Jisun abirnan tum kuddub dirnaba.
5. Pasij sring Jisun amang dirnaba
Abgabtarre pintun panansardin ja
6. Passijjanji ampra ir-rurdilabi
Dakunetin Jisun ar-turdule la.
7. Kun ataramamtaman Jisun i garba
Ordar dissa lingan ambin absuijba.
8. Layumna dinna lingan a lulunaba la
Bara lanuman ja kuddub a omdaba.

60

1. Roitadan a hangbin banangsan a debin
absannadamtinbi - 2
2. Jisun na roitadan Jisun na banangsan
Amangban dirtinbi - 2
3. Monnan do purardan ranadun uggaran
Amangban atiyba - 2
4. Saninsin kanindran ganarbin purpuran
A do'gan a lumba - 2
5. Guaran singkungdan bukkaiyan abduran
Omdale asidba - 2

6. Idal banandraban gatasin goibiran
Umdrengle asidba - 2
7. Uyub monnalogi umeng je'loge
Jisun tum a sinba - 2
8. Abarantum lumle a birnan amdangle
Sandugle ayirba - 2
9. Banantong a dinna kanalkal ayaman
Jisun a gudingba - 2

61

1. Dirna-marji amdangba la
Kanin na roitad biran
Jisu Kristun battin
Angan delabin la danenan
Sagunniba sagunniba
Jisun a darakunan.
2. Ordaran a pintun battin
Delabin la karahidan
Purardabin Jisun battin
Daku Gabdiltung amangban
Sosodamlin sosodamlin
Daku dirna purardan.
3. Ayingan a dinna ringan
Yarmeng na Jisu Gamangan
Gugudamlin puangdamlin
Kani a ordar dissa ringan
Ambin janang ambin janang
Detabin la gugudaman.

4. Kayating a kuddub baran
Omdale la nam adnang
Sakkaij lingan adarmadba
Hangtabi la banangsan
Mo'ihnaba mo'ihnba
Umdrengba la kudi daman.

62

1. Madreng jidan Kitungan a birna
Timyim jidan Kitungan a birna
Ruang rajam Kitungan a birna
Ayimle la Anin a sanibdaijan
Ongnile la Anin a ji'bjibnan.
2. Irsi kandring dissaban buhangji
Pintun tulab dissaban tonanji
Lunguddaman dissaban kulamji
Appayaitin janardin palidan
Appayaitin ranoitad ta'ran.
3. Mandradagi ildamlin yiraitin
Banaggi margi Anin na yiraitin
Dulai margi Anin na yiraitin
Anin Rajatung a On buhangji
Anin a bobtung a On tonanji.
4. Pintun saring ablubin yiraitin
Urdeng saring a urbin yiraitin
Kanudin saring babyibin yiraitin
Duaih pintun mandranji a do'ng
Gegedaman mandranji a do'ng.
5. Dirnaba la dirnaba a birnan
Manniba la manniba a birnan
I hamba la i hamba a birnan
Mandren god lingan i hanaba la
Ta'r god lingan i hanaba la.

6. Ordar dissan mandranji jaba la
Yar yar dissan mandranji jaba la
Kuddub dissan mandranji jaba la
Ablutunglen Jisun amangban la
Abmengtunglen Jisun amangban la.
7. Kanalkallen table ablulangtin
Ganegelen table abmo'ihlangtin
Kanudilen table babyilangtin
Ranuang rajam urunglangtin la
Manatsi rajam urunglangtin la.

63

1. Banidbid maran jabmol donsile
A bid bid bin la dungnaitin
Surda jannonggi ordar dissaban
Bangsa jabmolan bidditin.
2. Tangor lingan ja tala sol lingan
Ibba-ban asuij galuli
Ontidan jumle dallangle si'dli
Ibban poddedle sidetin.
3. Bangsa sol lingan galulin ati
Bangsan a jo'n jo'li
Bo sua tarding yakurdi tarding
Bo kurdi galji tardingli.
4. Bangsa labo lingan galulaenden
Bangsan a jo'n jo'tai
Tanimyiman do lagadlabaddin
Sanabyun a jo'n tunggaltai.

5. Tangor takung ja talasol lingan
Galulaenden si'dlangtin
Kinorai lingan ir-pahidtudban
Eda gudale yrtabi.
6. Ordarran parjanji bangsa jambolgi
Jisun a sol ling galuba
Jo'an jo'le irdika logi la
Ruang rajamban ayirba.

64

1. Gadilli gadilli buhang gadilli gadilli tonan
Anablun a godan
Nami ambin a mordengdong
Nami ambin a dayarguddong
Anablugod saring.
2. Ratatti ratatti buhang
Rasumti rasumti tonan
Panurtin a dissa
Gijan gijle gijmad-dadong
Gijan gijle lalar mad-dong
Panurtin a dissa.
3. Puyingti puyingti buhang
Puyingti puyingti tonan
Panurtin a bittin
Angaja la malitsumdong
Angaja la mallgayimdong
Panurtin a bittin.
4. Yiraiba yiraiba buhang
Hanaiba hanaiba tonan
Ranuang a rajam.

Tikija la ogandi dong
Juluja la ogandi dong
Ranuang a rajam.

65

1. Jisun a birnan dirrin binden
Jisun a birnan madlin binden
Anargaldalen sabyulangtin
Danulaidalen labjimlangtin.
2. Jaba ordar dissan mandranji
Jaba yaryar dissan mandranji
Irsi god sadlin lo yiraiba
Pintun omdale lo yiraiba.
3. Ararsum baran a umdrengba
Duaihsum baran a omdaba
Kinnorai lingan boi boi kalkal
Oyorai lingan boi boi kalkal.
4. Jaba Gabdiltung a sinnai ba
Jaba a Ontung a sinnai ba
Anin Gupamarlen tordong la
Anin orolmarlen tordong la.
5. Karahid padle anin yirte
Mandrengna god ling anin gante
Manatsigodan anin hangte
Anabulgod ling anin gobte.
6. Jaba anlen abatturnai ba
Jaba anlen a mo'ihnai ba
Ranuang rajam urunglangtin
Mandrengna rajam tiytiylangtin.

66

1. Dimad-dong dimad-dong buhang
Dinaba dinaba tonan
Jisun alupad lingan
Jisun a kappa lingan
Ganaiba la kulamji.
2. Kodi kodi a gijdong la
Kota kota a gijdong la
Ranabrab igodban la
Anablun igodban la
Ayirba la kulamji.
3. Ruang pisirdian battin
Tarub rataman battin
Dardumtirgi yirtai la
Bantongdagi yirtai la
Jisun la irajan.
4. Salittin uan ayirte
Sodamlin uan a gante
Ganle janang gijtati
Butin do'ngbin rapte
Yiraiba la kulamji.

67

1. Jaba ordar mandran ahanaba la
Jaba kuddub mandran a gijnaiba la
Jisun anlen asan ateng lumetin
Jisun anlen asan kalkal hangetin buhang.

2. Jisun amangtum soi dirrinbinanden
Jisun amangtum soi madlinbinden
Insoi sonumanji manglen dakune
Insoi kulmanji manglen tanange tonan.
3. Rituad la deli ruang sanangan
Pamtuad la deli ruang tangoran
Jisun ma'ih sattan ruang god deli
Jisun ma'ih sattan ablu god deli buhang.
4. Dajing rana bitti hanglabi janang
Ablun attiye la anga janang la
Gijmad lingan monnan tiylabinden la
Si'd-daiti anlen a dirnan tonan.
5. Jaba kuddub buhang amdangba la
Jaba kuddub tonan a daludba la
Ablumar Jisulen amang a yirba
Abmengmar Jisulen amang ayirba anlen.

68

Daina daina aliluya
Daina daina gamba la
Kristu Jisun ahim lingan
Daina daina gamba la
Jisu Gamang ahim lingan
Diana daina gamba la (Abyar)

1. Biyo asan kudinanam
Buhang sida sangaidam
Tiytiylangtin Gamangtungan
Sanaisailen a janaban.
2. Jaba matsi gardilenji
Ogandi god hamba la
Ogandi god ranabrab god
Jisu Gamang satta la.

69

1. Jokiyon sanna badardumar
Bo sanna badardumar Jokiyan.
2. Lua-nib ling dajetin
Jisun a do'ng a gijbin Jokiyan.
3. Jisun tangoran yirrai adnang
Anib ringan manggile gijetin.
4. Jokiyo tabdong latsonai
Si'ng lingnam dakutinai gametin.

70

1. Jisun amangban la sanintan agassa la
Sanintan agassa la - 2
Kotin boi boi manoi'h daku.
2. Ruang rajaman tangorran Jisun na
Tangorran Jisun na - 2
Kotin boi boi mano'ih daku.
3. Jisun amangban hen ampra yirtai po ?
Hen ampra yirtai po ? -2
Kotin boi boi mano'ih daku.

71

1. Itin asan bantongte la
Jisun amang lo dirna la
Jisun abasuyim ganingan
Mandranji a Kitung aman.
2. Pintu birdar hen tambedle
Murkundardagi kubdamlin
Anab yagi dinna ringan
Yarmengetin Jisun Gamang.

3. Kulam teganji ja mailin
Si'ng maranji ja barable
Rajan parjan rukkulin ja
Bantongtid aman abmele.
4. Jisun amang i dirna la
Ungraid bantong nam si'ti la
Ruang rajam pisirdianji
Turturtamji adam nam la.
5. Jisu Kristun anablun la
Paradpaddan abmele la
Ruang rajamban yirte la
Mo'ih logi basute la.

72

1. Ganalam mar galameti buhang
Jisun amang ma'ih dirneti la buhang
Jisun a do'ng ma'ih sineti la tonan.
2. Jisun Kristun a garamgam buhang
Ablumaran Anin la tonan
Rabrab maran Anin tum la buhang.
3. Anobling mar oblingeti buhang
Jisun amang ma'ih dirneti tonan
Jisun a do'ng ma'ih sineti buhang.
4. Hang hang maran hang hangeti buhang
Jisun amang ma'ih dirneti buhang
Jisun a do'ng ma'ih sineti tonan.
5. Badiba maran badineti buhang
Jisun amang ma'ih dirneti buhang
Jisun a do'ng ma'ih sineti tonan.

6. Gamang maran gamangeti buhang
Jisun amang ma'ih dirneti buhang
Jisun a do'ng ma'ih sineti tonan.
7. Labaddi maran labaddineti buhang
Jisun amang ma'ih dirneti buhang
Jisun a do'ng ma'ih sineti tonan.
8. Or-ro maran or-roneti buhang
Jisun amang ma'ih dirneti buhang
Jisun a do'ng ma'ih sineti tonan.
9. Hamyo maran hamyoneti buhang
Jisun amang ma'ih dirneti buhang
Jisun a do'ng ma'ih sineti tonan.
10. Bebara maran bebaraneti buhang
Jisun amang ma'ih dirneti buhang
Jisun a do'ng ma'ih sineti tonan.
11. Jisun amang yiraiba la buhang
Pintu kuddub appingba la buhang
Anablu god a hangba la tonan.

73

1. Dissa ja omdatai gorjang ja omdatai
Si'ng ja omdatai Jisun a seba ling.
2. Sonum ja omdatai idaija omdatai
Kungdaija omdatai Jisun a seba ling.
3. Itsumdam omdatai Ira dam omdatai
Ranadun omdatai Jisun a seba ling.

4. Alin ja kaddabtai aban ja umdrengtai
Pogan ja adjumai Jisun a seba ling.
5. Kinsan ja kaddabtai koran ja kaddabtai
Idal ja umdrengtai Jisun aseba ling.
6. Genegen delih ja banaggin delih ja
Jisu hen sebatai me'ngtai sikkoija.
7. Mo'ihle ir-ralin sinsinle kindrale
lyte hen dakunai mandrengna rajam ling.

74

1. Kilkilnan itin gijte mo'danji - 2
Ruang jajam Gabdiltungan
Timyim battin gijgij langtin
Kilkilnan itin gijte mo'danji.
2. Kilkilnan itin amdangte lu'ddanji - 2
Ruang rajam Gabdiltungan
Timyim battin gijgij langtin
Kilkilna itin amdangte lu'ddanji.
3. Kilkilna itin birtin to'ddanji - 2
Ruang rajam Gabdiltungan
Timyim battin gijgij langtin
Kilkilna itin birtin to'ddanji.
4. Kilkailna itin lumte si'nji - 2
Ruang rajam Gabdiltungan
Timyim battin gijgij langtin
Kilkilna itin lumte si'nji.

5. Kilkilna uan yirte ji'nganji - 2
Ruang rajam Gabdiltungan
Timyim battin gijgij langitn
Kilkilna uan yirte ji'nganji.

75

1. Kande kande sanangan adam hen tanagtai - 3
2. Kande kande sanang-nam adam Hen debdebtai - 3
3. Mojaja la sarrang Hen amdangle rilenden - 2
4. Hen ganan ganle amangban dakutinai - 2

76

1. Itin gai buhang uan yirte
Gatasi ling endungte
Lingna god ling lingdamtin
Managad ling dakutin.
2. Yando bangsa god assate
Ablu tangoran ardite
Mandreng godan omdate
Arayim godan umdrengte.
3. Sonum god ling butin yirte
Ji'n dakuata angkati
Anindam la absi'damtin
Kinnorai ling galuti.
4. Kuddub sonuman omdaba
Jisun amangban yirai ba la
Mandreng godan apusui langitn
Jisu Kristun ablulangtin.

5. Kalkal gege kuddub tabte
Marid rajamban urunglangtin
Sayu rajamban urunglangtin
Ruang rajaman tiytiy langtin.

77

1. Kuddub saring langka
Gijba la bo mandra
Jabmollan bidbidben dungnaitin
Bidata bidata dajingti tangor ling galuli
Riang ontidanji
lylaiji duldule jumeji.
2. Bar dajing jabmolan
Tala-sol lingan la galuli
Asuij soldan asan
Bayale attabdong gurdibli
Bindo dagan asan
Kudduban dallangle assarle.
3. Bar dajing jabmolan
Ibba-nib lingan la galuli
Bindo ibba-niban
Marangli surdali adlable
Bar dajing jabmolan
Bangsa labo lingan galuli.
4. Jo'li bo sua yakurdi
Bo kurdi galji tarding deli
Ettigoi a labogi daku hen
Gamdamtin monnabin
Bangsa-sol ordi biggarda-sol
Oggalte ji'lingbin.

1. Yagi dissa Gabdiltungan la
Ruang rajam Gamangtungan la
Anlen abmele appaiyaitin
Anlen apsele apsuijaitin Jisun.
2. Pintu marji ablubin asan
Kalkal maranji arab-rabbin asan
Togal dissaban yiraitin la
Lungud dissaban yiraitin la buhang.
3. Yaryar dissa mandranji jaba
Ordar dissan mandranji jaba
Ablutunglen Jisu amangba
Abmengtunglen Jisun amangba tonan.
4. Ruang rajam Gabdiltungan la
Matsi rajam a On-tungan la
Purardalen hietin buhang
Janggardalen hietin tonan Jisun.
5. Ruang rajam a rungbina la
Matsi rajam a rungbina la
Tordong dinna ling turtur langit.
Ar-jod dinna ling orol langit Jisun.
6. Abmangaitin anlen abmele
Abmangaitin pintulen asan
Jisun a mihaman laetin
Anin a puardan tiyetin buhang.

7. Sanla sanla lang lin Jisu len
Guding guding lang lin Jisu len
Ruang rajamban a urungbin la
Matsi rajaman adabnebin asan.

8. Saninsin godan iyte hangbi
Paniming godan iyte debi
Ruppa kursi ling iyte gobbi
Ranan kursi ling iyte gobbi anlen.

79

1. Monnan monna lingan papam tubdong la
Ji' ji' lingan ir-sin tubdong la
Butidja aggijih gamle a ogandi dong
Mojaja aggijih gamle a ogal dong.
Gabdiltung uggar-nam ditad gijte la
Gamangtung ugar-nam tordong gijte la buhang.

2. Uggar-hen apansardin a rikka gamdong
Ji'ling-hen apintun a gassa gamdong
Itintin a pintun aman lumle la
Itinti a ir-sin aman lumle la
Antanti namihen appingba la
Antati namihen appiminga la buhang.

3. Apingba appingble ganarbir na la
Appiming appimble surpid-dam na la
Dakulin a pintu absosodong la
Dakulin a ir-sin abdaldaldong la
Atiki uggar nam adliyarre la
Ajulu ji'nam adsuyue la buhang.

80

1. Sab-bih banuhang lenji la jaba la
Kuddub ganardi lenji la jaba la
Dajingan abardoddamnabi anlen la
Dajingan absosodamnabi anlen la.
2. Jisun ataniyim biran buhangji la
Jisun a ganayim biran tonanji la
Ordar dissa lingan harre yirraitin la
Yaryar dissa lingan birrin yiretin la.
3. Kinoraiban ayirbin asanlin la
Oyoraiban ahabin asanlin la
Moih dagi dedongbinti buhangji la
Matsidagi dedongbinti tonanji la.
4. Ordar dissan mandranji jaba la
Yaryar dissan mandranji jaba la
Tungjorod dissa adakudongne la
Tungayal dissan a dakudongne la.

81

E pintu mar pintu tangor aman hatin po ?
Aggalme po ? (Abyar)

1. Kitungan boi boi roitaddam
Anin ir-pintu mariddam
Pintun lumdong mandran battin
Aggamaiten po ?
2. Ualen Kitungan gamle bangsa baran
limba gamle, pintun baran a lumlenden
Ambindam si'dte.

3. Murda juju do yuyu len
Kitung banaih ardileji
Antin asan danukka anang hangleji.
4. Pintu badi danukkanji
Kinorai ling galuteji
Ordar lingan sayambin la adrabtieji.
5. Jisu Kristun ordar lingan ladsonaitin
Mandradagi mandran asayambin asan
Akkahidad po ?
6. Antin abmele Kitungan
Mandranji a tandibin asan
Miytub onan Jisu Kristun akkahidad po ?
7. Anlen Kristun amang buhang
Abyarji'lin dir'rinbinden
Kuddub pintun taban table adrablange po ?

82

1. Nami bangsa dinna
Jaba jaba buhang kulamji la
Jaba jaba buhang tonanji
Buhang kulamji la..
Mandreng dinna su'aili nami la
Ruang rajam tuyali nami la
Buhang kulamji la.
Abyar ji'lin yiraiba nami la
Jisun amang dirna ba nami la
Buhang kulamji la.
2. Buhang kulamji la
Dajing dinnan ame'ngte ambin la

Angan monnan abyarte ambin la
Buhang kulamji la.

Okkij dinnan agasa nami la
Okkij royong agassa nami la
Buhang kulamji la.

Nami kahidlenden uan yirte la ?
Nami gondelednen uan yirte la ?
Buhang kulamji la.

3. Buhang kulamji la
Namihen ranoyongan daku la
Namihen arduallan daku la
Buhang kulamji la.
Jisun gamte pintun amdaba la
Jisun gamte ir-sin omdaba la
Buhang kulamji la.
Pintun omdale rongkud hangba la
Ir-sin omdale rongkud hangba la
Buhang kulamji la.

83

Jaba ordar dissan mandranji
Jisun rajan gametin gai (Abyar)

1. Ordar ling ambin gai si'ngan agassa
Ordar ling ambin gai barasun agassa
Ruang rajam ambin na tiytabin
Jisu rajan gametin gai.
2. Ordar ling ambin gai dulai ling kahidte
Ordar ling ambin gai argal ling kahidte
Ganangan janumj Hen na tiytabin
Jisu rajan gametin gai.

3. Jaba la buhangji jaba la tonanji
Di-dargam uggarran tungiingle agijba
Kuddub birdarbin abdile pangte Hen
Jisu rajan gametin gai.

84

1. Iten gai detam buhang aman
Lungudsing ling iyir-dong la
Galutam la kinnorai ling.
2. Absi'd-dong la janggarda nam
Hamangtud ling ipiddong la
Jumtudtam la purarda nam.
3. Ildagi god omda la
Banukkai god umdrenga la
Asangim god kaddab na la.
4. Ji'ling nam ogalle la
Muijmuij damlin i yirai la
Ta'r god ling i hana la.
5. Jisun ganai guding langtin
Dakid-dale amdanga la
Mana biran janeti la.
6. Jaba ordar dissan mandran
Jisun amang yirai ba la
Anablun ahangba la.
7. Ruang rajam ayirba la
Ir-hidan amandrengnan
Ahangnaiba buhangji la.

85

A duaih suman abondi suman
Umdrengle sidba omdale sidba (Abyar)

1. Kansiman i gamte kanbunan i gamte
2. Kimmedan i gamte bongtelan i gamte
3. Kapparan i gamte paruan i gamte
4. Kinten i gamte atungan i gamte
5. Tangkan i gamte bittin i gamte
6. Ranan absi'dte ridin absi'dte.

86

1. Jisun amang addamnaiba la
Jisun amang aboinaiba la
Banantong adnang abayub langtin
Karahid god ling Anin rabrablangtin.
2. Akapaban aboinai buhang
Adamban la ing-dirnai tonan
Anin la Jisu raja len
Ruang Kitung ualen daku.

87

Jisun a do'ng saiilen den Jisun panang sinlen den
Jisun ditad sinlen den ruang jajam i hangte (Abyar)

1. Raja god ja hanglenden bising god ja haglenden
Nayak god ja hanglenden ruang rajam adhange.

2. Gamangdam dalam ja sansaridam dalam ja
Surdadam dalam ja ruang rajam adhange.
3. Tonaijan goile ja anab-sidsid goile ja
Tedungan goile ja ruang rajam adhange.
4. Kansim kinmed pirre ja tangliy bongtel pirre ja
Turdumdale limle ja ruang rajam adhange.
5. Ruangan matsi rajam ruangan langga rajam
Ruangan mano'ih rajam ruang rajam ayirba.
6. Ruangan ir-sin iija ruangan asun iija
Ruangan karahid iija ruang rajam ayirba.
7. Ruangan bandrab iija ruang ling rangkan iija
Ruang ling banru rajam ruang rajam ayirba.

88

Bangsa him ta'r-dam him
Haman hamle kina roi (Abyar)

1. Jisun na a himan haman hamle
Dukkadaman adnang la
Sanabyun tiytiy langtin
Uanti yirte kina roi.
2. Jisun ahim haman hamle
Sonumji deli janang
Adudugi sangaij yirte
Uanti yirte kina roi.
3. Jisun ahiman haman hamle
Tonaij baran lumle ja
Asanggin si'dti adrabtie
Uanti yirte kina roi.

4. Jisun ahiman haman hamle
Bantongij dagi dinna lingan
Dangdangle rabrablangtin
Uanti yirte kina roi.

5. Jisun rajanji a Raja
Gamanganji a Gamangan
Anin abgugule kina roi
Uanti yirte kina roi.

89

Jisun Jisun ablumarhen Jisun
Kalkal adnang bangsan adnang
Hen tordong kintai.
Tordong mang-nam satta hen dakutinai (Abyar)

1. Ir-galam labi hen pintu god ling halinai
Ardod sijgi lungud lingan hen endunglai
Saije saije Jisun hanglih irdakatinai
Dile dinnan Jisun ahim hen kintai.

2. Jisun pangle sidle kuddub pintu birdar hen
Arakaddang ling hen abmele purardan tiyetin
Antin asan nami ameng mandrengnan hanglai
Dile dinnan Jisun ahim hen kintai.

3. Ir-bantonglabi hen nami garbirtinai
Jisun amang lingan tum mai'h hen dirtinai
Ta'r godan janardin mandreng-nam hen hanglai
Dile dinnan Jisun ahim kintai.

1. Jisu Kristun Gamangtung
Rajanji a raja Jisun
Gamangan a Gamang Jisun
Tanimyimtungan Jisun na
Asuyimtungan Jisun na
Mandrengnatungan Jisun na.
2. Tungar togalan buhangji
Ping ping dum ayam tonanji
Kansim ulan adhang tonanji
Turдум jing lin garbina
Tindrabsilin la ayimba
Sanabyumandrengan hangba.
3. Ayimle anlen aiba
Sannille anlen ayirba
Bara lingan ja ayimba
Hana lingan ja ayimba
Onsir lingan ja ayimba
Or-ro lingan ja iyimba.
4. Hangan hangle mai'h umdreng dong
Dayar ji'lin mai'h a gijdong
Papur ilna nam ayimdong
Ranuang rajam adyirre
Manatsi rajam adhange
Mandrengna rajam aggane.

1. Lagindaman pintu hen
Tambedbin ad-rabtilai
Antin asan abasuyim
Gamle Jisun yiraitin.

2. Hen edalinai adnang
E dong gamle babyilih
Matsi Jisun Kristu hen
Pintu birdar hen tambedle.
3. Hen ildagi maran la
Mariddam abmelih
Timyim Jisu Kristu hen
Pintu hen table sidle.
4. Argalle dullaijle ja
Ajingan adnomdai
Timyim Jisu Kristu hen
Amangan dakutinai.
5. A jingan haman hamle
Kahidlih ja kahidtai
Tiymyimtungan Jisu hen
Amangan tum dirtinai.
6. Hen ir-tarungna maran
Amangban baturtinai
Jisun tim la ablumaran
Kan ati mai'h galamtai.

92

1. Monna ling nam la buhang
Ji' ling-nam la tonan
Batong dongam la buhang
Takar dongam la tonan.
2. Jisun abanaih biran
Handraman ambrij buhang
Dakkua monna ling nam
A rabtiam sonuman do'ng nam.

3. Janardin la jidibna
Mayong ling jia darangnan
Ranabti panduihan la
Rojinglin tananga la aman.
4. Sonuman ato'gin a'm
Rabti pahidte aman
Hamle dirna uddardan
Doldol la tordong ayam.
5. Ablu ranubbab rubbab na
Kitungbir kardib hama
Ganarbir-rin daku na
Mandreng god ling tum hana buhang.

93

1. Kuddub mandran murkundrdagi amdangba la
Gupamarlen turtru marlen Jisun tim la.
2. A gunggu ling dakunaba murkundardgi
Anlen asan a purardan omdale la.
3. Kuku-kidgi duaihsuman adrabtie
Arjod ayam sahim-maile endungte la.
4. Ruang rajamban la Anin adlangtin la
Irdaka logi matsi logi gublangtin la.
5. Ayam logi tarda logi dakutinbi
Atoij toijan atimangan basutabi.

94

1. Gupamarhen tordong Gamang
Hen addeih ranangkan la
Ledeng gabban gupa tih la
Abanjingtih sayudaban.

2. Absamangtih janggarda hen
Abhantih roitad god ling
Karahid tamlung lungud god ling
Halin bantong ade'ih hen.
3. Turtur mar hen Aman panang
Aman a sanattoidangan
Aman a danonsidangan
Abyartih la dile dinnan.
4. Bera marhenji atimnang
Hen asan bangsa ganagan
O skaite la tordong Gamang
Lar lar-dagi garagaman.
5. Janggardagi a mihollan
Jablembabtih arjod ayam
A jardi bangsa suyiman
Sandungtih la dile dinnan.
6. Ditad torodng gamang singan
Ira logi a timangan
Dakutinai a lunguban
Dean dele matsidaman.

95

1. Tordong Gamangtungan asuyim ganningan
Irab-bantonglabe gupatih la tordong.
2. Hen a kuddub godan ditad Anin galam
Adamdale rabtih ganegehen adnang.
3. Olejad-gi pintun ordaran janoldan
Kun bagu to'gin battonglihji janang.

4. Lale ruang sinnan pahidte Kitungan
Irab-bantonglabi dakkutih kan ji'n.
5. Duaihsuman apansardi god saring
Ir-rabardodlabi adtih amarandaban.
6. Ir-rahid dungdamdan mandrengna ganagan
Agabin ajumbin tiytih arjod dinnan.
7. Apaniming asan rabtih tordong Gamang
A kudduban tiyle amangban surpidlai.
8. Ua yangan janang birindan ja kulam
Ansalihji janang rabtih tordong Gamang.

96

1. Jisun gupamaran gupamar gupamar
Jisun gupamaran bangsa gupamar.
2. Jisun matsi gardin ganardin ganardin
Jisun matsi gardin mattsi ganardin.
3. Jisun kuddub raptin ranabtin ranabtin
Jisun kuddub raptin kuddub ranabtin.
4. Jisun ablu gamangan gamnagan gamangan
Jisun ablu gamang ablu gamangan.
5. Jisun ababtungan Kitungan Kitungan
Jisun ababtungan abab Kitungan.
6. Jisun gugu rajan rajan na rajan na
Jisun gugu rajan gugu rajan na.

(63)

97

Hanglai hen irdikan irdikan purarda linghen
Purarda linghen purada linghen
Dakutin purarda linghen.

98

Jisun ambrij a debin hen - 2
Ranukku do a sing ligan - 2
Jisun ambrij di tordong - 2
A debin hen itsumtai - 2 buhang, tonan,

99

1. Jisun abangsa tanimyim hanglai
Purarda linghen - 3 daku
2. Jisun abangsa mano'ih hanglai
purada linghen - Nami

100

1. Anuyuban buti janang
Attiylangne kan dissa ling
Jisu Gamang panang tum la
Anuyuban.tiylangtin la.
2. Pintuhen a badin asan
Tordong hen bangtong linai la
Jisun panang tandibin la
Yiraitin kan ordar ban la.
3. Uan bih hen galamai la
Ruangan abanagsan la
Apurardan tiyantiyle
Anin ambrij abmelih la.

4. Ajanggardan abanuddin
Tordong ji'ling a dakuba la
A itsumgi a hanaba
Tarda mandrengnan a hangba.

101

1. Nam saring nam saring Kristun
A ompu ling mailinai la.
Nam saring nam saring Kristun
A tega tegalih la.
Nam saring nam saring Kristun
A maida maidalih la.
2. Nam saring nam saring Kristun
Abuddi buddi-lih la
Nam saring nam saring Kristun
A ji' ji'lih la
Nam saring nam saring Kristun
Anuyub uyublih la.
3. Nam saring nam saring Kristun
A baran baratai la
Nam saring nam saring Kristun
A sagal sagaltai la
Nam saring nam saring Kristun
A garbir garbirtai la.
4. Nam saring nam saring Kristun
A birnan birtinai la
Nam saring nam saring Kristun
A juna jutinai la
Nam saring nam saring Kristun
A sakkai sakkaitih la.

5. Nam saring nam saring Kristun
A tangor hatinai la
Nam saring nam saring Kristun
A godan hatinai la
Nam saring nam saring Kristun la
Arajam gantini la.

102

1. Dinaba dinaba buhangji
Sa'rri sa'rri kan a dissa ringan
Tirsadli tirsadli kan a ordar ringan.
2. Dinaba dinaba buhangji
Dimadna godan la omdale i sidba
Ranondur godan la umdrengle i sidba.
3. Dinaba dinaba tonanji
Gijba gai gijba gai mardir-dam gijtati
Ordar dissa ringan lang-gadam gijtati.
4. Dinaba dinaba buhangji
Kuni a dissaban butinti hangte
Raja god i deti ranuang rajamban.
5. Dinaba dinaba tonanji
Itinti sanosodagi la dakuli
Antati pimingti kun a yam ringan.
6. Dinaba dinaba kulamji
Endungte endungte ayar yar dissaban
Gorotte gorotte ayar yar ordarban.
7. Dinaba dinaba buhangji
Anoblingbiran la oblingte i pangte
Hanangnabiran amdangle dirnaba.

8. Dinaba dinaba tonanji
Dalgad-dong dalgad-dong alung uggarbin la
Riba la riba la alung janggarda lingbin.
9. Dinaba dinaba buhangji
Mandrengnan a hangbin asan lin gardingji
Anablun a hangbin asan lin kulamji.
10. Dinaba dinaba tonanji
Bo mandran a handram handramhen a gamdong
Bo mandran a bittin bitthen a gamdong.
11. Dinaba dinaba buhangji
Ettigoi yar yar dissa lingan sa'rti
Ettigoi kuddub ordar lingan puangti.

103

1. Jisun anlen, akkaridae - 3
Jisun anlen, akkaridae - 3 angoiija
2. Jisun anlen, adnomdae - 3
Jisun anlen, adnomdae - 3 angoiija
3. Jisun ganarbirlen, amdangle - 3
Jisun ganarberen amdangle - 3 namihen.

104

1. Purban bo kuddam kardumar delih
Nami bo ganadilan hen gijiai
Antin ma'ih sakkin oppingtabin la.
2. Bijolan battin soldan jabbarre
Mandhen jod jodle ma Siloam gamlih
Amadlin tabdong gij gij-linai la.

3. Abmangaitin hen gadlamtabin la
Bogad a hanangnamar a dete
Anin a kandung sanle yirba la.
4. Rubmangdagi la Jisun abaran
Kardumar amad abgijtate la
Gardemar a jing abhanate la.
5. Bimbim mar a do'ng absukkate la
Madumar a do'ng abmardirte la
Kulmanji a do'ng absangaite la.
6. Jaba amangban a dirnaba la
Anin amang ling ranabrab a hangba
Anin amang ling anablun a hangba.
7. Ruang rajamban urunglangtin la
Mandrengna ganagan hangtabi la
Iramuijlogi dakutinbi la.

105

1. Tordong Gamang bahetin la - 3
Galji miytub pangaiba la singba Hen
2. Gulumu sing ling barijle ramdalti la
Nam tungjingle gi-jihba birnahan la
Tungtin ordi attungne kan birnan.

106

1. Panidrungan ayingji tiyaiba tiyaiba
Taniyleban buhangji pidaiba pidaiba.
2. Jisun a birnan mannile tiyaiba tiyaiba
Roitad birnan mannile tiyaiba tiyaiba.

3. Ir-sualin dakudongne pangaiba pangaiba
Darda ji'lm dakudongne pangaiba tiyaiba.
4. Kandungsilin dakudongne tiyaiba tiyaiba
Karidalin dakudongne ayimle pangaiba.
5. Mordengle a dakudongne tiyaiba tiyaiba
Pidmadle a dakudongne adarmad tiyaiba.
6. Sar-da logi buhangji yiraiba tiyaiba
Irdikalogi tonanji tiyaiba tiyaiba.

107

Miham ling miham ling Jisun a miham ling
A miham ling miham ling Jisun amiham ling (Abyar)

1. Pintuhen sangai sida uang - 2
2. Pintu kuddub gijjaih uang - 2
3. Sonum kuddub gongle sida uang - 2
4. Tonaij kulman gongle sida uang - 2
5. Garbiran hang hangih uang - 2
6. Purardahen rabduih uang - 2
7. Ji'hen sabyuih uang - 2
8. Ruang rajam urungih uang - 2

108

1. Hen oppingtam amdanga
Gabdiltung timyim ua hen
I birtinai amdanga
Gabdiltung timyim ua-hen
I hamtam hamtam gamte

Duaih suman giigija uang
I jumtam jumtam gamte
Duaih suman abluh uang.

2. Je' hen la bantong datih
E Kitung babye-ih la
Uggar hen la takar-datih
E Kitung rabdu-ih la
Tordong ayam sinsintam uang
E Kitung sinsintam la.
3. Bantong saring abuyubih
E Kitung i gamtam la
Pintun saring abluh uang
E Kitung i gamtam la
Irsin saring rabbih uang
E Kitung i gamtam la.

109

1. E uahen Kitungan
Tarda uang Kitungan
Ta'r daman Kitungan
Purdahen rabduih.
2. Ta'r daman purardan
Pirad-dam abirnan
Anablun a birnan
Je' linghen dakkuih.
3. Adildam purardan
Lunguddam janggarda
Pansardin uggar hen
Tambmadle gijja-ih.

1. lyte la igijnai i heni la
lyte la dakunai i heni la
Irdar-mo'ihdaman a dissan la
Arjod samangdaman a dissan la heni.
2. Banir-dun godan ja tiylih henji
Ruyinglogi janang kahlihenji
Saninsin godan la iyte hangnai
Ganugugodan la iyte hangnai heni.
3. Kanudi godan ja hanglai asan
Tanamder godan ja hanglai asan
Mo'ihda godan la iyte hangnai
Sanabyu godan la iyte hangnai heni.
4. Mandrengmadta dinna hen Jisun gijlih
Kanalkal saring la rabrablih la
Irsi-hen kudduban tabmadlih la
Ranuang rajamban tangorlih la Jisu.

111

1. E Jioba kanidra nam de'ti kan ordar lingan
Engale mang nam ruang kanuduaiji kinteji
Aliluya aliluya sanisin deamti.
2. Uan, Onan do Marid jangardan
Rajam ling nam tordong daku ayam.
Aliluya, aliluya, matsidaman Kitungan.

112

1. Purarda ling hen purarda ling hen
Purarda ling hen iyai Jisu
Torodong iyai la, tordong dakuna
Purarda ling hen iyai Jisu.

2. Mangling hen saring, mang ling hen saring
Mang ling hen saring abta'ra Jisu
Kuddub mandranji mang ling nam a dirnabin
Mang ling hen saring abharhara Jisu.

113

1. Ailai e Gamangtung anleri la ailai
Ailai e Tardatung anlen la ailai
Jingba nam adamban anlen la ailai
Mangba nam admban anlen la ailai.
2. Mangba nam a kuddub monnan dakkutai
Mangaba nam a kuddub ji'n dakkutai
Aman aranabtin umeng appaiyai
Aman a janggardan umeng appaiyai.
3. Suyim Jisu kani ayaman yirai
Suyim Jisu kani arduai yirai
Ranuang asitta donsile yirai
Ranuang arasi pangle yirai.
4. Ordar dissa raja Gabdiltung Aman
Yaryar dissa raja Gamangtung Aman
Kani na ganargar anlen agartam
Kani na sanaisai anlen asaitaim.

114

1. Suyim Jisu garbirnalen suyimdale
Amdanga la suyimdale amdanga la - 2
2. Suyim Jisu mangbalen la suyimdale
ladsonai la suyimdale ladsonai la - 2
3. Uggarren a lungudanji suyimdale
appiradlen, suyimdale appiradlen - 2

1. E ruang rajam Ua-len
De'ti la saninsim nam
Rajamnam ambrij de'ti kan ordar ling
Yiraiti rajam nam ta'reti piming nam
Ahimnam marid ta'r-dam de'ti.
2. Ordar dissa lingan uang barijeti itsum nam
Mariddam ahim ling nam sinteji
Kuddub mandran sanaisaijlen a ganagan
Janggarda ganagan tiylen Gabdiltung.
3. Abirsitalenji amandranji a do'ng tabmadtai
Ettile ir-silen ja tabmadlen uang.
Ildagi god ling omdadonglen Aman
Sani'd god ling saring abdilen uang.
4. Tarda ayam uang Aman ati rajam nam
A man a ranabti ganugu ta'ran
Tardadam ganugu paniming nam
Amen, Amen, Amen.

1. E Gamangtung jingbanam a jaita hen goblai
Birna-nam ir-amdangle ongaja adyir-re
Gamle hen goblai.
Itsumhen a tangor ditad halinai
Ha'n halin tiki ardodlih
Aman abmang na hen sandungle santam.
2. Aman na ruang god butija agassa
Aman na mandrengna god butija agassa
Aman na janardi god butija agassa.

E Gamangtung Aman na ablumaran
Kani ordaran padle panga ruangban
Gugu jingba nam a jaitan dirrin hen goblai.

117

1. Dajing daku kinsahen
Dajing daku lingnahan
Birna ondaneb battin
Padlangih uang padlangih
Gamang Jisu Kristuhén.
2. Dajing daku pintuhén
Dajing daku irsihén
Marid miham-nam battin
Tabmadih la tabmadih
Gamang Jisu Kristuhén.

118

1. Jabung sarrang batti gudingtih Gamangtung
Marid-debin asan a marid mihamling.
2. Heni pintu mar la ganarbir tinai la
Marid apseih la arakad miham ling.
3. Heni balai mar la agassa tanu'llan
Miham ling nam daku ranabtín tanu'llan.
4. Suyimdale Aman absi'da banalaihen
Gamle tinrabsilin limle kan opungtam.

119

1. Jisu tanimyimyim-nam itin asan karida-ih
Jisu asuyim-nam itin asan omdaih.

2. Purarda-nam tiyle pintu-hen apsele ma'ih
Mariddaman miham ling hen umatinai.
3. Butenti umatin anin na marid deti
Janarditung a On ambrij anin gijati.
4. Antin saring anin Jisun a baran lumte
Marid Jisun batti maridlogi dakutin.
5. Kalkal gegelija a barabtim limtai la
Ranabtinam battin purardahen abme'ih.

120

1. E Jisu tanimyim-nam - 2
Dijhe tanimyim-nam
Do'ngnen timyimlih.
2. E Jisu a suyimnam - 2
Dijhe asuyim-nam
Do'ngnen suyimlih.
3. E Jisu sanagal nam - 2
Dijhe sanagal-nam
Do'ngnen rab rablih.

121

1. Kanalkal adnang kudidamlinai
Ganegen adnang danardin saiyla
Jujun a sonumanji abmang saiylai
Onga ja aninji adrabanglai.
2. Itin abmenai gamle ogandilai
Ji'linghentim tordong ogallai
Antin adnang ganudingan hanglai
Ranabrab mar nam anin Hen gamlih.

3. Israel a do'ng engale rablai
Ettile rabtam hen adnomda'm
Tordongtung ajandrumsi alunguban
Ir-abmang-galabi dakkutam la.
4. Tamba uyungan aggabtar-ram la
Togal angaijan aggabtar-ram la
Kuddub a ir-bangsanam saring la
Rable dakutam aman a do'ng.
5. Purardan abmengle dakkutam la
Onga yirre ja sayamtam la
Etti gamle hen anayub hanglai
Jujun a sonum umdrengle sidlai.

122

1. Pintu hen asan la - 3
Jisu hen kahidli.
2. Hen ablubin asan la - 3
Arakaddang ling kahidli.
3. Hen arabbin asan la - 3
Tanidtidan hangle.
4. Tanabmad hen asan - 3
Miham nam lale.
5. Sanabyu hen asan - 3
Miham nam lale.
6. Jisun timyimlih hen - 3
Hen ja timyimtai.

1. Aboi gamangan dakuli
Bagu a dangarda onanji
Bo dinna sanna onan la
A ua amang iyaitin game.
2. A uan a do'ng gametin
Tanub hen tiyih gametin
Tanuban hangan hangle
Sangai dissan yiretin danggarda.
3. Jolda maranji gardietin
Ratsumle sidetin a bittin kuddub
Kan adnang dissan kantarali
Anin banaggi mar deli atiki.
4. Bittin dakuli adnang
Jolda maran gardileji anin a do'ng
Bittin rasumlin asan
Bo mandra ja adnolangadji dangagardan do'ng.
5. Dulaijan asan edanetin
Gar-re gar-re endungetin garda ligan
Bo madra ma'ih olangetin
Gupajellan abaihbin asan la.
6. Antin a bara lumle ja
Anin ganagan adhangad kun ayam
Bo mandra ja ad-ruadji
Bo mandra ja at-tiyadji anin a do'ng.
7. Anin ogandidamnetin
Bardian dulaijan detih gametin
Kitungan do ua hen amang
Hen boi boi irsin lumlai gametin.

8. Imlin madlin ogalle
Kambari marji ayimle edalin
Ua hen amangba dakutinji
Bi'pungle jumteji gametin.
9. A uan janang singan saring
A onan a do'ng omdile dakunetin
Anin rabangbin yirnetin
Kundule kur-kurtametin a onan a do'ng.
10. Hen dulaijan battin kahidti
Hen on-nam gamle tundongih gametin
Kambari margi dakkuih
Baratenai dile dinnan gametin.
11. On nam agambin attunih
Gamle a uan a do'ng gameten
Kitungan amang do mangbanam
Hen boi boi irsin lumlai gametin.
12. Kambari margi dakkuih
On-nam agombin attunih gametin
Bindo a uan timyimle
Kambari maranji gudingle bahetin.
13. Panduih ensin sindrin ja
Pangan pangle abjijba gametin
Anta atiki kud dublen
Janumjuman a jumba gametin.
14. Kahidlin ati yarmengli
Ardodlin ati hanglabi buhangji
Abyarii'lin yiraiba
Moihlogi dakunaba tonanji.

124

1. Pintun abadi karahidan - 3
Ugai Pintumar aggalame.
2. Bindo Gabdiltungan asuyimtiyan - 3
Gamangtunglen tarda mandrengnan.

125

1. Jisun ruangan umdrengle
Ordar dissaban yiraitin
Heni kumab-mar sajihtin
Ateng kanalkal hangetin.
2. Ordar dissan a pintu ling
Ardod battin hen dakulih
Sajle sajle Jisun hanglih
Asuyim battin yimylimlih.
3. Gijetin ateng pintu hen
Mandrengtungan kudidamlin
Tiyle ab-takud purardan
Heni asan kubdamneten.

126

1. Bo togal ringan iyle birre la
Nikodomas Jisun amangban la
Gabdiltungan amangtum saring aman
Adyerraen adde-e kan a bara.
2. Jisun jalangbirre a jardina gamle
Barkudantum delin rongkudantum delin
Gijle raptitabi ranuang rajaman.
3. Nikodimas amdangle jalangetin la
Dangarda mar dele talaiba mar deli
Barkudan deti po ? rongkudan deti po ?

4. Jisun jalang birre a jardina gamle
Do'ngan a karudkudan do'ngan na deti
Janggardan a karudkuddan janggardan na deti.
5. Do'ngan do janggardan delinden
Ruang rajamban arduatabi anlen.
Antin asan mandran sanaisaij rongkudan.

127

1. Purban manna jumleji jujulenji
Juman jumle kahidleji buhangji la.
2. Itinti ruangan saring latsotai
Jisun gamle Heni kun mandrengna janumjuman.
3. Jelu-pugi butin jumte ir-kahidlabé
Arjod ayam me'ngti na buhangji la tonanji la.
4. Kan apupun do'ng Hen na
Dirna maranji a mandrengnan apsele na buhangji la.
5. Miham jelu Hen butinti adjume
Anta amandran mandrengnan adhange buhangji la.
6. Butinti madlin mangba Hen yirtaiji
Anga janang aninji ado'ng aggongai buhangji la.
7. Jisun tiylen ajanumjum a jumba
Ir-ahiddan a mandrengnan ahangba buhangji la.

128

1. Appittamlen Jisun birnetin
Appsarranglen Jisun gametin
Heni na la janumjuman gamle
Heni na la ganagan gamle.

2. Butin la jumtuh i Heni
Butin la gatih i Heni
Tarda mandrengnan la i hangte
Sayu purardan la i hangte.
3. Jisun amang la diran dir-rin
Rajan amang la diran dir-rin
Ranuang la bittin hangtabi
Ranuang la rajam hangtabi.
4. Manatsi rajamban yirtabi
Manarid ruangban yirtabi
Jisun amang iyte dakunabi
Rajan amang iyte basubi.
5. Kani la dissan addanglangne
Kani la purtin addanglangne
Urur-damlin yirtabi anlen
Dong-dongdamlin yirtabi anlen.

129

1. Gamangtung rajam nam umeng marangeti
Kuddub ordar dissan umeng barijete.
2. Daina daina Jisu sarrang nam dungnaiti
Duaihsum a duaih umeng rardieti.
3. Daku dajing gorjang ordar dissa lingan
Kuddub ling hareti anablun ahiman.
4. Dar-gam la'ng Jisu him umeng pingbaeti.
Gamangtung itsum nam lo ojoinayeti.

130

1. Nami todne saring sangai yirba
Ir-kahid rajamban a yirnaba
Jaba ayirnaba yirnaroi a kinba
Mandrengnan a hangba kun rajam ling.

2. Kan dirnan itin do umdrengtabi
Kani gugu po gai umdrengtabi
Jaba ayirnaba yirnaroi a kinba
Anuran ahangba kun rajam ling.
3. Ayingan a ta'ran sangai gijtati
Antin na kun garda lingan gijatati
Jaba ayirnaba yirnaroi a kinba
Tana'ran ahangba kun rajam ling.
4. Ua len atimang ling iramuij la
Jaba dirnan batti a yirnaba
Jaba ayirnaba yirnaroi a kinba
Irdikan a hangba kun rajam ling.
5. Nami butin kalkal ling hale yirte
Kan godan tabkudle sanabyun hangte
Jaba ayirnaba yirnaroi a kinba
Layumnan a hangba kun rajam ling.

131

1. Kun a ruang rajaman ir-pintu matsidam
ildagi maran pansardi janang
aggane sanangban.
2. Yerai Gamang Kitung a on murkundardan
Abmaridih la a rabrabbih la
Gijja' kuddub pintu hen.

132

1. Boi boi timyimle Gabditungan la
Abasuyimdam a j'i lingan la
Appaiyetin anlen abmele la
Miytub on Jisu Kristun a do'ng la.

2. Ababmangle yiraiba kuddubbin
Aduduge yiraiba kuddubin
Manadam Jisun abirnan la
Daludle ambin amdangaiba la.
3. Sonum dang kuddub soile sidba la
Anidtallan ja gosodle sidba
Kungdaijan ja labo ling i tilba
Jisun amang ling ma'ih dirnaba la.
4. Pintulen janang Jisun i tabte
Dajing pintun ja Jisun gijjate
Purardalen mariddam absete la
Kitungan a do'ng i limsinba la.

133

1. Jisun oppingle jaba buhangji
Amdangba la kan takud biranji
Ruang purtinji a ganugun la
Sanurpin deaijli mang linghen la.
2. Kuddub ordar dissaban yirba la
Hanangna mar henji abmeba la
Uan on marid janggarda lingan la
Atabubdaba yagi him lingan la.
3. Dajing abanaih opunglabin la
Ihang hangbaji adirnabin la
Ordar takud ayam sikkoija la
Arjod dakutinji mangba hen la.
4. Kan asan ir-bantonglabi yirba
Surda sanna mandran i gadlamba la
Banabyi ji'n appaitai mangbin
Anin hangtabin kudduban la.

134

1. Purban a dinna Jor-don a jorda Jon la
Sakkibiran do tanabubdan tiyle la.
2. Nami dinna kuddub buhangji yiraiba
Abyar monnalin sakkai monnalin sibdaijba.
3. Duaih sonuman a bondi singan omdaba.
Jisun amangban tabbubda'n la a hangba.
4. Uan a onan marid janggardan ahim ling
Tabubdan deba rongkudan hangba dirna ling.
5. Ruang rajaman matsi rajaman ahangte
Irdakalogi la matsilogi la dakuten.

135

Jisun amang dirnaba
Jisun amang diran dir-rin
Anablun hangba (Abyar)

1. Pintu kuddub omdale tar'r ling hanaba
Janardin mandrengnan daku Jisun amangban.
2. Gabdiltungan ontungan marid janggardan
Kun yagi ahim lingan tabubdan hangba.
3. Do'ngan a krudkudan yangan akampung
Janggarda akrudkuddan Jisun amangban
4. Pintun a tanabmad hangle tabubdan hangba
Sakkailogi janggardan ataniyan hangba.
5. Ordaran a pansardinji kandungle sidba
Jisun a roitad god lingan arjod hanaba.

136 (A)

1. Nami bangsa dinna iyai uang e Kitung
Kani soba lingan sittanam ir-ralen.
2. Kan bagu purardan jingbanam tanagleji
Do'ng-nam gankille tordong me'ngetiji.
3. Dile dinna lingan ir-karidalabi
Saninpur god ling nam sanle yiraitiji.
4. Ir-apurlabi la jurdia bagunji
Tanimyimplud battin sabetle jiaji.
5. Dukka sukka adnang ar-timyimetiji
Amantum gudingle ditad me'ngetiji.

136 (B)

1. E uang Gabdiltung sitta nam
I gabtar-ra similinji a d'ong
Tanimyiman do arayiman
hangetiji la dile dinnan.
2. Sidrung saring dajing dinnanji
Dakutinji la similinji
Dijti ayam tanimyim ling-nam
Similinji a do'ng jia uang.
3. Dile dinnan uang ir-rurdilabi
Dakunetiji ar-turdule la
Kalkal janang sukka janang
Dakunetiji a boinan la uang.
4. Banaihbir-nam uang itsumdale
Me'ngetiji ditad mannile
A uggarba ling arjod dakulin
Sinamtiji la diran dir-rin.

1. A kindratam a kindratam e ualen
Kitungan murda-dam Kitungan
Abmengle absuijlalen tabmen a mihuman
Tabmen a ganruran.
2. Irandij asu rangan gege kanalklan
Dulaijan ar-gallan
Ir-abgabtari-rabi la abme'ngle purardan
Ablule janggardan.
3. Sinsintam a sinsintam e ualen
Kitungan tarda uang Kitungan
Rabrabale absuilalen tabmedam
Mihiman rano'ng ang-gaijan.
4. Kan tabme mihim ringan,
Tabme jano'n tabme a janggardan.
Asuyim-nam batti la abmea
Tanardan jabtadlen sittanam.

Matsidaman matsidaman
Suyimdam Kitunglen uang (Abyar)

1. Kan na ressa sanna sijan
Mangbanam surpitai uang
Sanabyu sinam battin
Suyimdale araiya uang.
2. Anin a madrengna ringan
De'ti ganugunam
Kun abmele a ua yangan
Hang hangetiji tordong.

3. Kuddub ranabti kuddub murda uang
Danirdirlen badrijlen uang.
Ganarbiran ja'n jale
Kuddublen absittalen uang.

139

1. Gugudan Kitunglen la
Murdadam Kitunglen la
Kan a ressasij a do'ng
Panglai adam jingba nam.
2. Anin amandrengna lingan
De'ti ganugunam
Kan abmele aua yangan
Hang hangetiji tordong.
3. Engale ua yanganji
Araibin la goiteji
Ettigoi a banuddin
Arjod dinnan tiyaji.
4. Kuddub ranabti Kitung
Danirdirlen itsumle
Ganarbirlen amdangle
Kuddublen absittalen.

140

Matsidam Kitung him nam
Timyimdam Kitung him nam
A sinsintam uang (Abyar)

1. Kan ressasijan la siling nam a tiytam
Kan ressasijan la jingba nam surpitam.

2. Dajing dinnan abme'ngte ganangkil nam asan tum
Dijti dinna abme'nga paniming nam asan tum.
3. Ua-yanganji a do'ng tordong hang hangaji
Passij gangkilbin asan tordong sayamaji.
4. Passij turturbin asan tordong dandrabaji
Passij hang hangbin asan tordong saiyamaji.
5. Passijan buddi ling nam tordong dakkua uang
Passijan gallam ling nam tordong dakua uang.
6. Do'ng nam gangkilbin asan tordong abme'nga uang
Bara nam lumbin asan tordong madranga uang.
7. Sitta nam hangan hangle sandungamti uang
Sanabyu nam hangle sandungamti uang.

141

1. Kuddub ordar a Gamangtung
Mandranji a jardi ablutung
Sintam sintam Kitung
Tinrabsile a sintam
Garbirtam a garbirtam.
2. Kani oseng si'ngan surpidtam
Jale absitta didinnan
De'ti ganarbir di-dinnan
De'ti mandran a barkuddan
De'ti de'ti ganugu nam.
3. Marid janggardan a itsuman
Baraeti mandran a ji'ban
De,ti pintun a tanabmaddan
De'ti mandran a ranabraban
De'ti Jisu a saninsinan.

Kurdaḡan baran lumle lumle gorjang endunglai
 Kurdaḡan linai kuni kani saijte gamle
 Hen na bir-rinai. (Abyar)

1. Rungkun tarban sidlung sidle ednegoḡi gamlai - 2
 Bukkaile kansim kambun saijte gamlai
 Aggadili rungkun singgeran pangaiba gamlai
 Rungkun asai asalle jalang bir-rinai.
2. Kansim kimed panglung pangle iyle kabhidnai
 Gadle dihle gale jumle badrij-punglin yir-rai
 Kansim kambun panglung pangle iyle rabjadnai
 Tangkan poisan tiylung tiyle jajan amganlai.
3. Ji'ling hen kahidlih to'giling ballihji
 Purarda hen jakih siddamlinai
 Nam sikkoij imlinai ardodlih gamlai
 Itin abmenai gamle ji'ling hen ogalai.
4. Kandungba hen anga-nglai Jisun rabanglai
 Umeng asin halung hamle sayamih gamlai
 Nami i hen umangdam irdakatinai - 2
 Indong asan gamlenden hen ranabraban hanglai.

Imilin kunai imilin kunai
 Malami yurtine jardi yurtine
 Mang nam yurtine mang hen yurtine
 Imilin kunai imilin kunai. (Abyar)

1. Imlin kunai ganarbirna
 Manalmal lung galudongam
 Jisun abirna amdanga
 Sabbih tanimyim buhang.

2. Imilin kunai batongdongam
Jidibna jagarta na
Jisun abirna amdanga
Sabbih tanimyim buhang.
3. Imlin kunai namakama
Tidti yira rabdudam na
Jisun a birna amdanga
Sabih tanimyim buhang.
4. Imilin kunai ganarbirna
Onga yirreja arakkadang tambada
Jisun abanaih mannia
Kuddub tanimyim tonan.

144

1. Aman na Jisun Aman na gardihen
Jingbanam adamba tordong hen dakkuih.
2. Banaggin delih ja gargar mar delih ja
Deli janangden tordong hen kindratam.
3. Kahidlih janang me'nglih janang
Deli janangden tordong hen gangkiltam.

145

- Anlen aiba rajan amang
A kaninnaiba Kitugan saring
Piming piming de'ti rajan
Aliluya aliluya
Janangtai na rajan amang (Abyar)
1. Anlen aiba rajan amang
A kninnaiba Kitungan saring
Ranta jugan yiraienden.

Sunnan lanijson agorodnai
Anin ditad a gangkilnai
Ranta jugan yiraienden.

2. Sinle sinle rajan amang
Akaninnaiba Kitungan saring
Ranta jugan yiraienden
Tiki dukkahen sangaiti
Okkij seba-hen barijti
Ranta jugan yiraienden.
3. Dinaba purardan hamle
Rajan agijbun aite hange
Ranta jugan yiraienden
Turdumle lemba ajingban
I dakunaba amangban
Ranta jugan yiraienden.

146

1. Kitungan na kudlojon ua len
Kitungan na selojon ua len
Anin na dile dinnan mudsamtai.
2. Terdale gemoihle la buhangji
Lakkudle jikkule la tonanji
Jisu na dakkulangtin kulamji.
3. Asu ling bimbim ling la buhangji
Kalkal ling bantong ling la tonanji
Anin na abanjing-dih maran.
4. Bara ling tassa ling la buhangji
Hana ling birna ling la tonanji
Anin na hanang hang-tih maran.

5. Yaba la yaba la buhangji
Yaba la yaba la tonanji
Jisun amangban la ayirba.

147

1. Gamang Jisun yirai ordar dissan yirai
Mandrengnan anablun sanabyun pangaitin
Jisun ordar dissan anablun pangaitin.
2. Juda dissa Betaliam saring
Mandrengnan anablun sanabyun dungnaitin
Jisun ordar dissan anablun pangaitin.
3. Gunggu si'ngan abungsang ling
Mandrengnan anablun sanabyun dungnaitin
Jisun ordar dissan sanabyun pangaitin.

148

Tanimyim hang hangbin yirrai Jisun (Abyar)

1. Purardan anabmeng maran Aman
Tiki dayar-dih mar Aman
Raja dai hang hangbin yirrai Jisun.
2. Kardu jadda kalla maran
Papam lungan regam deli
Rajadai abmebin yirrai Jisun.
3. Purardan abungsang tabubti la
Angkaluh angkalujle anggurte
Aman appadle uyirrai Jisu.

149

Mallamillun dajingan a bangsa deti bih
Mallamillun dajingan a langa deti bih (Abyar)

- | | | |
|----|--------------------|--------------|
| 1. | Doromon | (3) Kulinden |
| 2. | Laniman | (3) Kulinden |
| 3. | Tanimyim | (3) Kulinden |
| 4. | Dirnan | (3) Kulinden |
| 5. | Manangkan | (3) Kulinden |
| 6. | Naminsin | (3) Kulinden |
| 7. | Sanoman | (3) Kulinden |

150

1. Yagi dissa raja iyai uggarba hen
Seba linghen nami.
2. Ayimle sinsintam limsinle limjingtam
Seba linghen dea.
3. Papam hen ir-sihen ded-dedle
Jo joa seba linghen dea.
4. Aringsoi togalan
Alungud jandrum kappa ling-nam
Luih la e Jisu.
5. Karahid hanglai ja kalkal god
Ganlaija aman turdu mar hen
panang la e Jisun.
6. Kansimul elan adnang mardidum
Elan adnang angkir-re
Purardan sebatam na Jisu.
7. Tabme uying gijle tabme jugan
Hangle aman appimingle
Sebatam e Jisu.

151

1. Yire pong heni a rikka si-hen
Mapru Jisun amang lung
absujai pong a rikkasi-hen
Inijja a jo'ir-panglabi.
2. Yire pong hen arikka si-hen
Mapru Jisun amangban
Atibyin hen a jing ringan
Inijja jo'n ir-panglabi.
3. Banantongtid hen karahid ringan
Mapru Jisun hen raptih
Bindo si-hen arikkadam
Ti'h na hen sanabyunam.

152

Tumpadjinglin hana danggarda - 2 (Abyar)

1. Kudduban aman umdrengan umdrengle
Roitad mandreng ling dakuna danggarda.
2. Aman uggar-dam roitad deli
Bangsa biran oblinga danggarda.
3. Ardasa mib miban saring adlinggle yirai
langka dungga ling dajai danggarda.

153

Hen ini lumlai Jisu aman karidale
Papam ringan galulih Jisu
Tiridih la nami (Abyar)

1. Mang hen papam ir-sin daku akkar-ra osaradam
Aman satta ir-pintumar barij purti ringan.

2. Bardong baseng areng kudding turdumle la limlai
Aman kandungdale Jisun arengan na kublai.
3. Kansim kimmed tangliy bongtel arengan na kublai
Aman umdrengdale Jisu arengan na kublai.
4. Kinten kojjan layan tiylai a rengan a do'ng
Aman karidale Jisu arengan na tiylai.
5. Solda lingan joba lungan dakulih la Jisu
Dihjangih la gijjaih la aman do'ng hen Jisu.
6. Pampam-mih la madrid-dih la purarda hen Jisu
Limsintam la limjingtam la aman do'ng nam Jisu.

154

1. Hen atiytaman a mandrengna janumjum
Jumlenden adulaijham okkij jumlenden (Abyar)
Uggarba nam saring tardale dakutin.
2. Hen atiytaman a mandrengna da'n
Galenden adnargalam okkij galenden (Abyar)
Uggarba nam sring tardale dungte.

155

- Yaba yaba yaba buhang tonan kuddub mandran
Jisun aseba lingan la a ganba (Abyar)
1. Limsir limsir lemtim
Longlin longlin longlin longsa
Jonglin jonglin jonglin appidijinglin ayirba.
 2. Tudru dinna 'ngan Anin rablai
Tudru dinna lingan Anin tur-rai
Jisun panang mutsam gijlai e buhang.

3. Asu lingan ja ih Anin rablai
Kaitam lingan ja ih Anin kulin
Jisun panang abme'nglai na e buhang.
4. Tudru dinna lingan anlen tiylai
Gulji dinna lingan Anin seba
Jisun na panang dinnan tiylai e buhang.
5. Kambolan hamle hamle yirai
Kaninn-olan hamle hamle yirai
Jisun na aseba lingan na la e yirrai.

156

1. Irdikan detih ditad sardan detih
Ditad Jisun tum kintinai.
2. Ganagaban ditad bullijangban
Ditad Jisun tim kintinai.
3. Asubahen ditad rangbahen
Ditad Jisun tim kintinai.
4. Barabahen ditad lulunaban
Ditad Jisun tim kintinai.
5. Barabahen ditad niahbhen
Ditad Jisun tim kintinai.

157

Dirang-gaban daja daja la buhang
Dirang-gaban daja daja la tonan (Abyar)

1. Sonoman sabjele aboi diranggan
Purtin jaih ruangan tur-daijle
Jisun na batte sabjale diranggan
Jisun na batte sabjale diranggan.

2. Ruangan asan diranggantid binna
Jisun a do'ng diranggan sabjale
Jisun jaih okkij diranggantid binna
Jisun jaih okkij tangor-rantid binna.
3. Ruangan agijnai gamlenden dajai
Purardan abmengnai gamlenden dajai
Jisun ambir-re ahangbin ardoij
Jisun kandungli agijbin ardoij.
4. Sonuman amang jamma dissan la
Sonuman amang jamma dissan la
Kitungan langa rajam la
Kitungan amang ruang rajam la.

158

Bo dinna yirtai na Jisun
Bo dinna hatinai Jisun
Jardi la gai buhang kulam (Abyar)

1. Ayam bordo ringgi yiratai
Guyurdi ringi la yirtai
Jardi la gai buhang kulam.
2. Tarubda lungan la yirtai
Puijdada lungan la yirtai
Jardi la gai buhang kulam.
3. Anlen a urungbin yirtai
Anlen a sanlabin yiratai
Jardi la gai buhang kulam.
4. Jagarata kunaiba buhang
Jogile kunaiba tonan
Jisun yirtai na la umeng.

5. Papam daku linden buhang
Ir-sin daku linden tonan
Jisun adniyai la mangbalen.

159

1. Kinba kinba daina kinan kinba
Tarjubsilin karran kinaiba
Jisu rajan yarmengle dinetin aliluya
Mo'ihle kudduban gadlamba.
2. Tariltilban bo surda arengan
Gijba arengan abkudle
Jisu rajan yarmengle dinetin
Aliluyan mo'ihle yaryar gadlamba.

160

Garannen garannen garannen bir-rin Jisun
Garannen garannen garannen baih lih Jisun

(Abyar)

1. Dissa ganing birnahren birna gamlen
Garda gorjang birnahren birna gamle i bahlih.
2. A si'd maranji uddia gamlih
A rdod maranji saidinga gamle na i bahlih.
3. A kujja maranji tangora gamle
A sutta maranji turdua gamle na i bahlih.
4. A kardu maranji tongsia gamle
Asu maranji garbira gamlen na i bahlih.

161

1. A kihid maran ditin
A dimad maran lingtin
Sabbihlen bo dinna bitsaran asan.
2. Jisun a do'ng Gamangan a do'ng
Butin timyimteji - 2
Anin sabbih dinnan itsumte na.

162

1. Yaba yaba Jisun amang
Jisun na Gabdiltungan, Jisun na ameng maran.
2. Papam maran madridle
A kahid maran abdile, garde maran abanjingle.
3. Alin aban ambur-dale
Papambiran ambir-ra, Uggar ling nam Jisun dakkua.
4. Ruang rajam Ualen Kitungan na
Jisun amang mandrengnan daku.

163

1. Bo dungdamdagi gai mihaman
Jorodti arakad-dang ling
Dakang pintumar ja tabublenden
Anin pansardin si'ti.
2. Dir-dirnahan arakad-dang ling
Taniyan deli sanabyun
Hen ambrij pintumar janang
Hangte na ranabraban.

3. Kun dungdamna gijle jumbur mar
Deli amonan sanabyun
Ir-tarungna mar delih ja
Men'gtinai ettigoi na.
4. Kun murkundardan ranapti miham
Adnahade anga janang
Ardu-ihn ruang rajam sikkoija
Dirna mar arumanan.
5. Kun dungdamna gijle dirnamar
Kinte daina kinan
Tiki a ranabraban
Mo'ihle kinata hatinai.

164

1. Gamang Jisun amang daku ranabraban
Tarjubsilin hen kanintinai.
2. Jisun amang daku mandreng-na da'n
Agabin asan yirtai umengdam.
3. Analen Kristun a ompu maranji la
Umeng tanangai ba sanuban.
4. Tiridle hamaiba piming arakkadang
Tarjubsilin a kaninnaiba la.

165

Yirai Uang yirai Uang ganai Uang ganai Uang
Dile dinna ringan mangbahren dakuna Jisu
Dile ayam ringan mangbahren basua Jisu.

166

1. Gabdiltunghen tordong garberhen amdangte
Mandrengna linghen janang imna sakin deli.
2. Gabdiltunghen tabdong pintuhen tabmadte
Anganti itija kuddub hen pingbatai.
3. Gabditunghen danukkahen sangai sidte
Di-tordong uggar linghen Anin abmo'htih.
4. Gabdiltung namihen banantonghen tabte
Anin anuyuban purarda linghen tiytih.
5. Gabdiltunghen tordong garbirhen amdanga
Jisu boi boi sintam mangbanam dakkuih.

167

1. Ruang rajam a Kitung kitunganji a Kitung
Ablumarlen Kitunglen la kitunganji a Kitung.
2. Ruang rajam a raja rajanji a raja
Turtur-marlen rajanji a raja,
3. Ardakun mandran yiraiba ardakun jattin yiraiba
Jisu Kristun sebaan umeng ameng yiraiba.
4. Mo'ih logi yiraiba sar-dalogi yiraiba
Ayargudlin agijdong rojol-logi yiraiba.
5. Anin amang ling mandrengna singdan daku
Antin asan ardakun mandran gabin na yiraiba.
6. Papam mantram arikkadam Anin atimang ling
Kani sadan sadle aur ardakun daku.

1. Ahimnam battin Kitung
Sidam-nam battin Jisu
Itsum-nam battin raja
Misor a dissaban la
Paron a mukkaban la.
2. Israel a onanji
Israel a udlenganji
Israel a birindanji
A urungbin asan la
Atandiben asan la.
3. Aman a boantamar
Aman abadloyimar
Mojes a do'ngan la
Ranabtinam tiyle la
Absittale appaile la.
4. Obram jujulen amang
Issako jujulen amang
Jakub jujulen amang
Aman oppungle Kitung
Aman sibdaile Kitung.
5. Kinano a dissaban la
Tarung-galdam adissan
Arduv adangda dissan
Abdanetaiji gamle
Abhang hangtaiji gamle.
6. Anoppung birnam Kitung
Sanibdaij birnam Kitung

Angaja adsosoad
Abojoraile na la
Appungi-aile na la.

7. Nami ja ayam ringan
Anlenji asan Kitung
Ordaran timyimdale
On-nam Jisun a do'ng
Kan ordarban appailai.
8. Nami anlen ja Kitung
On-nam Jisun battin la
Ordar-ran pintun saring
Kinorai barondin sing
Saring iylai tandilen.
9. Manarid ruang rajam
Manatsi ruang rajam
Aurungbin asan la
Abhang hangbin asan la
Abdanebin asan la.

169

1. Jisun bangsa gupamar rukkule urungtih
Aman na bangsa gupamar.
2. Ledeng-gab ling guble lungu ling mandale
Aman na bangsa gupamar.
3. Jaru ling galulih kandring ling ardolih
Aman na bangsa gupamar.
4. Kina dakuli ja sonum dakuli ja
Aman na bangsa gupamar.
5. Didile amganle disamle rukkulen
Aman na bangsa gupamar.

1. Ruang rajam Kitungan
Matsi rajam Kitungan
Ordar-ran endungle la
Ordar-ran melmel-le la gijetin.
2. Barij ordar lingan kan
Barij dissa lingan kan
Satta pintu maranji
Satta irsi maranji gijetin.
3. Atiki ogandile
Atiki kudidamlin
Kan aninji apsele
Buten ayerben dete gameten ?
4. Antin adnang Mesian
Antin adnang Gamangtung
Heni daku nami la
Heni yirte gamle ordietin.
5. Anin anumangan
Anin atiydamnan
Boi boi rubmang-daman la
Boi boi uyubdaman la buhangji.
6. Atiki kan ordar ban
Atiki kan dissa ban
Anin latsonaitin la
Anin tanduijnaitin la buhangji.
7. Atam sanibdaijbiran
Atam tanabkud baran
Anogandin ambrij
Anin na kubdamnetin buhangji.

1. Jisun na sakkai sabjasing maran
Jisun na sakkai diatal maran
Jisun na sakkai radu arengan
Jisun na sakkai Kune arengan buhang.
2. Jisun na amang gomosar niban
Jisun na amang sarsubai niban
Jisun na amang Jito niban
Jisun na amang Drakiya lanaman buhang.
3. Jisun na abab mandrengna jidan
Jisun na abab a murda jidan
Anlen ati ma'ih a kantaranji
Anlen ati ma'ih a sippajonji buhang.
4. Ruangan saring yiraitin Jisun
Ruangan saring latsolai Jisun
Jisun na mandrengna ganagalen
Jisun na mandrengna janumjumlen buhang.
5. Jisun a birnan dirtin amandra
Jisun a banaih a jaten amandra
Jang-garda lingan addulaidae
Jang-garda lingan adnar-galdae buhang.

1. Ruang rajam saring matsi rajam saring
Kan tulab dissan kan lungud dissan
Latosonaitin Jisu hen hen ablubin asan la.
2. E danahen la ganinryhen la
Amdangle Jisun daludle Jisun
Asuyiman battin godetin amad-dahen.

3. Sintai sintai la limtai la
Banabyimar Jisu hen rab-rabbihtih purarda hen.

173

1. Irsi ordaran timyimle Jisun
Pintu ordaran suyimle Jisun
Do'nglen sayambin yiraitin
Do'nglen saijdingbin yiraitin.
2. Kinorai barondi lingantum
Kinorai tanolbad lingantum
Do'nglen gijetin Jisun
Do'nglen rabangle Jisun.
3. Kinnorai barondi ling saring la
Kinnorai tanolbad ling saring
Do'nglen amdungle Jisun
Do'nglen tandile Jisun.
4. Purardalen arab-rabbin asan
Jang-gardalen ablubin asan la
A purardan kudduban tiyetin
A Mihaman kudduban laetin.
5. Jang-gardan battin taniylung a delin
Mihaman battin taniykuij a delin
A mandranji a do'ng sanlabin
A mandranji a do'ng urungbin.
6. Bo dinna Jisun yirtai mangbalen
Bo dinna Jisun latsotai mangbalen
Dirna maran ruang ling urungbin
Juna maran rung ling amganbin.
7. Jaba la buhangji yiraiba
Jaba la tonanji yiraiba

Roitad danisaman batte la
Ruang rajaman ardutabi la.

8. Jisun a do'ng sandunglabin buhang
Jisun a birna dir-rinbin tonan
Jisun batti ruangan daitabi
Kitung Ua-len iyte rabangbi.

174

Aman ijja hen ijja
Kitunang ma'ih gabdile (Abyar)

1. Ruangan butin gabdile ?
2. Riyangan butin gabdlile ?
3. Ordaran butin gabdile ?
4. Uyungan butin gabdile ?
5. Anggaijan butin gabdile ?
6. Tuijtuijan butin gabdile ?
7. Ganingdan butin gabdile ?
8. Soldan butin gabdile ?
9. Barun butin tabgijle ?
10. Ni'ban butin paddable ?
11. A jingan butin amdungle ?
12. Jontun butin gabdile ?
13. Ontidan butin gabdile ?
14. A yon butin gabdile ?
15. Jandrumen butin gabdile ?
16. Uaban butin amdungle ?
17. Arengan butin gabdile ?

18. Togalan buten ansale ?
19. Tamban butin ansale ?
20. Mandran butin sabjale ?
21. Tanongyiman butin tiyaitin ?
22. Mihaman butin tiyaitin ?
23. Rang-gin butin tiyaitin ?
24. Ganur-ran butin appaiyaitin ?
25. Anablun butin tiylangtin ?
26. Ruangan butin urunglangtin. ?

175

1. Bongtelan tiyle ja tangliyan tiyle ja
Sonuman appange
Kimedan tiyle ja kambunan tiyle ja
Sonuman appange.
2. Kapparan tiyle ja paruan tiyle ja
Sonuman appange
Sattan tiyle ja sindrin tiyle ja
Sonuman aijae.
3. Kanlajel tiyle ja kanladar tiyle ja
Sonuman aggae
Mandi ling tiyle ja talli ling tiyle ja
Sonuman aijume.
4. Alin rukalle ja aban rukalle ja
Sonuman aggae
Ranan omangle ja ruppan omangle ja
Sonuman appange.

5. Tangkan omangle ja ridin omangle ja
Sonuman appange
Adsudajir tiyle ja adsudarung tiyle ja
Sonuman appange.
6. Kurdan-nan ma'ih pangetin
Kurdan-nan ma'ih jumetin
Sonuman appangad kudduban rasumte.

176

1. A jardina Gabdiltungan la
Bigarda jati maranji a do'ng la
Mandreng-nan a hangbin asan la buhangji
Abyar monnan a taniytiyan tiyetin la.
2. A jardin na Gabdiltungan la
Dijne ordar-ran la timyiman timyimle
Anin amitub On-nan a do'ng tiyetin
Ordar dissan mandranji a kanuban asan.
3. A jardin na Gabdiltungan la
Itinti ardodli sannile arab-bin
Asan la yiraitin a on Kitungan
Kan ati manatsi on-hen gametin.
4. A jardin na Jisu Kristun la
Buti deli janang amangan dirinanden
Anin a him ringan pintu tanabmadan hangte la
Anin a him ringan anablun hangte la.

177

Gamba raja Jisu na manatsi daina
Raja Jisu daina gamba (Abyar)

1. Daraina Uang lanim Aman ati.
Darajnan Uang gugun Aman ati.
2. Darainan Uang jangarda lanim Aman ati
Darainan Uang gugun Aman ati.

178

1. Jisun panang Kitunangan a mitub
Onan deli buhang
Jisun panang Kitungan a kuddub
Ranaptin hangetin
Jisun panang ordaran a pintu maranji
Jisun panang pintu maranji
Ablumar na deli.
2. Jisun panag ordaran a pintu
Asan kubdamlin la
Jisun panang ordaran pintu
Ado'ng ablandnale
Jisun panang ordaran a pintu
Saring dandrablangtin
Jisun panang ordaran a pintun
saring ablulangtin.
3. Jisun panang yanglen a kampu
Ling gardiai tin
Jisun panang yanglen a kampung
Ling sabja-aitin la
Jisun panang mandranji akumbij
Maran deli buhang
Jisun panang mandraji a ganardi
Mar deli.

4. Bindo sanabja Kitung-len a do'ng
Ir-abmadlabi
Bindo ganardi Kitunglen a do'ng
Ir-galamlabi.
Manduan na sanabja Kitunglen
Gamle limlabi la
A rengan na ganardi Kitunglen
Gamle sinlabi la.
5. Ugai anlen abmangitin ardodam
Ardodlai na la
Ugai anlen abmangaitin sosodam
Sosolai na la
Duih suman amang ling magaddam
magadlai anlen
Idai suman amang lingan jamaddam
jamadlai anlen.
6. Antin asan nami ayam lingan
Jaba buhangji la
Antin asan nami royong lingan
Jaba kulamji la
Duaih suman apansardi god saring
Jaba tonanji la
Kinorai a janolda god saring
Jaba kulamji la
7. Jisun amang abyar ji'lin dirnaiba la
Buhangji la
Jisun amang abmo'ihdamlin dirnaba la
Tonanji la
Anardodlen appingbale Jisun
Ajingan a hamba la
Anirsilen appungile Jisun
Ajingban turdumba.

1. Buhang Kitungan ado'ng
Tonan Jisun a do'ng
Umeng gudinga la
Ranaptin hangbin
Tanampal sanu ling.
2. Buhang siokidgi
Tonan odlakidgi
Sonuman yirtai la
Do'nglen absi'dbin.
3. Buhang rabdudamnai
Tonan abgardamnai
Abubmung yirtai la
Tanunjing mangba nam.
4. Buhang donsiai la
Tonan donsiai la
Sugallang kardiban
Kardirlang kardiban.
5. Buhang adhamlenden
Tonan adhamlenden
Ranabtin adhange
Tanampal sanu ling.
6. Buhang balaisidong
Tonan omdasidong
Rabdulin handramna
Jisun a ranaptin.
7. Buhang omdalenden
Tanon umdrenglenden
Sonuman daitin na
Do'ng-nam absi'dte.

8. Buhang kinorai ling
Tonan oyorai ling
Do'ng-nam padludte
Purardan jumtudi.
9. Buhang Jisun amang
Tonan rajan amang
Dirinan maihden
Ranabtin hangte la
Tanampal sanu ling.
10. Buhang dainan batti
Tonan dirnan batti
Ir-ahid mandreng-nan
Ruang rajam ringan
lyte hangbi anlen.

180

1. Banaggi ji'mar saniisin dam
Itin asan gamlabinden
Ruang rajaman anin ati.
2. E danamar saninsindam
Itin asan gamlabinden
Anin banabyin i hangte.
3. Labadimaran saninsindam
Itin asan gamlebinden
Anin ordaran daneti.
4. Roitad abmele saninindam
Itin asan gamlabinden
Aninji ira mo'htinji.
5. Dulai argal mar saninsindam
Itin asan gaamlabinden
Aninji bi'mo'htinji.

6. Abasuyem mar saninsindam
Itin asan gamlabinden
Anin abasuyiman i hangte.
7. Anabmaina mar saninsindam
Itin asan gamlabinden
Kitungan a on detiji.

181

1. Galji poiylong bojanji bo dinna
Lippatudan donsile yirreji
Sidrunnga mar a rabangbin asan.
2. Aninji amang lingan saring la
Monloi ati buddiboi dakuli
Antin asan miholan pangleji.
3. Monloi ati ir-buddi dakuli
Antin asan lippan ampra
Mihollan janang appangadji.
4. Sidrunnga mar ayam dinglen asan
Kuddubanji bo darakuna ling
Mibata mibata dimadlinji.
5. Antin adnang sidrunnga mar yiraitin
Tungar togalan adnang yiraitin
Rimkil ding-gi danebdeban saddali.
6. Antin adnang oskailin kuddubanji
Lippa lingan to'gin oileji la
Sidrunnga mar arabangbin asan
7. Antin atiki ir buddiboijanji
Mihollan ahibin asan la
Tarimtimna singban yirreji la.

8. Antin adnang sidrunnga maran la
buddi poiylong boijanji jaetin
Anta tabdong sanangan ingadle.
9. Anta tiki ir buddi boijanji
Dayarre garbire gamleji la
E gamang sanangan rilen la.
10. Antin adnang siddrunnga mar gametin
Butin ambin agalambin la
Antin asan sangaidam deba la.
11. Ettigoi na tanakud dinna lingan
Ir buddi poiylong boijgi delenden
Ruang rajam ling rapti agganaji.
12. Bindo dirna maranji a do'ngan
Buddi poiylong boijgi na jate la
Ruang rajam lingan amagante la.

182

1. Puttili la puttili Jisun na rajalen
Pungili la pungile Jisun na gamanglen
Sangkardin gai bungsang ling tabmuleji buhangji
Daruan gai bungsang ling pungili la tonanji.
2. Ar-gardan gai gung-guban agijnaiba buhangji
Ar-gardan gai tamsalban a gijnaiba tonanji
Dasian gunlamarji arduataiji buhangji
Gupandan gunlamarji ohataiji tonanji.
3. Darungyung dissa karardan gijle yir-raiji
Ranan bittin mihollan donsile la panglajji
Jisun a jing limsinle aninji yar-rinji
Moih matsile Jisun a do'ng sinle yar-rinji.

1. Jisun bo sanna pekud ling
Hangle goble la yeretin
Jirusalem garda ban la
Sion anslo onan bantong
Takar dongne la.
2. Gija Rajanam lagad-dam
Gugu paniming de'ti
Sanin kanindran de'ti
Oseng a on pekud lingan
Goble mangbanam yiraitin.
3. Gamangtungan la ahim lingan
Ayirtaiyan la amandra
A do'ng saninsin de'ti
Kuddub saring anin na la
Ablumaran na i deti.
4. Onla maranji gamleji
Galili dissa lingan la
Najarita gorjang lingan
Tungmadgij maran Jisun na
Roitadgij maran Jisun na.
5. Jisun sarebasing lingan
Ganan ganle la gijeti
Barsileb maran rabangle
Kuddub tanimna maranji
Gongle kudle sidetin la.
6. Anin oppingetinji la
Aniddan daku kani la
Ganarbirsing ling Hen la
Ruju maranji alungar
Abmedong kani si'ngan.

7. Gamle Jisun birnetin la
Gamle Jisun oppingle la
Ordar mandranji a do'ng la
Kani si'ngan a pidleja
Yagi dinna ling abditai.
8. Jaba jaba la buhangji
Jaba jaba la tonanji
Jisun abirnan amdangba
Anin abirnan jardi na
Anin a birnan mandreng-nan.
9. Bute bute la jaderte
Bute bute la galyemte
Anin lulunan i hangte
Tordong ayam me'ngti
Irabmuijlogi mo'ihti.

184

1. Ablu gamangtung-hen a do'ng arakadang lingan
Idal Juda maranji la banod dussan batti
Asi a jing ibbalangan tangle kabhidleji
lyung pintuhen asan la purardan tiyle.
lyung irsi-hen asan la a mihaman lale.
2. Dúsilang darugganji la rebmadan rebmadle
Butin tadlam tungmadgijbir oppinga gamleji
Tadle tungle bijoltamle gabroile ma'ngleji
lbaba ranibbab abribable rajakab abjijile
Judanji a raja a limtam gamle gabroijleji.
3. Bo jumburmar Jisun a do'ng gobroijle gametin
Uande roitadmar gamdamlin nami adrabdamne
Anlen panang irsilen asan kahidtalén

Arakad saring latsole nami adyiraila
Aman dayi ranabtimar gamdaminla.

4. Bo jumburmar Jisun a do'ng timyimle gametin
Duaih jumbur mar a do'ng oppingetin la
Kani amandran itid ja irsin adtubad la
Pintulen asan Anin a jangardan tiyle
Gamangtung ruangban yir-renden ayimih la.
5. Jisun gamle nami Heni aman ampra la
Paradissaban yirtabi la gamle oppingetin
Timyim jumburmar a ji'n rabrabbetin la
Ugai diji a On-maran a tanimyiman la
Jisun sadle ordar lingan butija agassa la.
6. Gamangtun ordar dissa ling do'ngghen umdrengdongih
Arakad mihamnam battin rabrable urungih
Ir-rahid a mandrengna rajamabanam urungih
Gamle garbirtam Gamangtung birna hen
Jingba nam la ajaitaban lulunabin ti'h.

185

1. E Jisuhén E gamang hen e rajahen
E langga hen i gamtam
Pintu hen asan irsi hen asan kanalkal
Hangle tanidtid hangle Aman (Abyar)
2. Pillat amangban Erod amangban urunglamji la
Rundanglamji la Aman
Tusilamji dungkilamji la Aman.
3. Bitsaran hangle tanunjing hangle
Panadrad hangle ganabroij hangle Aman
Satid samoihgi ubtid ubhalgi abmelamji Aman.

4. An-ranibangi asanibangi riyal goyalgi
Rardi gundigi abmelamji Aman
Samrid samoihgi a tungayalgi abmelamji Aman.
5. Sanittoi battin rajologi la abubdal bubdal
abudtuij budtuij tidlamji Aman
Panapa urgi sipar opargi abmelamji la Aman.
6. Ir-gagalinbi er-jumjumlinbi idlailogi la
Sattidlogi la do'ng nam arakadangan
tambetle mabdam mabdamlin Aman.
7. Kaloborin abaruingan la Gologota
Ajangbabbirban la do'ng-nam
Ablud-ludle silingnam tangleji ibba lang
Ablud-ludle jing lingnam tangleji gojallang.
8. Antin atabdong dongnam saring siling-nam saring
Jing lingnam saring miham nam
Orda-dagi la a lodagi la ordar-ran pele
Maiham nam.
9. Rituaddamlin ri-mardoijdamlin
Abumdrengdamlin abrikadamlin Aman na
Pintuhen asan murkundardagi kanuban
dalam Aman na.

186

1. Jardi pong buhangji ambin
Jardi pong tonanji ambin
Ordar ling tordong a dakutin
Ordar ling irdar adakutin amben.
2. Nami panang buhangnji la
Nami panang tonanji la
Arengan a do'ng alimte
Kurdan-nan a do'ng a gudingte ambin.

3. Sisimalaigi yirtai bunang
Dardumtir-gi yirtai tonan
Bantongdagi yirtai Jisun
Rubmangdagi yirtai Jisun jardi

4. Jisun daiyartai na buhang
Jisun yirtai na tonan
Anta adnang uan gante la
Salitti uan sotin la aman

187

1. Jisun dayartai manglen buhangji
Jisun latsotai manglen tonanji
Do'nglen a sedabin asan la
Do'nglen a batsibin asan la.

2. Tirid-jingnaitin andreng buhangji
Dapid-jingnaitin andreng tonanji
Ordan-ran raja godan adebin
Orda-ran bitsara mar a debin.

3. Itin asan gamlenden buhangji
Itin asan gamlenden tonanji
Dirna maranji a do'ng rab-rabbin
Juna maranji a do'ng urungbin.

4. Pintu maranji ati buhangji
Irsi maranji ati tonanji
Kinorai dissa lingan appaibin
Oyorai dissa lingan amganben.

5. Antin asan la anlen buhangji
Antin asan la anlen tonanji
Kitungan amang diran dir-rin la
Jisulen amang diran dir-rin la.

6. Nami royong mihnum ling buhangji
Nami royong dinna ling tonanji
Uggar-ren atunjingbin deti la
Ji'len abandabin deti la.
7. Abyar ji'bin asan buhangji
Abyar monnabin asan tonanji
Kanudi ji'gi la dedongbin
Kanudi monnagi la dedongbin.
8. Kanudi ji'n hanglenden buhang
Kanudin monnan hanglenden tonan
Kitungan a danisam adhange
Kitungan alanikkan adhange.
9. Abyar ji'lin anlen buhangji
Abyar monnalin anlen tonanji
Rongkuddan hangan hangle anlen la
Tabubdan dean dele anlen la.
10. Kitungan a ranukku ling buhangji
Kitungan a maranda ling tonanji
Adam adam rukkunabin deti
Adam adam maidamnabin deti.
11. Kitungan amang anlen buhangji
Jisunlen amang anlen tonanji
A dardum ruang ban la yirtabi
A limkir ruangan la yirtabi.
12. Anlen iyte la hangbi buhangaji
Anlen iyte la debi tonananji
Ruangan ir-ahiddan mandrengnan
Ruangan ir-ahiddan ganagan.

1. Yagi dissa raja iyai arang-gaban
Lanangkadambalen tirida sidam nam Jisu.
2. Baru areng ambrij ir-galam kuddublen
Ganalam-nam battin hang hanglen kuddublen.
3. Do'ng-nam gangkilbin agoblai kuddublen
Aman iyan iyle hang hanglen kudduban Jisu.
4. Paniming daina-nam ganugu banangsan
Marid-dam Jisulen ritamlin a kindratam anlen.
5. Susunan saring la tanakud sikkoija
Kani gugu sittanam jabtadlen kuddublen Jisu.

1. E suyim Gamangtung kan ordar dissa ling
Kuddub godling Amandam piming na.
2. Mandranji a do'ng a jardi gangkilbin
Dane god maranji a jardi roitad godnam apsuija.
3. Engale parjanji sanabyun hangteji
Janardi god ling nam abhanaetiji.
4. Murda-dam Kitunglen garbirlen amdanga
Kan dane god lingam sittnam jabtada.

1. Ruang rajam Kitungan nami
Ganugu paniming sanabyun
De'ti ordar dissa lingan.
2. Seba bara gangikl lingnam uang
Sidam nam battin nami la
Sitta-nam la ir-ralen.
3. Adam jujulen adkindimle
Aondroij jangan table la
Anin a turdu boi abmele.
4. Adam jujulen Oban yuyulen
Kukkur janurdigi jurdile
Dumil jurdigi jurdile.
5. Nami janang Kitung
Kani ordar diassa lingan la
Anosaij nam oJORaili la.
6. Nami janang bagu purardan
Kukkur janurdigi jurdile
Dumil jurdigi jurdile la.
7. Jisu Gamangtung nami la
Tanimyim lud-nam battin la
Bagunji a do'ng jia.
8. Aninji dajing ayaman
Ordar lingan me'ngtiji la
Sitta nam jabtadaji.

9. Kalkal gege deli janang
Aman a bara lanuman
Ayimetiji di-tordong.

191

1. Ruang Kitung a sintam
Timyim Kitung a sintam
Suyim Kitung a sintam
Ji'len la i batti
Aman ordar timyemle
Aman yaryar timyemle
Tanimyemnam i batti.
2. Kani tabme mihnum ling
Kani tabme angaij ling
Kani tabme dinnan ling
Asuyimnam a hanglai
Tabme jo'n a hanglai
Tabme gandrur a hanglai
Gamle ji'len mo'hti.
3. Aman ganur appaiylai
Aman rangin appaiylai
Aman dagan appaiylai
Abying yingle labon la
Jabmol jandrum mdrangle
La-duijgale abgu'r-re
Sittanam la lar-lar-re.
4. Apardi jo'n apanglai
Apardigur apanglai
Apardikud apanglai

Arangaban a surpidlai
Mukabanam a pidlinai
Jingbanam apidlinai
Jadirlen la Gamangtung.

5. Kani taniytiy lingan
Kani kanubkub lingan
Kani ganangkil lingan
Anardod dakulinden
Asuyim nam i batti
Tanimyim nam i batti
Tabmadlen na Gamangtung.

192

1. Ganuguhim a sintam
Tanimyimhim a sintam
Asuyimhim asintam
Gamangtung la
2. Ordar-ran do'nglen la
Sabja'n sabjale la
Adijne satta-tid la
Gamangtung la
3. Bo'b ling atang lingan
Banudi ganalam nam
Do'nglen tiyan tiyle
Gamangtung la
4. Tanakid ajang lingan
Ganalgal satar linga
Ranapitn tiylalen la
Gamangtung la

5. Ordaran bara linai
Labo ling hanar linai
Kani ranaptin batti
Gamangtung la.
6. Jandrum kuddub bitti ling
Jontu kuddub lanu ling
Sitta nam jabtadlen la
Gamangtung la.
7. Rana ruppa bitti ling
Ridi luang bitti ling
Sitta nam jabtadlen la
Gamangtung la.
8. Amandam a sitta nam
Amandam a bitti nam
Do'nglen tiylalen la
Gamangtung la.
9. Anta a bittin batti la
Do'ng-nam abgugule
Asinbin aggoiyai la
Gamangtung la.
10. Anardodlen tabmadlen
Irsualen sabngaija
Uggarlen handramlen la
Gamangtung la.

1. Buhang amdangbaroi bangsaber
Buhang amdangbaroi abluber
Buhang amdangbaroi mandrengber

Gardi lo Kitungan a birnan
 Gardi on Kitungan a birnan.

2. Kurraitung maran la a do'ng
 Tumgmadgij maran la a do'ng
 Oppungetin na la Kitungan
 Engda bungsangan la sabja-a
 Kurrai bungsangan la sabja-a.
3. Itin asan gamlenden la
 Mandranji pintun limlaji la
 Mandranji pansardin deliji la
 Ordaran rablodan appaitai
 Ordaran barijdan abmetai.
4. Kuni bungsang lingan la ganleji
 Tamji mandranji la ganleji
 Jontunji janang la ganleji
 Kitungan sanagan ingadle
 Ganur-ri bakurdi dinna la.
5. Barij da'n susulen adnang la
 Kurraitung maran a do'ng la
 Sanangan ri-ai gamleji la
 Bindo sanangan ja adri-nad
 Bindo mandranji ja agganadji.
6. Tamji mandran satta lu'li
 Kuddb mandranji la tabubli
 Kuddub mandranji la kahidli
 Ordaran da'ntum barijli
 Ordaran mandran a rikkali.

7. Nami ayam lingan janang la
Ranasum dinnan la yirtai la
Tanakud dinnan ardutai la
Kuni ayam lingan ambrij na
Kuddub mandran kahidti na.
8. Antin asan nami ayam ling
Jisun ablubungsangan deli la
Jisun rab-rabbungsangan deli la
Anin ahim lingan agangkiltan la
Amandran ranabraban hangte la.
9. Jaba buti deli janang la
Anin amang lingan dir-naba la
Anin a him lingan gangkilba
Anin sanabyun tiytabin la
Anin mandreng-nan tiytabin la.
10. Jisun gudinglangtin buhangji
Kanalkalbin oppingihba la
Bayale rab rabtabin gamte la
Ganegebin urur-tabin la
Kanudibin babyetabin la
11. Marid darakunan tiytabin
Ir-amuijlogi dakkutenbi
Sanabyu god lingan dakutinbi
Luluna godan la hangtabi
Mandreng-naban la amganlangtin.

1. Bo dinna Jisun yirtai a bitsarabin
Uyung anggaj sungkran kuddub galuti.

2. Dirna mar amdanglenden irdikadam deti
Uyung anggaij sungkaran kuddub sosoti.
3. Pintu mar amdanglenden takarti na la
Uyung anggaij sungkran kuddub mayati.

195

1. Tanilti bittigi dakuli
Sanoso bittigi dakuli
Jang-garda amandrengna biran
Do'nglen a gadlambin asan
Jisun na yiraitin ordarban.
2. Itinti bongkorde god dakuli
Itinti jabjab god dakuli
Mukabalen rojol abmebin
Mandran ildamlin la Jisun
Buhangji yiraitin mangbalen.
3. Jisun na gudingie gamaitin
Birdarhen tamedba liyar-dam
Raong-hen galdamlin hanaba
Lulunan a hangte ruang ling
Mandreng-nan ahangti mangbahen.
4. Sonuman a janaldan batti
Sonuman a banukkai batti
Kan ati adnamdanglabi la
Kan ati aggijlabi la
Kan ati aggalamlabi la.
5. Madlenji kardugi dakuli
Ludienji kallagi dakuli

Ordaran manajum magadlai
 Nam saring Jisun a ganuding
 Mangbalen arduaitin buhangji.

6. Jaba la buhangji yiraiba
 Jaba la tonanji hanaiba
 Kitungan abirnan amdangba
 Kanin na do'nglen anablun
 Kanin na janggardan tanandin.

7. Kan ati amdangle yiraiba
 Kan ati galamle dirnaba
 Kan ati ayimle gangkilba
 Ganugu ranubab ahangbin
 Ruang rajam ringan buhangji.

196

1. Bo mandra a kutta ling
 Aboi luaniban dakuli
 Bindo aijo'ad la buhangji

2. Yagi minhum sikkoi buhangji
 Kun ringan jo'n a hangbin
 Dane gamangan iylai saiye

3. Bindo jo'n adhanglen asan
 Kutta bara maran a do'ngan
 Idle sida gamle bahetin

4. Gamangan a do'ng garbiretin
 Kutta bara maran gametin
 Yaryar kaitam solan pidtairoi

5. Dajing minhum sikkoi omdia
 Jo'linden antati bangsa
 Ijjalinden Aman idaten

6. Rudakutta maran hang hang mar
Luaniban ati anlen na
Amdangaiba la buhangji
7. Nami janang anlen buhangji
Banaih beran ajjalabinden
Jang-garda len anidan deti
8. Jisun daiyartaiyan ayaman
Bitsara langtin adinna
Anidan hangtabi buhangji
9. Antin asan anlen buhangji
Uggarlen tungjingbin deti na
Ji'len bandabin deti na
10. Dirna maran luaniban na
Abyar ji'n lua ajo'n na
Ajo'bin deti na buhanji
11. Kitung ranukku ling buhangji
Jisun a rajam ling tonanji
Mo'ihlogi a dakunaiba.

197

1. Jisun opungle a ranakaddangdambin tambedle
Umeng umeng sandungihba jaba gametin buhang
Kuddub baradambin omdale yiraiba gametin la
2. Antin asan la anlen buhangji
Asang-yiman do tanamderan ja
Umdrengle ayirba buhangji
3. Roitadgod lingan a hanaba la buhangji
Jisun annardi ling sandungle ayirba buhangji
Luton ansalon ambrin anlen addayargudnabi.

4. Sani'd dissa god boi boi la'ngdam
Ordar mandranji butin butin yirteji
Anlen ati ma'ih kottin adyirbi.

198

1. Riangan do ordaran si'dti
Bindo birna hen angaja ads'i'de (ago'ije)
2. Uyungan do anggaijan galuti
Bindo birna hen angaja aggalue (aggudille)
3. Tuijtuijan do sungkran galuti
Bindo birna hen angaja aggalue (adnardoije)
4. Ganingdan do alodan a hadti
Bindo birna hen angaja anahade (adnasuije)
5. Kan ati jardi gamle ayimba
Kan ati jardi gamle dirnaba
Kan ati rojol gamle ogandiba
6. Kan asan kilkildamlen dakunaba
Kan asan abgar-damlen dakunaba
Kan asan adlinglin garbirnaba
7. Takud ayam sikkoi sayilenden
Anta amandra ranab-raban hangte
Mandreng-na ranub-baban i hangte.

199

1. Yu-Ganardi ameng Kitunglen
Sanabja murda rajalen
E uang asinsintam do'ng nam.
2. Yu-Ameng janardidam jang-gardan
Tanurtur tanurdu Kitunglen
E Kitung asintam dong-nam.

3. Yu-Okkilo marlen aman na
Jammanin tanangle pintulen asan
Labduij bablin kanub jontugi.
4. Yu-tung tungparjet lungudling saring
Ir-tanungkij parduran saring
Do'nglen dingjangle Aman na.
5. Yu-Do'nglen rabangle gadlamlalen
Anablun absuijle oppingle
Ruangan amandrengna beran.
6. Yu-Danetar abtolle sangka linglen
Janardin abjiduble dialen
Ranabti panduihan jing linglen.
7. Yu-kan asuyimtiyan Aman ati
Ranabti janardin tiylalen
Kuddublen a do'ng Kitung.
8. Yu-kan asan e Kitung do'ng nam
Itin tiyle a sinam e Uang
Kande maih banalai ji'lenji.
9. Yu-kan asan e Kitung jadiren
Kan asan e Jisu sayamlan
Gamle mangbanam a garbirtinai.

200

1. Jisun Galili ganing pardiban
Yerata yerata la buhangji
Simon Andriyon a do'ng rabangle
2. Aninji ganingda lingan la
Surda haramyo jallan sidleji
Antin adnang Jisun gijetin la.

3. Itin asan gamlenden buhangji
Aninji hamyo maranji na la
Aninji sumyo maranji na la.
4. Gijetin Jisun aninji a do'ng
Gudingle gametin yiraiba la
Gudingle gametin sandungihba.
5. Ambin ham-mar mar abmetabin la
Ambin hang hang mar abmetabin la
Gamle Jisun opingetinji la.
6. Bar anta tabdong aninji la
Harmyo jallanji omdaleji
Jisun a do'ng sandungle yirreji.
7. Ettegoi anlen buhangji
Pintun omdale anlen tonanji
Jisun ado'ng sandungle ayirba.

201

Gamang Jisun yiraitin Pekudan alangka
Gamang Jisun yiraitin Jirusalemban (Abyar)

1. Onla maranji ati sindrin billeji
Beggarda maranji ati olan billeji
2. Surda sanna mandranji ja osana gamleji
Sindikaran hamle tongle osana gamleji
3. Kardu gardemaranji ja osana gamleji
Jisusalembaiji kilkal-kilam deliji.

202

Tanimyim a him dajingan abang-sa - 2
Tanimyim a him dajingan a lang-ga - 2
Amdangaroi. (Abyar)

1. Tangoran daku bagu
Bangsan irsin sedaba
2. Tangor janardin Jisu na
Ruang tangoran Jisun na
3. Jisun gudingtam timyimle
Rajan gudingtam suyimle

203

Kristu dirna sing lingan yan a mano'ih
Yan amano'ih yan amano'ih.

Kristu tanimyim lingan yan abanangsa
Yan a banangsa yan abanangsa

204

Gamangtung lingan mo'ihnaba
Dile tordong mo'ihnaba - 2 (Abyar)
Do bar okkij mioihnaba

205

Jisun timyemdam - 2
Jisu gamang timyemdam (Abyar)

1. Ednegoi bangsa timyim
Ednegoi surda timyim
Ganingan saring a ur
2. Ednegoi surda suyim
Ednegoi a ur suyim
Barunji sring langka
3. Ednegoi tarda timyim
Ednegoi lagad suyim
Tanandi miham lingan.

1. Ordar gardi-lotung asintam
Yar yar gardi-lotung a limtam
Kuddub janab jabmolan amdungle
Ordar lingan mandran sabjale
Mandran batti yar yar badrijle.
2. Baru bardong Aman gabdile
Baseng guddang Aman gabdile
Ganing allon dane lingnam la
Riang kasirda-da'n i batti
Ordar labon abulamle la.
3. Atir-janab jabmolan gabdile
Janab janab jabmolan amdungle
Abai jabmolan amdungle la
Baru bardong lingan bidbidle
Baseng guddang lingan tirbidle.
4. Ganing lingan da'n bantile
Tarub lingan asui dakule
Ordar-ran abdadabin asan
Sayu rangin batti abganur-re
Uyung dagan batti appahimle.
5. Labo lingan irandij ni'ban
Labo lingan irandij gandru'ran
Lang-ga galen abmele ordar lingan
Janab janab paddable jannong lingan
Janab janab amdungle baru lingan.
6. Nami janang tidne anlen la
Arang-gabanam la apanglai
Anlen jabmolanji apanglai
Do'ng-nam limsinle tiybin asan
Do'ng-nam kindrale sinbin asan.

7. Jadirlen la jadirlen Gamangtung
Jasilen la jasilen Gamangtung
Ir-tarungna on-namji anlen
Siling-nam anlen a surpidlai
Jingbanam anlen a pidlinai.
8. Anardodlen Kitung tabmadlen
Pintudamlen Jisu madridlen
Ir-galamlen Gamang hang hanglen
Bara lingan Aman sayamlan
Or-ro lingan Aman dardilen.
9. Ayingan a baru ling abidbidtai
Ayingan a jannong ling atirbidtai
Ayingan a saroba ling bidbidtai
Kuni lingan Aman urpadsilin
Kuddub lingan Aman absitta-a.

207

1. E Jisun Aman angan yirtai
E raja Aman angan arduitai
Do'ngnen a sanlabin asan
Dong-hen a urungbin asan.
2. Oskailin daku hen nami
Angtirin daku hen nami
Sabjalin daku hen nami
Aman a rabangbin asan.

208

Aman sandungtam Jisu
Aman sandungtam
Mandrengmatta hen sikkoiija. (Abyar)

1. Raong-nam galdamlen hen
Mandrengna harana godan
Tordong Aman seng sengle
Hatinai Aman gijgijle
Anardod damhen gijle
Dile dinnan hen sandungtam.
2. Karahid darakuna lingan janang
Tarda turdumarhen Aman
Mangbahen dakulinanden
Ab-bantongai i heni
Kalkal gege delih janang
Tiki hen a ddaiyare.
3. Mandrengna kan rakud tangoran
Daku kalkal gege dukkan
Sonuman janoldan batti
Dajingti janaban absuite
Aman a ranabtin batti
Dainan hen hangtai.
4. Tiki asan karidale
Abmang asan tordong seng sengle
Tanabngij tannodan sikkoija
Yirte Aman a kandungban
Ruang rajam ardule
Hangtai tarda ayam lulunan.

1. Yaba buhangji yaba la
Yaba tonanji yaba la
Dirna ompu lingan yaba la
Juna ompu lingan yaba la.

2. Kan linga nami amdangtabi
Kan linga nami daludtabi
Sandiskul hanang hangtabi
Addiara hanangan hangtabi.
3. Yaba buhangji yaba la
Yaba tonanji yaba la
Sandiskul battin galamtabi
Anablu hangle kintabi.
4. Yaba buhangji amdangba
Yaba tonanji amanniba
Jisun abirna arukkuba
Jisun a hanang atartumba.
5. Yaba buhangji a kinolba
Yaba tonanji a idolba
Jisun kan linga hang hang langtin
Jisun kan linga gadlamlangtin.

210

1. Ganudingmar andreng adamle
Sananlamar andreng tuyali
Sanabyu Kitunglen buhangji
Tanimyim Jisulen tonanji.
2. Sanabyu rajaman deti na
Tanimyim rajaman deti na
Ordar ling sanabyun deti na
Yaryar ling banangsan deti na.
3. Kun ayam linga buhangji
Anta ayam linga tonanji
Arasangiman ja adde-e
Ar-rurdin janang la adde-e.

4. Anta ayaman asan anlen la
Anta a dinnan abmele anlen la
Angtir-rin dakunabin deti
abgar-rin dakunabin deti.

211

1. Apar mangtan ruangan Kitungan dakuli
Aparmangtan ruangan Gamangan dakuli
Anin sanabjamar Kitunglen
Anin ganabdilmar Kitunglen.
2. Aparmangtan mandran a gassa dakuli
Aparmangtan janaban arikka dakuli
Da'ntum maih barij dakuli
Lanungudantum satta dakuli.
3. Lanungudan saring abansaetin
Panalidan dea gamle baihetin
Kitungan a ji'lingan ogalietin
Kitungan a monna lingan gabrietin.
4. Kuddub janaban gandillen atiki
Anoki mukkadaman ambrij
Mandra a do'ng sabjaetin
Tanongyiman tiyle abme'ngetin.
5. Mandran a nogandin ambrij
Kitungan a itsuman ambrij
Anin aturduboi sabjale
Mandran amukaban tabnangle.

6. Edon kutta linga basuleji
Kitungan a tanurdu linga dakulinji
Bindo janolda sonuman batti
Pintu marji deliji atiki.

7. Antin asan la e buhangji
Antin asan la e tonananji
Janolda banaihan ajadong
Banukkai itsuman alumdong.

8. Antin asan e buhangji
Antin asan e tonanji
Kitungan anosaijan manneba
Kitungan abanaihan dirnaba.

212

1. Ma'la miytub on-hen
Ma'la sunna on-hen ma-a
2. Muriya baruban aiye
Muriya bardongban aiye ma-a
3. Kitungan gudinglangtin o'n
Ualen saidinglangtin o'n
4. Aman hama olan angallan
Heni hamtai to'gin kardiban
5. Uantin uang daku kimedan ?
Uantin uang daku murkundardan ?
6. Ualen tiytiylangtin kimmedan
Ualen absuilangtin murkundardan.

1. Garbir ringan tordong dakunaba
Kinol ringan ditad magadnaba
Asuyim arang-gaban ajaitaba
Kuddubin tordong turdumba.
2. Garamgaman butin goite
Garbir ringan anin dakutin
Jisun anin aman ringan dakutin
Abirnan Jisun amdangte.
3. Kitungan aranaptin batti
Jisulen abantongkaihan batti
Kussalaidan abringnaetin
Rangitiran abringnaetin.
4. Mojeson dajing garbiretin
Mojeson dajing tiredsinetin
Israel dijtin dainan hangetin
Omaleko abladnaetin.
5. Daniel bo dinna ringan
Daniel bo tamba ringan
Yagi tara turdumetin
Yagi tara garbiretin.
6. A dirna garbiran batti
A dirna uyuban batti
Aboantan a do'ng sayametin
Kinatam saring rab-rabetin.

7. Garbiran omdalabinden
Garbiran umdrenglabinden
Dirnalen janangden balaiti
Asanggim sonuman dainan hangte.
8. Antin asan e buhangji
Antin asan e tonanji
Garbir ringan uyubnaba
Kinol ringan umengnaba.

214

1. Jisun daiyartai adnang buhangji
Rajan latsotai adnang tonanji
Kitung surakompedan saddati
Ruang ganuding sarrang saddati
2. Kunin na adnang Jisulen yirtai
Antin na adnang na rajalen yirtai
Ruang ringan saring latsotai la
Dirnamaranji ado'ng urungbin
3. Abmang dirnamaranji a do'ng la
Nami dirnamaranji a do'ng la
Yarmengle dilin tanagteji la
Ruang rajam ringan ganteji la

215

1. E ganugu Kitung asintam
E tanimyim Jisu asintam

E marid jangarda a sintam
Ednegoi royongan absele
Ranab rab ardua abmele.

2. Itin asan gamlenden Kitung
Itin asan gamlenden Jisu
Itin asan gamlenden Raja
Ednegoi i-ruyub-boijanji
Ednegoi ir-tu'l yanganji.
3. Itin asan gamlenden Kitung
Ednegoi bo tonanan battin
Ordaran pintun barij deli
Kan ayam ringan saring Jisu
Yanganji er-tu'l delalen.
4. Dajing oppinglalen ja Kitung
Dajing gadlamlalen ja Jisu
Dajing hang hanglalen ja Raja
Ludlen a kalin ambrij
Madlenja a kardin ambrij.
5. Aman na do'nglen segurre
Aman na do'nglen gijdale
Aman na uggar-ren handramle
Jang-garda sanabyunam batti
Kuddub anardodlen abs'ida.
6. Antin asan nami kuddublen
Rukkulin agoblai mangbanam
Arikka jang-gardan batti la
Ranabtinam battin abar-ren
Sanabyunam tiye badrijlen.

7. Engale e Kitung ditordong
Kuddublen rukkulin mangbanam
Do'ng-nam didinnan asintam
Tanimyim ranabtinam tiyle
Jabsile absittalen Jisu.

216

1. Ameng Kitung asintam
Ablu Kitung oppingtam
Sanaisajhen gadlatam
Ganarbirhen amdanga.
2. Kani a ordarlingan la
Kani a purti lingan la
Panuangan absuijbin
Agassa buti janang.
3. E uang Kitung latsonai
E uang raja tanduijnai
Ablu gamang iyirai
Kan a lungud ordarban.
4. Kan a kultab do'ngan
Si'dlin atiki den
Aman arajam lingan
Suyimdale urungih.

217

1. Ordaran dijhe bangsa daku
Ordaran dijhe lang-ga daku
Ruangan narij yan abangsa
Ruangan narij yan a langga dakue.

2. Ordaran dijhe mano'ih daku
Ordaran dijhe Manatsin daku
Ruangan narij yan a mano'ih
Ruangan narij yan a manatsin dakue.
3. Ordaran dijne lungun daku
Ordaran dijne ying ying daku
Ruangan narij yan a lungu
Ruangan narij yan a yingying dakue.
4. Ordaran dijne milaij daku
Ordaran dijne tamseng daku
Ruangan narij yan amilai
Ruangan narij yan tamseng dakue.
5. Ordaran dijne pirad daku
Ordaran dijne Ta'ran daku
Ruangan narij yan apirad
Ruangan narij yan a ta'r dakue.
6. Ordaran dijne mandran daku
Ordaran dijne pasijan daku
Ruangan narij dajing a ompu
Ruangan narij yan Kanuduai dakue.

218

1. E buhang buhang buhang logi la
E tonan tonan tonan logi la
Ganuding sarrang saddati buhang
Tanimyim sarrang saddati tonan.

2. Sandung sandungle gudinglangtin la
A suyim sarrangan la i batti
Tanimyim sarrangan amdanga buhang
Asuyim sarrangan amdanga tonan.
3. Buhang dakidle amdanga roi la
Tonan daludle amdanga roi la
Pintu birdarbin tiyihba logi
Anablugodban yiraiba logi.
4. Banaih barahen manniba gamte
Gangkil barahen lumba gamte
Banaih bara linghen a rondudongne
Gangkil baralinghen ardasadongne.
5. Birdarhen tamedba liyar-dam
Raonghen galdamlen hanaba
A dardum ruang rajam ling-hen
Lulunan sanabyun la a hagte.

219

1. Pittoran jalagle Jisun a do'ng
Pittoran gameten Jisun a do'ng
Pittoran abyarbir-re rajan a do'ng.
2. Kuddubanji bantogdagi detiji
Kuddubanji kal kaladagi detiji
Kuddubanji barsing-gardaijge detiji.
3. Hen ati bantongdagi a ddeih la
Hen ati kal kaldagi adde-ih la
Hen ati ir uyubdagi adde-ih la.

4. Antin adnang opungle Kitungan
Antin adnang jalangle Jisulen
Antin adnang birnetin rajalen.
5. Kansiman indrang ulen adnang la
Aman yagi tara bukkaibirtin
Aman yagi tara sosolangtin.
6. Alung monnalingan gijte Kitungan
Alung ji'lengan galamte Jisu len
Alung uggarlen galamte rajalen.
7. Bogad anlen uyub sayilabinden
Bogad anlen adsosolang linbenden
Anin a do'ng appingbalabinden.
8. Ruang rajaman urunglangtin la
Mandrengna rajaman tiy tiylangtin la
Anin amangban tordogn dakulangtin.

220

1. Anganti tanimyim Kitungan timyimlih
Purardahen mo'ihlih
Aliluya aliluya aliluya-3 (Abyar)
2. Anganti hen pintu lingan galulih
Tanimyim Jisun abdilih.
3. Angati tanimyim Jisun rabanglih
Anin pintuhen tabmadlih.
4. Anganti tanimyim Jisun tabmadlih
Hen ji'i'n bandalin.

5. Anganti sanabyun heni hanglai
Janggardahen yarmenglih.

221

1. Jisun oppungte anlen a do'ng
Lippan ambrij abtarba
Lippan ambrij hen abtartai hen abtartai.
2. Jisun oppungte anlen a do'ng
Basidan ambrij ideba
Basidan ambrij hen i detai hen i detai.
3. Jisun oppungte anlen a do'ng
Pasijan ambrij i deba
Pasijan ambrij heni detai heni i detai.
4. Jisun oppungte anlen a do'ng
Bukkai sakkin oppungdong
Bukkai sakkin hen abbirai hen abbirai.
5. Jisun oppungte anlen a do'ng
Sonum purpur a lumdong
Sonum pur pur hen adlumi hen adlumi.
6. Jisun oppungte anlen a do'ng
Hen do'ngbin gudinglai
Ambin irsin omdaba la omdaba la.

222

1. E Jisun umeng lingna la Aman
E Gamang baya dina la Aman
Galulangtin la da'ling nami
Tabublangtin la ganingling nami.

2. Adlinglin Jisun gameten la
Antin adnang Jisun birnetin la
E asui dirna maranji ambin
E bantong ji' maranji ambin.

3. Antin adanang Jisun gametin la
Antin adnang Jisun birnetin la
Uyubbin agassa po mangbin la
Dirnabin arika po mangbabin.

4. Tanangle Jisun gametin buhang
Bantongkaih battin birnetin Jisun
E kutsalijda ring-nala aman
E ganudyur-da kardinga aman

5. Jisun atam biranan ja'njale
Jisun atam birnan diran dir-rin
Kutsalijdanja lagaddam deli
Ganudyurdanja ring ringdam deli.

6. Antin adnang adirna maranji
Antin adnang hanang-na maranji
boi boi rubmangdam deliji buhang
boi boi bantongdam deliji tonan

1. Ruang rajam Kitung a sintam
Marid rajam Jisun a sintam
Kan a royongan apsele.

2. Ranukkun a murda Kitunglen
Marandan a danemar rajalen
Do'ngnam a sinsintam nami.
3. Ranukku nam agijgijbin asan
Marandanam agupabin asan
Sedale handrama on-namji.
4. Kan asan e Kitung a garbirtam
Kan asan e Jisu a oppungtam
Ranaptinam tiyle handramaji.
5. Kani ranukkun turturbin asan
Aman na sedale gudingleji
Aman na sedale tabngijleji.
6. Itin asan gamlenden Kitung
Itin asan gamlenden Jisu
Yaryar maneng sonuman daku.
7. Kani ranukku nam asan la
Kani maranda nam asan la
Bo anta on-namji tabngijle.
8. Saneda boanta on-namji batti
Tanabgij boanta on-namji batti
Handrama ranukkun madranga.
9. Nami saring tanabgij on-namji
Nami saring boanta marnamji
Kan oseng abtoltaran batti.

10. Ganugu mukkaling-nam Uang
Kuddub ranukkun atimanglingan
Nami appimingle a jalaiji.
11. Nami saring kan ranukkunji
Nami saring kan marandan la
Ambin batti Kitungan barate.
12. Kani dijne ganar garan batti
Kan dijne ganadlambir batti
Kitungan do'ngbin handrambinti.

224

1. Ganardi dinna lingan la
Ganabdil ayam lingan la
Ganardimar Kitunglen la
Anabmeng-mar Gamanglen la.
2. Kuddub ordaran gardile
Kuddub janaban amdungle
Kuddub yaryaran gabdille
Mandranji janang sabjale.
3. Baran takudlin atiki
Baran su'lin atiki
Tudru dinna atiki ling
Gulji dinna ling lululin.
4. Anlen apsele buhangji
Anlen apsele tonanji
Kuddub baralen omdale
Kuddub tasalen omdale.

5. Luluna dinnan ardulai
Layumna royong hanglabi
Anlen janangden buhangji
Anlen janangden tonanji.
6. Nami dinnan ati anlen
Nami royong ati anlen
Jaba la alulunaba
Jisu a do'ng a gangkilba.

225

1. Arakaddan atarangdi lingan
Uan a mandra kolin la
Buhang butinden anin la
Kolin Kitungan na a On
Anin ordaran Ablumar
Pintu kanabhidmar Anin
Anlen atandibin asan.
2. Pintun agaramgam buhang
Addam jujulen adnang la
Oban yuyulen ayam ling
Kitung banaih ardileji
Arang-gur juman jumle
Ganaroi banudin hangle
Ansadamlin sabngaijinji.
3. Kalaborin a baru lingan
Itin amiham dungte la
Itin amihaman pete
Pintu anabsi'dan asan

Mandran amadridbin asan
Jisun atamimiyim mihan
Jorodtai la je'je-e-e.

4. Arakadang lingan a birna
Ayingan a mandra jate
Ayingan a mandra dirtin
Anin ranab ran hangte
Anin anablun hangte
Jisu atanimiyim asan
Anin tordong me'ngti na.

226

1. Ruang rajam Kitungan ualen
Matsi rajam ablu Kitunglen
Ganugunam de'ti uang
Saninsinnam de'ti Kitung.
2. Mangbanam agarbirbin asan la
Do'ngnam a gangkilbin asan la
A gutullai a kani si'ngan
A sabjalai la kani si'ngan.
3. Kuddub jattinji amang lingan
Kuddub mandranji aganigijling
Garbirsing gamle pimingeti
Girjasing gamle pungiati.
4. Tidne pintumar edanetinden
Tidne ir-simar garbiretinden

Anin tanabmadan la hangte
Anin banabyin la hangte.

5. Ettile pintulen janangden
Ettile ir-silen janangden
Tabmadle do'nglen handrama
Babyile do'nglen abmo'ihlen.

227

1. Abhar harre la Jisun abmarangle la Jisun
Kani a ordarlingan Jisun a tega.
2. Darda-dam sanangan langakadam ruangan
Riile addamnaitin kan a purti ban.

228

Jisun do'nghen timyemihtin
O mano'ih mandrengnan hanglai hanglai la
Jisun do'nghen timyemihtin (abyar)

1. Baibolan kenolle Jisun hanga la hanga la
Baibolan kenolle Jisun hanga.....
2. Garberan batte Jisun hanga la hanga la
Garberan batte Jisun hanga.....
3. Girjaban iyle Jisun hanga la hanga la
Girjaban iyle Jisun hanga.....

4. Anumnan batte Jisun hanga la hanga la
Anumnan batte Jisun hanga.....
5. Sakkiberan oblengle Jisun hanga la hanga la
Sakkiberan oblengle Jisun hanga.....
6. Tabubdan hangle Jisun hanga la hanga la
Tabubdan hangle Jisun hanga....

229

Joban ado'ng senkendrale akinba buhangji
Joban ado'ng senkendrale akinba tonanji
Amen Amen Amen Alleluya – 2 tra

Joban ado'ng tarjubsilin akinba buhangji
Joban ado'ng tarjubsilin akinba tonanji
Amen Amen Amen Alleluya – 2 tra

Joban ado'ng senkendrale tongaiba buhangji
Joban ado'ng senkendrale tongaiba tonanji
Amen Amen Amen Alleluya – 2 tra

230

Jioban asan bo tabme kinan kinba
 Gamang Jisun asan bo tabme kinan kinba
 E ordar desan mandranji jiobalen asan kinba
 E yar yar disan mandranji Gamang Jisulen asan kinba
 A.... a... a..... alleluya. U.....u....u... ussanna.

Jioban asan tongba do kinba
 Gamang Jisulen asan irdikalen kinba
 Kuddublen asan maylen Jisulen ado'ng
 Ganugu panemengan atiyba.

Jiobalen asan daneb debanji adebba
 Gamang Jisulen asan ranai rajanji a raiba
 Kuddublen maylen ahim ringan
 Daina kinan a kinba.

Jioban asan daina kaban abdiba
 Gamang Jisulen asan tirid silen a kinba
 Kuddublen maylen tarjub silen
 Kinle, tongle a sinba.

231

Ordar ling iten a maina, Jisun a boantanji
 Boantanji anlen badloim maranji na.

Buran a rupa, ontidan a barasun,
 Barasu ted ordar disa ringan, Jisun a boantanji.

Pintun a kanin-dum saring na la
 Bubyungan ayam ardu-ayten, Jisun a boantanji.

Butente Jisun rabangte anin me'ngte,
 Kahidle janang den ruangling maitenbe
 Ruang sanidtan hangba amben, Jisun a boantanji.

(157)

232

E ! Kitung sayamih, E ! Raja tangorih
E ordaran a raja uggarba hen yerrai,
Aman sadan sandle mandreng na hen ardika.

Er-ahid hana jingan mandreng na ling hen,
Pintu ganid mad lingan galulih heni.

Danukka mandreng na hen iban ambrij
Sanabyu nam badrija uggar ling hen.

233

E Kitung hen, E Gamang hen,
Mandrengna ling hen tordong manoihan tih.

Ordar lingan angante kanalkalan yertai (Yertai)
Tordong manghen dakuna Kitung, tangorre urungih.

Ordar lingan angante tanamder yertai (Yertai)
Berna namji batten do'ng hen rabduih.

Ordar lingan angante danukkan yertai (Yertai)
Sanaye mandrengnan tih, dainan a hangben.

234

Ameng Kitungan anin, Jisu Kristu ahiman
Batur tinay amangban, sanabyu, manoih lingan.

Lungud disa lingan, Anin panuang a lippan
Pintu ordar lingan, Anin na pana-lidan
Amdangte edana hen, Anin na banadtur hen
Kanalkal ayam lingan, Anin tanandi mar hen.

Ayaman padle yerte, Anin umeng dayartai,
 Atam sanib-dai beran, Jisun umengle yertai,
 Matsi daman rajam ruangban gantabe
 Galaih piangge dedong ben, Anin na Gamangtung hen.

Sanabyu, manoih ringan,
 Panuangan, lippan anin na
 Pana-lidan anin na, banadtur hen anin na
 Gamangtung hen anin na.

235

Dayarai dayarai.....
 Mandreng na hen iten deti,
 Jisun sadle kan ordar ringan.

Kristu mandreng nan manoihan
 Kristu mandreng nan anirdikan
 Amangban tum dernaba buhanji.

Mandreng na beranji kani
 Bittin a ganij mad ringan
 Je'ben atiy dong buhanji.

Nami daku, biyo aggalambe
 Uyungan janang bubyungte.

Anin abernan tarda bittilen
 Kun abernan manrengnalen
 Anablu godan absuite
 Tordong ayam ringan ayema.

(159)

236

E tanimyem Jisu asuyem marlen
Jingba nam anlen ayertai
Monna, purardan, bittin pangle yertai
Labduy-bablen Jisu sinkinratam.

Dile dinnan aman absitatih
Galu-tih abmang danrable dakku-tih
Kan mandrengna hanagod ling hen Kitung
Berna nam tum tordong tangor tih.

Danukka, kanalkanal tordong dakute
Bindo asuyam tordong tulla tih
Annardi jeng ling nam tordong
Sannille sandung tam
Tanakud lingan hen daina mar detai.

Ganangkilan Jisun saring hanglabe anlen
Garij dangge do'nglen ruangan a bittin
Palangle janang den danukan ted
Ganugu panemengan tordong tiytam.

237

Kaninkin sarrang hen aman na
Saninsin sarrang hen aman na
Angante hen do'ng nam guding tai
Mandrengna ling hen Jisu aman na
U..... a..... a.....aaa. E..... Jisu hen
U..... a..... a.....aaa. E..... Jisu hen.

Aman sadle mandreng na hen
 Kudduban arrika dam
 Aman na mandreng na god hen
 Saiding tam yar yar manengban.

Mattub on nam aman tiylih
 Tambe mandrengnan hen hanglai
 Karahidan anin hangle
 Pintu hen anin tamedle.

238

Amdangba buhang, amdangba tonan
 Ordaran a kuddub mandranji
 Mandrengna hana god ling
 Saneng sengan a tangor ling
 Arakadang nam tamedle, Jisun batten hana.

Dungdam dan dunglen aloban mailen
 Ganingda lingan la maiten
 Kuddublen mailen jaba ayerba
 Jisu Kristun ampara.

Riang tidanji engdalen
 Jisun ado'ng sentenji
 Ettele anlen jaba akenba
 Jisu Kristun a kaninan.

239

Sayamih e Kitung dile mandrengna ling hen
 Nami sikkoija aman urungih
 Tangorih dile dinnan.

(161)

A oniman engale, reneng lingan sotinji
Ettele reneng ling nam, badtur tinai e Kitung

Sanib daij bernam Kitung
Dong hen adnom-daih
Lanad mukka hen e Kitung, atalsi ling nam daku.

Ameng Kitung hen aman, aman na kanti tal hen
Bernam batten e Kitung, mandreng na hen puangle.

240

Anlen ate aggoiyai la Kitung
Do'ngnam asenkindraben (Abyarkin)

1. Garde maranji la hanan ranaptin tiyle
Tiyle la e Kitung aman.
2. Mobmo maranji la bernan ranaptin tiyle
Tiyle la e Kitung aman.
3. Pintu maranji la tabme janggardan tiyle
Tiyle la e Kitung aman.
4. Karahid maranji la yanarmengan tiyle
Tiyle la e Kitung aman.
5. Kardu maranji la gijben ranaptin tiyle
Tiyle la e Kitung aman.

241

Tanimyem lingan yangan ambrij
Jisu Kristun timymlangtin
Alleluýa..... 4 tra

1. Augar-dam lingan kundrum langten
Kuddub sanintalen sabngaijte.
2. Karahidan hangle anlen asan
Kuddub pintulen sabngaijle.
3. Do'nghen angajanang adnumdrengih
Do'ngnam janang adnumdrengam.
4. Silen hamle hanan hanghang langtin
Diasing hanan hanghang langtin.
5. Ruangan saring Jisun yertai
Anlen a urungben umeng yertai.

242

E mananga do lanagin maranji
A sakki mar deba (2 Tra)

Jisun gudinglangtin (2 Tra)
Amang ling dakulin
Kan ordarling absuiba taramtam.....
Asakki mar deba. (2 Tra)

Kan riangan pardarte pardarte
Bo dinna pardarte jardina pardarte..... (2 Tra)
Kan angaijan galute galute
Bo dinna galute jardinna galute galute (2 Tra)
Sanedamaranji ruangban yerteji
Amang ling dakulin kan ordarling
Absuiba taramtaman..... asakkimar deba..... (i)

Kan ordaran si'dte si'dte
Bo dinna si'dte jardinna sidte (2 Tra)

(163)

Kan uyungan pahidte pahidte
Bo dinna pahidte jardinna pahidte..... (2 Tra)
Saneda maranji ruangan yertenji (2 Tra)
Amangling dakulin kan ordarling
Absuiba taramtaman asakkimar deba.....(ii)

243

Mariddam mariddam Gamang Kitung
Kuddub ranaptimar Jisun daku
Jisun dakuli Jisun yertai.....(2 tra)

Tamba togal gamba alleluya
Er-lululinbe gamba alleluya
Jisun anlen ate agamba alleluya
Alleluya amen alleluya..... (2 tra)

Uai sarrangle gamba alleluya
Tarjubsinlin gamba alleluya
Jisun anlen ate agamba alleluya
Alleluya amen alleluya (2 tra)

Mo'ihle la gamba alleluya
Erdikale la gamba alleluya
Jisun anlen ate agamba alleluya
Alleluya amen alleluya (2 tra)

244

Jisu ahimnam baratturalen
Anlen do'ngnam asinkinratam
Asinkinratam anlen asinkinratam (Abyar kin)
Asinkinratam anlen asinkinratam. (2 tra)

1. Jioba jiri
Gamangtungan tiytiylangten
Kalkal dage dedong la
Kalkal dage dedong
Jisu ahimnam

2. Jioba rappa
Gamangtungan sanamangtiymar
Asinkinratam anlen asinkinratam
Jisu ahimnam
3. Jioba nissi
Gamangtungan dainatiymar
Asinkinratam anlen asinkinratam
Jisu ahimnam
4. Jioba salem
Gamangtungan sanabyutiymar
Asinkinratam anlen asinkinratam.
Jisu ahimnam

245

**E Raja Kitung Gamang Kitung
Umeng yerai umeng yerai (2 tra)**

1. Amanna ruanggod Kitungan
Amanna mandrengna Kitung
E raja Kitung
2. Ildagigod ling omdadonglen
Pintugod ling omdadonglen
E raja Kitung
3. Janggardahen rabdua ua Kitung
Ruang rajam urungih uang
E raja Kitung

(165)

246

Oskainaba ruang rajam ayerben
Yeraiten Jisun a urungben. (abyer kin)

1. Dianam rabdule lippan soile
Jagarta dakuna Jisun amang.
2. Garberlin dakuna purardaling nam
Dir-dir lin dakuna Jisun amang.
3. Kitungan do'nglen gudinglangten
Abyar monalin dayaraiba.

247

Hen Kitungan ado'ng gangkiltai
Erahidan a mandrengnan hangtai
A a a alleluya (4 tra)

1. Paulo ambrij roitad mar detai
Jisun ambrij ganangkil mar detai.
2. Solomon ambrij galam mar detai
Ayubon ambrij bitti mar detai.
3. Mojeson ambrij lagadmar detai
Daudo ambrij kinkin mar detai.

248

Angante angante monalinghen ogandital
Ontidan ambrij engle ayerten ambrij ogaltai.

1. Girjaban iyle sobaban iyle
Jisun amangban yerren ambrij ogaltai.

2. Anamnan batte garberan batte
Jisun amangban yerren ambrij ogaltai.
3. Baibolan kinolle kinkinan kinle,
Jisun amangban yerren ambrij ogaltai.

249

Jisun amang a yerba arakaddangan hamle
Manaridan tiyte tana'ran tiyte
Anin amang a yerba arakaddangan hamle....1.

Anin bangsa gupamar ordaran Anablumar
Anin tiyte mandrengnan Anin tiyte lulunan
Tanakudan ayam ranasuman ayam
Jisun urunglangtin la.....2.

Ahidle yeraitin la ordar ranasum dinnan
Uggarling lippan oilenden
Marid Janggardan hanglenden
Tanakudan ayam ranasuman ayam
Jisun urunglangtin la.....3

250

Anlen bo dinna Jisun ampra
Ruangan yertabe
U'alén ite gijbe, manoihan hangtabe
Alleluya ... alleluya ... alleluya ... (2 Tra)

1. Danukka mandrenganlen, sani'dan deti
Tordong Jisun ampra, moihle basutabi.
2. Ordar barasu singlen tordong abbasube
Bituna maranji anlen, asui dinnan apsele.
3. Oskailen dakunaiba, ruangan a yerben
Jisun umeng dayartai, anlen a urungben.

(167)

251

Raja raja gamle sinle kinaiba
Raja raja gamle tongle kinaiba (2 time)

Jisun na raja Kitungan
Kinaiba alleluya
Jisun na Ablu Kitungan
Kinaiba alleluya (2 time)

Akaparda lingan dane-birdaran
Danakun deli la (2 time)

Anin rubmangdam, taniyber-mar
Ranapti Kitungan (2 time)

Tarda ayam u'an sanabyu a raja
Gamle ahiman kinaiba (2 time)

252

Gamangtungan ado'ng sinkinraba
Gamlenden anin banangsadam
Iten asan gamlenden anin asuyeman er-ahidam. - 0 -

Kitunganji a Kitung ado'ng sinkinraba
Gamanganji a Gamang ado'ng sinkinraba (2 time)
Iten asan gamlenden - 1 -

Ruang Kitungan ado'ng sinkinraba
Rajanji a raja ado'ng sinkinraba
Iten asan gamlenden (2 time) - 2 -

Kitungan ordaran dihone timyemeten,
a miytub o'nan tiyaiten.

Butente anin amang lingan der-derten
Er-ahid mandrengnan hangte.

Jaba la jaba buhang Jisulen ado'ng asinkinraba
Jaba la jaba tonan Jisulen ado'ng asinkinraba. -0-

Rajanji a Raja Jisulen ado'ng jaba la asinkinraba.
Kuddub saring langka Kitungan ado'ng
jaba la asinkinraba.

Jaba la jaba buhang Jisulen ado'ng a sinkinraba
Jaba la jaba tonan Jisulen ado'ng a sinkinraba. -1-

Gupamarlen tordong Jioban ado'ng jaba la asinkinraba
Pintu tanabmadmar Jisulen ado'ng jaba la asinkinraba
Jaba la jaba buhang Jisulen ado'ng a sinkinraba
Jaba la jaba tonan Jisulen ado'ng a sinkinraba. -2-

Singan, saraban bara ling,
hana ling kinaiba buhang tonanji
Tigeraijan raile pirurduijan padle Moihle tongle kinaiba
Jaba la jaba buhang Jisulen ado'ng asinkinraba
Jaba la jaba tonan Jisulen ado'ng asinkinraba. -3-

Raja raja raja Jisulen na raja
Halleluya halleluya... - 0 -

(169)

Tarjubsilin anlen a sinkenraba

Tiridsilin anlen a sinkenraba

Halleluya halleluya ... - 1-

Tinrabsilin anlen a garbernaba

Turдум jinglin anlen asenpur-naiba.

Halleluya halleluya ... - 2 -

Taniytiyan tiyle a gangkilnaiba

Kanub kuban kuble abmoihnaiba... - 3 -

Anumengan batte girjaban aiba

A bernan amdangle sanittan a hangba

Halleluya halleluya ... - 4 -

255

Kitungan a rajam tuyali nami la

Umeng anlen a oskainaba (2 tra)

Girjaban iyle umeng anlen a oskainaba -1 -

Garberan batte umeng anlen a oskainaba -2-

Kinolan batte umeng anlen a oskainaba -3-

Ganangkilan batte umeng anlen a oskainaba -4-

Taniytiyan tiyle umeng anlen a oskainaba -5-

Tanimyeman batte umeng anlen a oskainaba -6-

Manaridan batte umeng anlen a oskainaba -7-

E buhangji a bantongdongne
Kristu lingan radu hanaba. 2tra
E tonanji abantongdongne
Kristu lingan tordong hanaba
Anin tiyte ranadun la anuyubangodan
Anin tiyte mandrengnan la anablungodan (2tra) -0-

Girjasingan Baibolan habmangteji
Kristu maranji ado'ng kabhiteji
Haman hamle barandisingan pangteji
Kitungan a bernan a oblingdong gamteji.
Delijanang a bantongdongne
Delijanang atakar-dongne
E buhangji... -1-

Sakkai Kitungan ado'ng adgalameji
Sakkai janardin atangor adnabmedeji
Saulo saring anin Paulo deli
Bo ayam Jisun amang kuddub dirtenji
Jaba buhang jaba tonanji
Kristu lingan radu hanaiba.
E buhangji abantongdongne... - 2 -

Tongle tongle kinle kinle dakutinai
Jisu tordong kinratam
Haleluya kinle kinle dakutinai

(171)

Jisu tordong kinratam
Haleluya usana Jisun ahim kinratai
Tindrabsilin hen garbertenai
Jisu tordong kinratam -0-

Angante hen langud lingan pintun lumlai
Asuyemle do'ngnen tandile
Kanalkalan danukkan tolbadlih
Jisu aman do'ngnen timyamlih
Turdubjingle mangbanam garbertinai
Jisu tordong kinratam -1-

Mandrengnahan manoihan addakued
Karahidan atiki kinoraiyan
Tabme mandreng tiye abmoihtih
Ruangan a urungbin abdir-dirtih
Ansaring hen moihtin, garbertinai
Jisu tordong kinratam. -2-

258

Jisun na sakkai Kitungan
Jisun na ruang Kitungan
Ruangan saring yeraiten
Jisun na ruang Kitungan -0-

Monloi rutin bagu sannayon
Monloi ojar mandranji
Be'e pungle jumleji
Migal turdud lagguli -1-

Kussalihdan abringnaeten
Da'n a langka haneten
Janardi Kitungan asan
Rubmangdage baran lumete -2-

259

Uyungan tuitujan kudduban galuti
Barunji akudduban rardaite
Gijba barij ordaran aumadan ambrij
Kudduban le'mte, mandrengnanam itin deti -0-

Kitungan ado'ng umrengle ,
Joldaberan haman hamle
Ordar managadling yerte po
Si'ng birindan bittin omdale
Aurruidong aman yerte
Aman rapti aggalame po
Itin asan e buhang kalkal hangte
Nami Jisun amang derna
abernan kudduban mannea -1-

Jisun ado'ng jalenden,
Jisun adong gangkillenden
Ranasum dinnalingan buhang
Tarub ratam lingan yertai
Jisun do'ngnam aurungben
Ruang lingan danen atiyben
Ijjaden e buhang kinorai galutam
Kuddub dinnan asan er pahid ganingtud lingan -2-

(173)

260

Jisun na tangoran Jisun na janardin
Jisun na manrengnan la (2 tra)
Butinte sanilte anin na rabangte
Butinte debsengte anin ranin deti
Jisun na janardin la -0-

Atanimyeman asan panopon deli la
Atanimyeman asan panaran deli la (2 tra)
Butinte sanilte anin na rabangte
Butinte debsengte anin ranin deti
Jisun na janardin la -1-

Atanimyeman asan a purardan tiyeten
Atanimyeman asan a mihaman laeten (2 tra)
Butinte sanilte anin na rabangte
Butinte debsengte anin ranin deti
Jisun najanardin la -2-

Atanimyeman asan kanuban deli la
Atanimyeman asan sanurpid deli la
Butinte sanilte anin na rabangte
Butinte debsengte anin ranin deti
Jisun na janardin la -3-

261

Halleluya Jisu halleluya
Halleluya Raja halleluya (2 tra)
Ruang tangoran ruang sanangan (2 tra)
Aman na Jisu aman na Jisu -0-
Surpid damtinai manglingnam Jisu
Ruang Rajamling ayerben asan

Mandrengna hanagodlinghen Jisu
Donghen tangore urungih (2 tra)
Ruang tangoran ruang sanangan (2 tra)
Aman na Jisu aman na Jisu. -1-

Donglen tandiben asan Jisu
Ruangan saring aman laisolai
Donglen tandile aman Jisu
Ruang Rajamling aman dayarle (2 tra)
Ruang tangoran Ruang sanangan (2 tra)
Aman na Jisu aman na Jisu -2-

262

Purarda hen tongle tongle kinte la monna hen
Sangaijeten Jisunhen la
Kudduban pintu hen la (2tra)

Angante saring hen abyar monnalina
Pintu hen sangaile uggarhen puangle
Dajing a karamma ihen purarda hen. -0-

Galulih anganti ateng lungudlingan
Tanaran absuijihten Jisun mandrengnahan
Pintu atangor ling galulihjanangden
Tangorre pangihten Jisun mandrengna godlingan Anin
atanimyem ateng murdadam
Anin asuyeman ateng murdadam
Dajing akaramma ihen purarda hen -1-

Tordong GamangKitung aman asuuyemnam Tanimyemnan
manadsinam aman mandrengna hen Anin
ahim lingan hangle tanaran

(175)

Purarda linghen la tongle tongle moihti
Dakueti tordong Jisun ahim manghen
Anin ahim ringan hangle mandrengna hen
Kinle kinle anin asan kan mandrengna hen. -2-

263

Jisun umeng dayartai umeng dayartai
Aman oskaidamlin po ? (2 tra)
Jisun Jisun Jisun umeng dayartai -0-

Tarub ratamlingan anin yertai
Aman oskaidamlin po ?
Surakomped ringan anin yertai
Aman abyarjeelin po ? -1-

Derna maran a urungben yertai
Aman tabbubdaln po ?
Ranukun ado'ng urungben yertai
Amben aboi daku po ? -2-

Sonuman ado'ng absidben yertai
Pintun saring dayarai
Sanabyun rajaman gutulben yerai
Kikilin a omdaba. -3-

264

Yeraiten Jisu rajan anlen asan
Ruangan omdale ordarban (2 tra)
Jisu Jisu rajan karud kudan hangle buhang
Jisun Jisu rajan Betaliom ling (2 tra) -0-

Gijba resa Jisun langaloge gijlangten
Anin asin batte gudinglangten
Jaba jaba anlen mailin ayernaba
Jaba ahim ringan a kinnaiba (2 tra)

Jisu Jisu rajan karud kudan hangle buhang
Jisu Jisu rajan Betaliom ling (2 tra) -1-
Gijba gijba buhang sungkaran la tarte
Langaloge tangoran apsuijlangten
Mandra dage Jisun ildamlin la yeraiten
Kani sanna ordar lingan la buhang (2 tra)
Jisu Jisu rajan karud kudan hangle buhang
Jisu Jisu rajan Betaliom ling (2 tra) -2-

265

Nami atogal dajing a langa (2 tra)
Tanimyem Jisu rajalen
Nami atogal karudkud deli
Kan atogal karudkud deli. -0-
Guarda singlingan karudkudan deli
Ponditonji ganitiyan tiyleji (2 tra)
Tanimyem Jisu rajalen
Nami atogal karudkud deli
Kan atogal karudkud deli. -1-
Jaba ordar mandranji Jisun agijnaiba
Jisulen ganitiyan atinyaiba (2 tra)
Tanimyem Jisu rajalen
Nami atogal karudkudan deli
Kan atogal karudkud deli. -2-
Rajalen agijben anlen ayernaba
Jisun asan kaninkinan akinaiba (2 tra)
Tanimyem Jisu rajalen
Nami atogal karudkud deli
Kan atogal karudkud deli. -3-

(177)

266

Yeraiten buhang Jisu rajan
Yeraiten tonan Jisu rajan (2 tra)
Anlenji asan ordarban yeraiten (2 tra)
Tarte aboi sungkaran. -0-

Gijba la gijba pisirdianji
Kinteji Jisun ahiman
Anlen asan yeraiten ordarban
Pintulenji asabngaiben (2 tra)
Anlenji asan ordarban yeraiten (2 tra)
Tarte aboi sungkaran. -1-

Yeraiten buhang anlen urungben
Jaba irdakalin atongba
Ganumten sakkai deli la buhang
Ogaltai kani ayam ling (2 tra)
Anlenji asan ordarban yeraiten (2 tra)
Tarte aboi sungkaran. -2-

267

DAINAKABAN A JAITA A KANINKINAN

1. Puyengte puyengte, pangringte pangringte
Tungar riang lingan, kuni dainakaban
pangringte pangringte
Tungar riang lingan kuni dainakaban
2. Anabdin deli la tanabnang deli la
Tungar riang lingan kuni dainakaban
tanabnang deli la
Tungar riang lingan kuni dainakaban
3. Tiridmadlin gijba abkudmadlin gijba
Tungar riang lingan kuni dainakaban

abkudmadlin gijba

Tungar riang lingan kuni dainakaban

4. Jisun na Dainakaban Jisun na Ablukaban
Anlen atandiben apsele la
Jisun na Ablukaban
Anlen atandiben apsele la

268

1. Yarmengle la dineten Jisulen
Yarmengle la daineten Jisulen
Karahid ado'ng abladnale la
Jisulen buhangji.
2. Karahid akantin ado'ng
Anin daman aranaptin batte
Abladnale daineten
Jisulen buhangji.
3. Jisun aranaptin baran
Gadlambala umengle ordarban
Yarmengle la yerreten Ruangban
Jisulen buhangji.
4. Daina kaninkinan sadate
Irdaka madsu deti uggarlen
Tarban ambrij ratte uggarlen
Jisulen buhangji.
5. Karahid tanolbadan apurere
Yarmengle la dineten Jisulen
Ababsuidamlin anin mandranji amangling
Jisulen buhangji.

Aman sadan sadle Kitung
Aman sadan sadle Jisu x2
Hen iteja lumle adraptiai (Kitung)
Do'ngnam gangkilben aggalamai -0-

1. Ganangkil baranam
Boi boi rubmangdam
Lumben asan ganalam-hen agassadam
E Ua Kitung Aman asuyemdam
Hanghangle tangorih-Aman adam.
2. Do'ng lingan Hen-ni,
Boi boi balaidam
Purarda lingan
Janang er-uyubdam
Janggarda lingan
Janang er-tu'ldam
E-Ua Kitung-ti'h ranaptinam.
3. Ganalam lingan Hen
Boi boi osengdam
Anten asan bara Lingan er-ju'ndam
Ranaptinam tiyle
Abba Kitung
Dardile hanghangih -bara lingnam.

Er-objongdage E Kitung tanimyimnam
Er-objongdage E Jisu asuyem nam
Kuddub rubmang sanayam nam
Ayemle sinkinratam -0-

1. Lungud lingan dakulih adnang heni
Banangsan agijlai
Ordar taramtam ling halenai adnang
Sanabyun adhanglai
Suyemdale aman abdelih Jisu
Er-bangsa mandrengna saring
Baranam a lumben gudinglih aman
Er-roitad mandrengnan saring.
2. Angante bara lingnam tiyji'linai
Manoi'han hanglai
Ateng tanka bitti adhanglaija
Sing linghen sanabyun hanglai
Ruangan a bitti bangsa taramtaman
Mangnam saring hangtai
Dile dinan a kuddub sanaisaihenji
Aman tordong appaitai.

271

Kinsadamnaben asan

Abgugudamnaben asan

Hen a ranapti orde agasa banangsa

Bara lingnam Hen daku asuyemnam asan -0-

1. Ordaran saring hangtai tanemderan
(Bindo) Ruangan saring hangtai Tanimyeman
Imalammar saring hangtai panudyingan
(Bindo) Gamangtung saring hantai Panemingan
Isidage deleja do'ng hen gudingli
Bara ling nam hen daku asuyemnam asan.

(181)

2. Kuddub janab sanitan mangnam saring
Ganalam banudin janang berna nam saring
Kuddub manarangan hangtai mangnam saring
iteja adhangai aman sadle buteja saring
Er-galam mar deleja do'ng hen gudingle
Bara ling nam hen daku asuyem nam asan.
3. Dile dinnan baranam alumben asan
Hanghanle tango'rih abojoraiben asan
Ganuding god ling hen a baraben asan
E Kitung sayemih ganugunam asan
Oseng mar deleja do'ng hen gudingle
Bara lingnam hen daku asuyem nam asan.

272

E Jisu A-himnam Ji-ilinghen idle Dakutai
Ugarlinghen Do-ngnamTordong Dakutai-2tra
Puradalinghen yerai Jisu-2tra

1. Aman Rajakitung Pu-radalinghenYirai...
Aman Kitunghen la Ugarlinghen Rajagodna-2tra
E Jisu.....
2. Aman Sanabyulen Sa-nabyuJi-in Tiylen
Aman Manrengnalen Manrengna-JangardanTiylen
E Jisu....

273

Boi boi janattidam Kitungan a berna
Mandrengnan hangtai kinolan kinolle -0-

1. Sanamangan do'nglen
Ji'n do purardaling
Banandan rapti deti
Barij mandrengna linghen.
Kinolan kinolle.

2. Dangarda taramtaman
Kun ayam a mandrengnan
Banandan dean dele
Sanabrin rapti deti.
Kinolan kinolle.
3. Gamangtungan ayemle
Bangsa sakki mar dea
Kuddub mandran amdangle
Anablun hangeteji.
Kinolan kinolle.

274

Kitungan a itsuman ojoraite
Kuddub er-banangsan sangai deti
Do'nglen a urungben umeng dayartai.
Aman oskai daku po (Jisu)x2

1. Kitungan a berna lingan buhang
Jisulen abanaih lingan tonan x 2
Ji'n la tiya aman, monan la tiya
Marid dean dele rajoldam dea.
Do'nglen a urungben...
2. Irdar manoi'h desan urungben asan
Do'nglen do janggardan rabrabben asan
Pisirdianji batte ganugu lingan
Ruangan saring tarub rattam lingan
Do'nglen a urungben...
3. Pintu maranji apsele banitsaran
Derna maranji apsele ranabraban x2
Terred madlen gija ruangban
Er-ahid mandrengnan asi'ngban
Do'nglen a urungben...

E Kitung berna nam
Ameng do umengdam x2
Jinjin mariddam boi boi janattidam
Hen apsele ranaptidam -0-

1. Janardi tanimyem ganangkilan
Hanghangte roitad Baibolan x2
Anten asan kinoltai tordong
Sanitan hangtai barij tardang x2
Hen apsele ranaptidam.
2. Kinoltai hen ruangan a bernan
Kun saring hangtai mandrengnan x2
Hangtai hen kuddub banangsan
Do'ngan do janggardan asan x2
Hen apsele ranaptidam.

Ganugudam Ua Kitung
Rajanji a raja Kitung x2
Ruangan raja garobbob nam
Ordaran haradub pirdanam. -0-

1. Aman roitad Kitungan
Aman bitsara Kitungan. x2
2. Aman tanimyem Kitungan
Aman asuyem Kitungan. x2
3. Aman ranabrab Kitungan
Aman danadrab Kitungan. x2
4. Aman anablu Kitungan
Aman sanabyu Kitungan. x2

Asuyem nam surdadam
Tanimyem ringan barijdam x2
Tordong anlen ampra daku aman. -0-

1. Do'ngan purardan, janggarda ringan
Sanittan tiyle a madrangben asan x2
Tordong anlen ampra daku aman.
2. Bayeran, alungan ataramtaman
Kudduban madrile bandaben asan x2
Tordong anlen ampra daku.
3. Danukka kanalkal banantong ayam
Do'nglen rabrable abuyubben asan x2
Tordong anlen ampra daku aman.

Tabme mandrengna ringan yan langa
Aman ruangan yerte hen dam ruangan yertai
Er-ahid mandrengnan (ahangben). -0-

1. Gamang Kitung ado'ng tanimyim ringan
Aman gangkilla hen dam gangkiltai
Er-ahid mandrengnan (ahangben).
2. Gamang Kitung ado'ng manoi'h ringan
Aman gangkil la hen dam gangkiltai
Er-ahid mandrengnan (ahangben).
3. Kristu tanurdu ringan yan a banangsa
Aman manoi'h hangte hen dam manoi'h hangtai
Er-ahid mandrengna (ahangben).



SANENKEN 100 TANUB

E kuddub desanji, Kitungan apsele mano'ih kenan kenba
Mano'han batte, jaba agankilba

Gunugu Kitungan ad'ong
Mo'hle erdikale kanin kinan kinle

Anin atemangban ayerba.

=0=

Kuddubben galamba Anin na Gamangtung

Ganabdilmar Anin, anlen Anin ate
Anlen Anin ate, anlen Anin ate

Anin na garupa jannongleng
Anin na Kitunglen anlen Anin ate

Anin a marandanji anlen.

=1=

Saninsenan batte Anin a sanangban

Lanimsenan batte a rondardiban
Anin adong senba Anin ad'ong senba

Saninsenan Anin a tiyba
Anin na Kitunglen anlen Anin ate

Anin a marandanji anlen.

=2=

Anin banangsadam kuddub ayam asan

Anin atanimyem angaja adnahide
Anin dernadage Anin dernadage

Anin ajanardin aurdam
Anin na Kitunglen anlen Anin ate

Anin a marandanji anlen.

=3=

—

SANENKEN 150 TANUB

Senkenraba ganugun tiyba, Tordong Gamangtungan

Anin a marid barasu ling Anin ad'ong senba

Anin a ranabti rianganji

Anin ad'ong senkenraba

Senkenraba Ganugun tiyba

Tordong Gamangtungan

=0=

Surakompedan Binaraijan batte,

senkenraba mano'han batte

Tigerajan batte yanadgeding batte

Tongle tongle Anin senkenraba

Tigerajan raijle perurduijan pedle

Anin ad'ong senkenraba.

=1=

Eronobjonge Anin a ganugun

Tarjubsin batte senkenraba

Anin abaran barij ranaptidam

Antin asan Anin senkenraba

Tanongyem purardanji kuddub purardanji

Anin ad'ong senkenraba

=2=

SANENKEN 19 TANUB

Riangan, Tordong Gamang Kitungan

a ganugu apemengte

Arika riangan Anin asi lanumanji

Kuduban apunggite.

=0=

Dinnan saring dinнан Anin bernan opungte

Togal saring togal ganalaman opungte

Anin asarangan harte barij ordar lingan

Anin abernan harte takud tannod sikoij.

=1=

Kitungan anosoiij hadab purardan asan bangsa

Anin abernan tordong ganalaman tiyte

Kitungan anosoiij sakkaij mano'ihan tiyte

Kudub banaihan marid mo'dan apperate.

=2=

Bernanam batte dernamar anadlingan hangte

Mananin batte anin ahulkuijan hangte

Ranabrab arengihen Aman Tordong Gamang Kitunghen

Bernahen do anogalhen jaderih Gamangtung.

=3=



SANENKEN 63 TANUB

E Kitunghen, Tordong Gamangtung

Saijtam d'onnam alung j'ee linghen

Kani manangga darakunaling

Asarsol ring ring darakunaling

Aman asan anargal purardahen

Angterin dakutinai hen.

=0=

Marid darakuna lingan hen gijlam

Ranaptinam do ganugudamnam

Mandrengnan saring jinjin bangsa

Aman a barij asuyemnamla

Mandrengmadtahn d'onnam lemsentai

A him lingnam teredsitinai

Purardahen tordong b'ee mo'ihte. =1=

Darimadna ling saring ayimtam

Tampagal Amantum ogaltam

D'onghen a sayamlihen asan

Renengnam ajaita kendratam

Manglingnam purardahen daku

Janrumsinam hamle dakutih

Er k'uij onnam d'onnam sente. =2=



SANENKEN 121 TANUB

Barunji teredmadlin hen gijgijtai

Uan saring yertai sanayamhen

Riangan do ordaran aganabdilmar Anin

Kuni na Tordong Gamangtung sanayamar hen

Anin saring hangtai sanayaman. =0=

Jengnam ajaloben asan Anin adtiye

Adimadne, Gamangtungan ranabrabmarnam

Anin addimadae

Anin abmibmibdae

Gamangtungan Israel arabrabmar

Anin saring hangtai sanayaman. =1=

Janrumsengbanam alunggun Gamangtungnam

Uyung-anggaij do'ngnam adnabkalkale

Anin rabrabte do'ngnam

Anin sayamte do'ngnam

Bayeran do alungan danrab marnam

Anin saring hangtai sanayaman. =2=



SANENKEN 51 TANUB

E Kitunghen asuyemih, asuyemih

Tanimyem asuyemnam batte tabmadih

Pintu hen gosodle do'ngnen madridih.

=0=

Danusahen dajing abpengbatai mangnam

Temang lingnam daku tordong pintudamhen

Pintun lumlai heni Aman asanggem ling

Etente erbangsa antati na lumlai

Pintun batte heni karudkudan hanglai

Abar-ra do'ngnen madridih Aman.

=1=

Marid uggaran la do'ngnen gardia

Anablun do'ngnen barokij t'ih

Gamangtung Aman adnisume kanuban

Palang uggaran na janaja kanubnam

P'odhen reala Gamang Kitung Aman

Aman a roitadan na kanin kinhen.

=2=



SANENKEN 15 TANUB

E Tordong Gamang Tordong Gamang

Butin basute Aman a darakuna lingnam

Butin basute Aman marid buru lingnam. =0=

Butinti augar janardi berte

Butente ranotad baran lumte

Butente amandra adbobobere

Butente agardi adnaberse-e

Anin manoihdam manoihdam

Anin basute aman a darakuna lingan. =1=

Butente anersen ardermadte

Butente ranoitadan timyemte

Kanalkal delija butente rabrabte

Anin ajanebjeban abojoraite

Anin manoihdam manoihdam

Anin basute Aman a marid baru lingan. =2=

Butente lanabam rirdan adtiye

Butente joldale jaranan appange

Ednegoi butente bangsa baran lumte

Tarda ayam er-idnage dakutin

Anin manoihdam manoihdam

Anin basute Aman a marid baru lingan. =3=




SANENKEN 91 TANUB

Butente lanangka Gamangtungan abarasu lingan basute
Barij ranapti Kitungan alunggu ling
Anin abarasun deti.

Anin banadturnahen Anin kantitalhen
Anin amanglingan danerderhen daku
Arenengan batti do'ngnam rubruble
Arenengan ajaita do'ngnam ablute
Anin ajanardin ranabrab uddardan
Tordong do'ngnam rabte. =0=

Anin abbatonge togalan abanantong
Ordi tamban atuihten a a'man
Bagu a manengnam gungtaji atenganji
Bindo aman hangte ranabraban. =1=

Lanangka Kitungan batte Aman basulenden
Rulingan adyerai barasubanam
Kuddub godlingan do'ngnam arabrabben asan
Anin pisirdian baihte aman bantongbented. =2=



SANENKEN - 103 tanub

Anin ad'ong senkendraba, senkendraba senkendraba,
E purarda-hen e purarda hen
Je'hen do purarda hen kudduban
senkendraba Anin a marrid a himan
E purarda-hen
Karedadong a taniytiyan.

-0-

Tabmadte Anin kuddub ersinamji
Absamangte Anin kuddub rugamnamji
Kanalkalan saring rabrabte do'ngnam
Tiyte do'ngnam asuyum aranubob.

-1-

Gamangtungan tanimyemdam asuyumdam
Banandrabling lesadam asuyumdam
Sabngaijeten kuddub er-ranoitadlenji
Darungyung barubyung dajingante sangai.

-2-

Ertarda mandrengnalen agaban ambrij
Gijata gijata galute tarban ambrij
Dele janang hangteji badloyem maranji
Er anobjong asuyum bangsa taniytiyan.

-3-



SANENKEN - 23 tanub

Gamangtungan na gupamar hen
Gamangtungan timyem gupamar hen
Hen ate erassuige ade'e.ih.....

1. Ledeng gab lingan abtamutih
Lagad daan adam adam ban urungtih
Purarda hen Anin absamang tih
Roitad god ling Anin abhanatih.
2. Karahid tamlung lungud godling halinai janang
Kanal kalan anga janang abbantongai
Aman turdu marhen aman hen ampara
Gamangtung dangunam do'ng hen babyetih.
3. Bera maranji atemang ganagan oskaite
Miholan rumale bob hen jabbobte
Garaga mandi hen gutsurle laate
Banangsa suyumnam d'ong hen sandungtih
Gamang tungan as'ing dete barasu hen
Dile tordong tete barasu hen dete.



KEN KEN - No. - 7

Anlen hanin delai Anlen marrid delai
Jisun a er-janatti miham ling
Anlen na aboi badloyem maranji
 Jisu na jaru tanimyem ling
Anlen murkundarda aboi na marandan
Aboi na dernan aboi s'ing birindan
 Jisu na anlen a Gupamar
 Alleluya — (4 tara)

Aboi do'ng lingan anlen agalna
Kristu Gamangtungan na boblen
Ruangan na tarda barasulen
Kuddublen ansaneda maranji na
Anlen anganuding maran
 Anlen murkundarda..... =1=

Ranoitadan jarijinalen
 Janardin jaridubnalen
Buhang tanimyeman arabmadlen
Ganangkila na ganugulen
Ganangkila na anosaijlen
 Anlen murkundarda..... =2=

Poiijlong boijge anlen an-ganuding
Jang-gardan batte barijdam
Saddate Anin a dayarnakenan
Kudduben moi hnaba anta ayaman
 Oskailen dakunaba
 Anlen murkundarda..... =3=



SANEKEN - 42 tanub

Pargardaban engale argalan asan

Alo da'n saite

Gamangtung ettele Aman abmele

Saite purarda-hen

Amadda hen galai kanudin batte elai

Dajing tamba-togal

Mandran okij bar okij do'ng hen

Ualtinji Kitung nam uan daku ?

J'ee nam iten asan er-garidam

Detam iten asan kanudi nam

Amangan derderna Anin

Badtur na nam Anin Kitungnam.

=1=

Lale tiytam Anin tanimyem suyuman

Anta dinna lingan

Togalan kentai garberan ongtai

Anin apsele

Jee nam iten asan er-garidam

Detam iten asan kanudi nam

Amangan derder na Anin

Badtur na nam Anin Kitung nam.

=2=



SANENKEN - 32 *tanub*

Tanamadan dele buten a danusan

Ranub ruban dele buten a pintu

Anin man'oihdam

Danusan agassa ayengan amandra

Butente a uggarling idal agassa

Anin man'oihdam

=0=

Erab pengbalabe dajingante pintu hen

angante dakulinai ringlin

danuka Je'en asan Ja'ng-hen go'ile

galule lananka hen sinam

Kuddub pintu hen angante pengbalai heni

tamadlih ateng pintu hen

aburre danusa henji.

=1=

Aman saro na len

Aman banatturlen

Kanal kalan saring rabrabtih

Anablu kanenanji ayaryar dakute

unji dunki yaryar maneng

E badloyem maranji

daina kinan kinba

Anin tarda tanimyeman

Anin a tarda a suyum.

=2=



SANENKEN - 95 *tanub*

Jaba Jaba

Gamangtungan ad'ong senkendraba
Anin ranabrab arenglen a Jong jongge
Daina kenan akenba Anin absele
Sanen senan batte Anin amangban aiba
Kanenkenan Kinle daina kenan akenba.

1. Gamang tungan na Gugu Kitungan
Murda Kitungan
Kuddub Kitunganji a lanka
ranapti Raja
diy diy barunji a lanka orde
Jaru parduran
Kuddub Anin asi dane lingan daku.
2. Anlen Anin na garupa Jannong mar
Anin Gupamarlen
Anin asi lingan danangraban
Murkundardan ambrij
Labdui boblin Anin ad'ong
a lemsenba
Anin na Kitunglen, Anin ad'ong
Senpurba.



SANENKEN - 1 tanub

Butente duaih maranji a hanang ling adhane
Butente pintu marji agod ling attanange
Bar pudyengber maranji ampara adgobbe
Bindo Kitung anosaij ringan anin moihte
Anin mano'ihdam, Anin mano'ihdam
Anin mano'ihdam, Anin mano'ihdam.

=0=

Ayengan a ne'b adam da'ban angganu
Hadab ayam ringan anin jo'n tiyte
Ayengan ola baldedle adnasarre
Kan ambrij jong jong dete kun mandra
Itente lumte ante ojoraite
Sanittan dete anin na a bara linga
Anin man'oihdam..... (4 tara)

= 1 =

Agassa kun ambrij a mandrengnan
aduaih mar
Rangen batte a pangringten
a punla saran ambrij
Roitad mar aranukku ling
Pintu mar agassa barasun
Adsayiye anin Kitungan a banitsaran
Anin a godan kuddub s'idte..... (2)
Roitad maran a godan anin rabrabte.

= 2 =



NAMI A MINHUM AKANINKIN

Kani aminhuman a ganudingan
Purardahen abgutsur j'ete
Ordardessa lingan bangsa anoblingan
Yeraite tabme anumeng.

=0=

Maba i oblingba ordaran atemangba
Anuran abernan
Kan ate dakuli tanakud banaihnam
Barij tanimyem banaihnam
Gamangtung banaihnam anlen a manitai,
Dile tordong oskaidamlin.

=1=

Bangsa anoblingan anojorai baramar
Adlinglin denoba
Anargal anomde ateng jangardanji
Mandrengna da'n apsele
Pintu lunggud lingan panaled bernam batte
Badrijle abumenglen.

=2=

Maba kan ordarban kudub jattin amangban
Oblingba anablu beran
Dile uggarlingan Jisun ahim dungte
Sangajeti kanalkalanji
Garberan batte e sanumar aman
Nami abmanglin yerai.

=3=



